

ژن ل بهر

سیبهره ئیسلامی

# **ژن ل بهر سيبه را ئيسلامى**

**ته حسين ئىبراهيم دۆسكى**

- ژنل بەر سىيەرا ئىسلامى
- تەحسین ئىبراھىم دۆسكى
- چاپخانا زانا ، دھۆك
- چاپا ئىككى ۱۴۲۵ مشەختى ۲۰۰۵ زايىنى
- بەرگ : عصام جحى طاهر
- ژمارا سپارتنى : ۱۷۸

## پیشگوئن

إِنَّ الْحَمْدَ لِلَّهِ ، نَحْمَدُهُ وَنُسْتَعِينُهُ وَنَسْتَغْفِرُهُ ، وَنَعُوذُ بِاللَّهِ مِنْ شُرُورِ أَنْفُسِنَا ،  
وسیئات أعمالنا ، من یهد الله فلا مضل له ، ومن یضلل فلا هادي له ، وأشهد أن  
لا إله إلا الله وحده لا شریک له ، وأشهد أن محمداً عبده ورسوله .  
﴿ يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴾ ( آل  
عمران : ۱۰۲ ) .

﴿ يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا  
وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ  
كَانَ عَلَيْكُمْ رَقِيبًا ﴾ ( النساء : ۱ ) .  
﴿ يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا . يُصْلِحْ لَكُمْ أَعْمَالَكُمْ وَيَغْفِرْ  
لَكُمْ ذُنُوبَكُمْ وَمَنْ يُطِغِ اللَّهَ وَرَسُولَهُ فَقَدْ فَازَ فَوْزًا عَظِيمًا ﴾ ( الأحزاب :  
۷۰-۷۱ ) .

أما بعد : فإنَّ أصدق الحديث كتاب الله ، وأحسن الهدي هدي محمد رسول الله  
صلی الله علیه وسلم ، وشر الأمور محدثاتها ، وكل محدثة بدعة ، وكل بدعة  
ضلالة ، وكل ضلالة في النار .

خوانده فانیین هیژا : بابہ تی زنی و دہوری وی د ناکارنا جفاکی ، وئہو مافیین  
وی ہیین ، ژ وان بابہ تانہ ییین ہہردہم بہ حس ژئی دئیہ کرن ، و دہسنیشانکرن  
وی جہی ئیسلامی بو ژنی دانای ژئی ژ وان بابہ تانہ ییین گہلک دان وستاندن  
ژ گہلک لایان فہ ل دور دئیہ کرن ، و ل دہمہ کی ئہف سوحہ تہ د دہزگہیین  
مہ ییین راگہ ہاندنی ژئی دا ہاتبوو نازراندن ، و داخواز ژ مہ ژئی ہاتہ کرن و ہک

پیشکیشکەرئى بەرنامەيى دىنىى كو ئەم پەيشا ئىسلامى د قى بابەتى دا وەكى  
 ژ کىتابا خودى وسوننەتا پىغەمبەرى - سلاف لى بن - دئىتە وەرگرتن ئاشکەرا  
 بکەين ، وپىخەمەت قى چەندى مە چەند بابەتەك بەرھەفکرن و د رادیو  
 وتەلەفزیوونى دا پیشکیش کرن .. پاشى ژ بەر گرنگى یا فان بابەتان ودا كو ئەو  
 ب رەنگەكى نفیسی ل بەر دەست بن مە خواست وان بابەتان ل سەر رەنگى  
 کتیبەك بەلاف بکەين .

و د قى کتیبە ل بەر دەست دا شەش بابەت مە بەرھەفکرىنە ، ئەو ژى ئەقەنە :

- بەرىخوڧانا نزم بو ژنى بوچى ؟

- ئىسلام ومافىن ژنى .

- سەرەدەرى یا ئىسلام د گەل خورستى یا ژنى .

- حىجاب بوچى وچاوا ؟

- ئەو ژنىن مروڧاينى یا خودى ھلېژارتى .

- ئەحکامىن پاڧزى وبى نفىژىبى .

ھىقى یا مە ژ خودايى مەزن ئەو مفا د فان بابەتان دا ھەبت .

تەحسین دۆسكى

دھۆك ۱ / ۹ / ۲۰۰۴

## بەريخۇدانا نزم بۇ ژنى

### بۇچى ؟

گەلەك جاران و ژ گەلەك لايان فە پسيار دئيتە كرن : ئەرى ئىسلام چاوا بەرى  
خۇ ددەتە ژنى ؟ ئىسلامى چ جە بۇ ژنى د جفاكى دا دەسنیشانكرى يە ؟  
ئەرى راستە ئىسلامى - وەكى ھندەك دىيژن - نزم بەرى خۇ دايە ژنى ، وچو  
بها نەدايى ، ولى گەريايە كو بىنى لى چك بكەت ، وچو دەور د ئاكارن  
ويىشقەبرنا جفاكى دا نەدايى ؟

ئەف بابەتە دى بەرسف بت ل سەر فان رەنگە پسياران ، ودا كو بەسقا مە  
ل سەر فان پسياران يا ( عاطفى ) وسەرى نەبت مە ل بەرە سوجەتا خۇ ل دۆر  
قى بابەتى چەندەكى بەرفرەه بكەين ، ئەف بابەتە - ئەگەر خودى حەز بكەت -  
دى بتە دەرگەھەك بۇ چەند بابەتەكىن دى ژى ل دۆر ( ئىسلامى و مافىن ژنى ) ،  
ھىقىيا مە ئەو مفا ژ فان بابەتان بىتە وەرگرتن .

وحەتا ئەم د ئاخفتنا خۇ دا پتر د ( واقعى ) و ( مەوضوعى ) بىن دقئت  
ل دەسپىكى ئەم ل دىروكا مروقىنىيى يا كەفن ونوى بزقرىن ؛ دا بەرى خۇ  
بدەينى كانى بەريخۇدانا دىن وشارستانىيىن كەفن ونوى بۇ ژنى يا چاوا بوويە ؟  
پاشى دا بەرى خۇ بدەينى كانى ديتنا ئىسلامى بۇ ژنى يا ب چ رەنگىيە ،  
وھەقبەر كرنەكى د ناقبەرا فان ھەردو دىتتان دا بكەين .

بەريخۇدانا بۇ ژنى د ناقبەرا ئىسلامى وخەلكى دى دا :

ل دەسپىكى دى بىژين : بى گومان بەريخۇدانا مروقى - ھەر مروقەكى  
ھەبت - بۇ تشتى دى يا ئاكارى بت ل سەر بناخەيى ( تەقدىرا ) بىنەرى بۇ وى

تشتی ، و ( ته‌حدیدا ) وی بۆ طه‌بیعه‌تی وی وده‌وری وی د ئا‌فا‌کرنا ج‌فا‌کی دا ، یه‌عنی : نه‌گهر مه‌ ب‌قی‌ت بزاین کانی به‌ری‌خودانا موسلمان‌ی وخه‌ل‌کی دی بۆ ژنی یا چاوايه ، د‌قی‌ت به‌ری ههر تشته‌کی بزاین کانی ته‌قدیرا قی مرو‌فی بۆ ده‌سنیشان‌کرنا ده‌وری ژنی د ج‌فا‌کی دا یا چاوايه ؟ یان ژ ی بلا بیژین : کانی به‌ری‌خودانا قی مرو‌فی بۆ هه‌بوونا ژنی د قی دنیا‌یی دا یا ب چ ره‌نگه ؟ پشتی نه‌م قی بزاین دی زاین کانی به‌ری‌خودانا وی بۆ ژنی یا ب چ ره‌نگه ، یا نزمه‌یان ژ ی یا بلنده ؟

قی‌جا هه‌تا بزاین کانی ئیسلامی چاوا به‌ری خو دایه ژنی ، د‌قی‌ت نه‌م سه‌حکه‌ینه ( نصووصین شهرعی ) یین ئیسلامی ؛ دا بزاین کانی ئیسلامی چ ده‌ور د ئا‌فا‌کرنا ج‌فا‌کی دا دایه ژنی وه‌نگی ژ نوی نه‌م دی شی‌ین راستی یا به‌ری‌خودانا ئیسلامی بۆ ژنی ده‌سنیشان که‌ین .

وبۆ دیار‌کرنا قی چه‌ندی دی بیژین : ئارمانج ژ ئا‌فراندنا مرو‌فی ، چ ژن بت چ میر - ب دیتنا ئیسلامی - ئیکه ، نه‌و ژ ی په‌رستنا خودی‌یه ، وه‌کی د ئایه‌ته‌کا پیروژ دا هاتی : ﴿ وَمَا خَلَقْتُ الْجِنَّ وَالْإِنْسَ إِلَّا لِعِبَادُونَ - مَنْ تَعْبُدْ وَمُرُوفْ نه‌ئا‌فراندینه نه‌گهر ژ به‌ر ئارمانجه‌کا مه‌زن نه‌بت ، کو نه‌و په‌رستنا من ب تنی بکه‌ن ﴾ [ الذاریات : ۵۶ ] .

ئه‌فه ئارمانجا گشتی ژ ئا‌فراندنی ب خو .. وئارمانجا تایه‌ت ژ ئا‌فراندنی ، ومه‌خسه‌دا مه‌ پێ نه‌و ده‌وره‌یی ئیسلامی د ئا‌فا‌کرنا ج‌فا‌کی دا دایه مرو‌فی ، ئه‌فه ژ وی هه‌دیسی د‌قی‌ته‌ زاین نه‌وا ژ پیغه‌مه‌ری - سلاف لی بن - د‌قی‌ته‌ فه‌گوه‌استن ، وتیدا هاتی‌یه : ﴿ إِنَّ النِّسَاءَ شَقَاقُ الرِّجَالِ - هندی ژن‌کن ژ زه‌لامانه [ وه‌کی وانه ] ﴾ .<sup>(۱)</sup>

(۱) نه‌مه‌د و ترمذی و نه‌بوو داوود قی هه‌دیسی فه‌دگوه‌یزن .

یه‌عنی : ته‌قدیرا ئیسلامی بۆ ژنی ژ هندی دئیت کو ئەو یا هاتی‌یه ئافراندن  
دا ئەو وه‌کی زه‌لامی په‌ستنا خودی بکه‌ت ، ودا د گهل وی مالی ئاڤا که‌ت .

شارستانی‌یین ته‌قدیرا وان بۆ ژنی چی‌یه ؟

گه‌له‌ك شارستانی - یین که‌فن ویین نوی ژی - ل وی باوه‌رینه کو ژن  
ئه‌ندامه‌کا سه‌ره‌کی‌یه د ئاڤا کرنا خوشی‌یی و ( متعی ) دا بۆ زه‌لامی ، وده‌می ئهم  
ل بیرا خو دئیین کو ( خوشی - متعه ) ل نک وان ئارمانجا ژینی یا سه‌ره‌کی‌یه ،  
دی زانین کانی ته‌قدیرا وان بۆ ژنی چی‌یه !

ئیک ژ وان دبیزت : « ژن مه‌خلووقه‌کا غه‌رامی‌یه ، دویر ژ هه‌ژیکرن  
وعشقی وجنسی ، چو مه‌عنا بۆ هه‌بوونا وی نینه » .

### هنده‌ك ژ دیروکه‌کا گه‌له‌ك :

پیغه‌مبه‌ری ئیسلامی - سلاف لی بن - ل سه‌دسالا شه‌شی وحه‌فتی زایینی  
هاتبوو ، وه‌ریخودانا ئیسلامی بۆ ژنی ئەوا ژ قورئانی وحه‌دیسێ دئیته زانین  
ل نیڤا ئیکێ ژ سه‌دسالا هه‌فتی زایینی هاتبوو بنه‌جه‌کرن وه‌لاڤکرن ل جیهانی ،  
ئه‌قی دیروکی دقیت ژ بیر نه‌که‌ین ؛ چونکی دی هه‌وجه‌یینی !

نوکه دا ئاڤه‌کی بده‌ینه دیروکا دین وشارستانی‌یین به‌ری ئیسلامی ؛ دا  
بزاین کانی به‌ریخودانا وان بۆ ژنی یا چاوا بوو ، وبه‌ایی ژنی ل نک وان چه‌ند  
بوو ؟

د شارستانی یا بابلی‌یان دا ، و ب دورستی ل سه‌ر ده‌می مه‌لکی بابلی‌یان یی  
شه‌شی ( هه‌مۆرابی ) ئەوی چل و دو سالان حوکم کری ( ژ سالا ۱۷۹۳ هه‌تا  
۱۷۵۱ به‌ری زایینی ) ، ژن یا هاقیتی بوو ووی چو به‌ایی خو نه‌بوو ،  
وباشترین نیشان ل سه‌ر قی گوتنا مه‌به‌ندا ( ۱۱۷ ) یه ژ قانونا هه‌مۆرابی  
ئه‌وال سالا ۱۷۷۰ به‌ری زایینی هاتی‌یه دانان ، ئەڤ به‌نده دبیزت : « دورسته



بۇ زەلامى ئەگەر دەيندار بوو ژنا خو ، يان كورې خو ، يان كچا خو بفرۆشت ، يان بكت رهينه ل نك خودانى دهيني دا سى سالان خداميني يى بو وي بكت ، و ل سالا چارې خودانى دهيني دقيت رهيني قه گهرينت .

و د شارستاني يا ئاشوريان دا ئەوال هزارا دووي بهري زاييني دسه لاتداري يا وي خورت بووي ، عهيني عهده تي مابوو ، يه عني : زهلامى ماف هه بوو ژنا خو بفرۆشت دا دهيني خو ب بهايي وي بدهت ، يان ژي بكت ته رهينه ل نك خودانى دهيني .<sup>(۱)</sup>

د شارستاني يا هنديان دا ئەگەر زهلامهك بهري ژنا خو مربا دهمي كه له خي زهلامى دينا دا بسوژن ژنا وي ژي دينا ب ساخى د گهل وي دسوٲ ، وئەف شريعه ته هتا ئەفرۆ ژي ل نك هندهك هنديان يى ماي ، و ل ژير سي بهرا قي شارستاني يى ژني ماف نه بوو تشته كي تاي بهت هه بت ، وه چي مالى وي هه يى زهلامى بوو .

د شارستاني يا چينيان دا چي نه دبوو بو ژني بچته د پرستگه ي قه ، يان قوربانه كي پيشكيشي خوداو هندان بكت ؛ چونكي ژن ب ديتا وان چي كريبه كا پيس بوو ويا ژ هه ژي هندي نه بوو پرستنا خوداو هندان بكت ، وكونفو شيووس ئەوي چينيان وه كي پيغهم بهر بو خو حسيب دكر د گوتنه كا خو دا ديژت : « گه لهك ئەگەر بو به ختره شي يا مرو فيني يى هه نه ، ژينده ري وان هه مي يان ژنه » ! ل سه ر قي بناخه يي گاڤا خودي كچهك ددا زهلامى چيني ئەو زيده دقه هري ، ويچكا وي دبر دهافيتسه چولي هتا ژ بي

---

(۱) يى بفيٲ حالي ژني ب بهر فره ي ل ژير سي بهرا فان هه ردو شارستانيان بزانت بلا ل كتيب ( قصة الحضارة ) يا ول ديورانتى بزفرت .

خودانی دمر ، و ل نك چینی یان ژى - وه کی بابلی وئاشوری یان - زهلامی ماف هه بوو ل ده می تهنگافی بی وده بنداری بی ژنا خو بفروشت .

و ل نك یابانی یان - وه کی ول دیوران دبیژت - بابی حق هه بوو کچا خو ل بازاری بفروشت چی گاڤا بهر دهستی وی تهنگ بیا ، وژنی حق نه بوو چو مال ههبت ، ونه ژ میراتی بابی نه یی میړی چو نه دگه هشتی .

ل نك فارسی یان زهلامی حق هه بوو هندی بقیّت ژنان بینت ، نه ب تنی هنده ، بهلکی د شریعه تی ( مه زده کی ) دا بو زهلامی دورست بوو دهیکا خو یان کچا خو یان خویشکا خو ماره بکهت ، وهه چهنده ل سهر ده می زه راده هشتی ژنی پیچه کی مافین خو وهرگرتن ژى بهلی پشستی مرنا وی جاره کا دی بهریخو دانا خه لکی بو ژنی هاته گوهارتن وگه له ک جارن وان د دوعایین خو دا ژ خودی دخواست چو کچان نه ده ته وان .

ل نك ئغریقی یان ، ( گوستاف لوبون ) دیژت : وان حسیب دکر ژن چی کری یه کا بی خیره ، بهس بو هندی یا هاتی یه ئافراندن دا دوونده پى زیده بیت ، وگاڤا ژنا ئیک ژ وان عیاله کی کریت بیا وی حق هه بوو وی بکوژت ! و ژ ( ئه رستو ) یی فهیله سوّف دئیه فه گوهاستن کو ژن ب دیتنا وی گه له ک یا بی بهاتره ژ زهلامی ، ونه و رهنگه که ژ رهنگین کیماسی یا سورشتی ؛ چونکی طه بیعه تی ژنی قهت ناگه هته یی زهلامی .

و ژ لایى ئه خلاقى فه ئغرقى گه هشتی وونه حه دده کی دیژن : ل ئه ئینا هنده ک فیرگه هه بوون ژن فیری کرنا فاحیشی و موسیقی دکر !

د شارستانی یا رومانی یان دا بابی حق هه بوو کچا خو بکوژت یان بفروشت هه ر گاڤه کا وی بقیّت ، وچونکی ب دیتنا وان ( مییاتی ) نه گه ره ک ژ نه گه ریڼ نه بوونا ( ئه هلییه تی ) بوو ژنی حق نه بوو ماله ک ههبت یان میراته کی وهرگرت ،

يان شاهدهيبي د مهسه له كي دا بدهت .. و د سه دسالا حهفتي زاييني دا  
تيگه هشتي يين روماني يان كو نگرهيه كي مه زن گريدا ؛ دا نهو دان وستاندنې  
ل سهر هندي بكنه كاني ژني ژي - وه كي زه لامي - رح ههيه يان نه ؟!

د جاهلييه تا عه ره بان ژي دا ، نهوا ئيسلام هاتي و نهو نه هيلاي ، ژني مافي  
خو نه بوو ، وفه شارتنا وان بو كچكان ب ساخي ، نهوا قورئاني ل سهر وان  
تومار كړي ، باشتيرين نيشانه ل سهر بي بهايي يا ژني .

د جفاكا عه ره بان يا جاهلي دا ميراتي بابي نه دگه هشته كچي ، و نه گهر نهو يا  
شويكري با وزه لامي وي مر با نهو دا بته ملكي كورې وي يي مه زن ، نه گهر وي  
قيابا نهو دا ژن بابا خو ماره كهت ، و نه گهر قيا با دا فروشت ، و كړين وفروتن ژني  
ژي د قتي جفاكي دا تشته كي عه ده تي بوو ، و نه ف نرم بهريخودانا عه ره بان بو ژني  
ژ هندي داهات وان هزر دكر ژن ژ زه لامي كي مته ره ؛ چونكي نهو نه شيت  
وه كي زه لامي تالان وجهردان بو مالا خو بينت ، و ژ لايه كي دي فه وان هزر  
دكر ژن نه گه را سهر شورپيا خوداني به ، دگوتن : چاوا نهو ژني ب خودان  
بكهين حه تا مه زن دبت ، وپشتي هنگي نهو وي بدهينه هنده كين دي !

### هه ردو دينين عه سماني .. وژن :

دهمي ئيسلام هاتي دو دينين ( عه سماني ) يين مه زن هه بوون : جوهياتي  
وفه لاتي ، هه ر ئيك ژ وان كيتابه كا پيروژ هه بوو پيگيري پي دكر ، ودا  
بهريخودانا ئيسلامي بو ژني پتر بو مه ئاشكه را بت يا د جهي خو دايه نهو  
بهريخودانا فان هه ردو دينان ژي بو ژني ده سني شان بكهين .

جوهي - وه كي نهو هه مي دزايين - هزر دكه نهو ( شعب الله المختار )  
وهه ر ملله ته كي دي يي هه بت ژبلي وان خودي بو هندي يين دابن دا نهو  
خولاميني يا وان بكنه ، به لي ب نيشانان فه مه خسه دا وان ب ( ملله تي خودي

یې هلبژارتی ( زهلامین ئسرائیلیان ب تنی بوو نه کو ژنکین وان .. ودهلیل ل سهر فی چهنندی ئهقیهه : وان قهت خو ژ کیمکرنا بهایی ژنی وخورنا مافین وی نه ددا پاش ، ( سفر الخروج ) ژ تهوراتا وان دیبژت : « ئه گهر ته عهبده کی عبرانی بو خو کړی بلا شهش سالان نهو خزمهتا ته بکهت ، ول سالا حهفتی دقیت تو بی بهرانبر وی ئازاکه ی .. بهلی ئه گهر زهلامه کی کچا خو فروت وکره جاریه ، نهو وهکی عهبدی نا ئیته ئازاکرن » .<sup>(۱)</sup>

یهعنی ( عبرانیهت ) چو مفای ناگههینته ژنا جاریه ، وپشتی شهش سالان ژی نهو بی بهرانبر نائیته ، و ژ لایه کی دی فه ژ فی گوتنا تهوراتی یا بوړی ئاشکهر دبت کو چو مانعی نینه زهلام کچا خو بفروشت دا بېته جاریه ، نه گهر نهو یې پیتهفی بوو !

و ( ول دیورانن ) گوتنه کی ژ زانایه کی جوهری فه دگوهرت ، دیبژت : « شاهدی یا سه د ژنکان بهرانبر شاهدی یا زهلامه کیه » .

و ژ بهر وی خرابی یا ل جهین عیبادهتی دهاته کرن ، نهوا ب ناقی ( الدعارة المقدسة ) دهاته نیاسین زهلامین دینی جوهری بان ژن مه نه دکر کو بچته د ( کههنوتی ) فه .

وحهتا نه فرو ژی ئسرائیلی ل وی باوه رینه کو بهایی ژنی گه لهک یی کیمتره ژ بهایی زهلامی ، و فی بهر یخودانی کار ی د دانانا دستور ی دهولهتا ئسرائیلی یا یان نوکه ژی دا کری ، وبو دهلیل : ل سالا ۱۹۹۴ من ب خو گوهرل ( نیژگی دهنگی ئسرائیلی ) بوو گازندا کومه لا ژنین ئسرائیلی نهوا بو کنیستی هنارتی دخواند ، وان تیدا داخواز دکر کو کنیست برپاری بدهت راتی ژنکان هندی یی زهلامان لی بیت ل دهولهتا ئسرائیلی ؛ چونکی نه ژ عهاله تی یه نهو هندی

(۱) سفر الخروج : ۲۱ / ۲ و ۷ .

ئىك كارى بىكەن ، وھندى ئىك راتىبى وەرنەگرن .. ئەف قانۇنە ئەگەر  
ل وەلاتىن مۇسلمانان بىتە ب كارىنان دنيا دى ب سەرى مە دا ئىتە خواری ،  
بەلى چونكى ل ئسرائىلى دىتە ب كارىنان خو ل بەر كوچكىن بالاڧىيان ژی  
كەس بەحس ژی ناكەت !

ئەفە دىتە تەوراتى بوو ، و ب دىتە ئنجىلى ژی چىكرى يە كا گونەھكارە ؛  
چونكى ئەو بوو بوویە ئەگەر د سەردا برنا مۇڧى ، دەمى ( حەووايى ) بەرى  
( ئادەمى ) دایە خواریا وى دارا قەدەغەكرى ، تىتى بوویە ئەگەرە ھندى نفشى  
مۇڧى گونەھكار بىت ، وھەتا ئەف گونەھە ژ سەر مۇڧان رابىت دڧىا  
( يەسووع ) د رەنگى مۇڧى دا بىتە خواری و خو بدەتە كوشتىن .. يەنى :  
ژن ئەگەرە سەرەكى بوو د پىشت گونەھا مەزن را ، ئەگەر ( تەقدىرا ) مۇڧى بو  
ژنى ئەفە بت تو بىژى بەرىخۇدانا مۇڧى بو وى دى يا چاوا بت ؟

زانايى ئۇروپى ( مۇنىك پىتەر ) د كىبا خو دا ( المرأة عبر التاريخ )  
گۈتەكى ژ زانايەكى فەلان قەدگۈھىژت ، دىژت : « ئەگەرە ھەمى  
كاغەز با ، و داروبار ھەمى قەلەم بان ، وھەر كەسەكى بزانت بنقىست دەست  
ب نفىسىنى كرىا ، نەدشيان خرابى و شەرمزاريا ژنى ب دورستى ديار بىكەن » .  
ژ بەرڧى ئەگەرە زانايىن وان يىن دىنى ھزر دكر مۇڧ ب دورستى  
ب تەقوا ناكەفت ھەتا خو ژ ژنى وژنىنانى نەدەتە پاش ، و د ماددى ( ۱۳۳ )  
یدا ژ قانۇنا كەنەسى گۈتەكى ژ ( پۇلسى ) قەدگۈھىژن دىژت : « ژن ئەگەرە  
گونەھى يە ، ژ بەرڧى چەندى ژن ئەندامە كا خودان كىماسى يە ، ئەندامە كا نە يا  
پىكەتاتى و كاملە ، ئەو ل سەر رەنگى مەزنى يا خودى نەھاتى يە .. » .

ئەفە ئەو دىتن و بوچوون بوون يىن بەرى ئىسلامى ھەين ، وپىشتى ئىسلامى  
ب نى ئەم دى ئىشارەتى دەينە بەرىخۇدانا شارستانى يا رۇژئافايى بو ژنى

و ب تایه تی د څان سې سهد سالیڼ دویمایې ، دهمې ږابوون وپیشکه فتنې  
- وه کی ئهم دبیژنې - .

گهلهك كهس د ناف مه دا هه نه هزر دكهن ل ژیر سیبهره شارسټانی یا غه ربی  
یا هه څچاخ ب تنې ژن یا شیبای مافین خو ب دورستی وهرگرت ، لهو هه می  
هیڅی یا وان نه وه ږوژهك بیت ژن ل نك مه ژی بشیت بگه هته وی پیکې یا ژن  
ل غه ربی گه هشتی بې ، به لی به ریخودانه كا ( مهو ضوعی ) بو ژنی ل ژیر  
سیبهره فنی شارسټانی بې باش بو مه ئاشكه را دكه ت كو ژن هیشتا ئیخسیرا وی  
به ریخودانا نزمه یا نه هه هنده ساله د سه ری زه لامی غه ربی دا هاتی به چاندن ،  
ومه ده لیلیڼ خو ل سه ری فنی گوتنی هه نه :

ل فرهنسا ، ل وی وهلاتی شورده شا ئازادی بې - وه کی هندهك دبیژن - لی  
دهست پې كری ، هه تا سالا ( ۱۹۳۸ ) زایینی ژی ب ږهنگه كی ره سمی  
میپاتی ئیك ژ نه گه ریڼ ( قاصری ) یا خودانا خو بو ، یه عنی : هه تا فنی سالا  
ژیکوتی ژی ب نه صصا قانونا مه دهنی یا فره نسی ژنی حق نه بوو بچته  
بازاری بلوژه کی بو خو بکرت نه گهر خودانی وی رازی نه بیا ؛ چونکی نهو یا  
( قاصره ) ونه خودان ( نه هلییه ته ) .. و ل سالا ( ۱۹۶۶ ) زایینی ژ نوی  
قانونا فره نسی مافی ( سه ربخوپی یا ئابوری ) دا ژنی .

و د قانونا ټنگلیزی دا هه تا سالا ( ۱۸۰۵ ) زایینی زه لامی حق هه بوو ژنا  
خو بیه ته مهیدانکی و بفرؤشت ، به لی ب وی شه رتی نهو وی ب بهایه کی  
کیمتر ژ شهش بنسان نه فروشت ! و هه تا ده سپیكا سه دسالا بیستی ژی نه هف  
قانونه ب ږهنگه كی ره سمی نه هاتیوو ږاكرن .

وحەتا ئەفرۆل گەلەك وەلاتىن رۆژئافا ( يىن ئورۇپىي وئەمىرىكى ) راتىبى ژنى  
ويى زەلامى ھىندى ئىك نىنە ، وژنى ھەر حەق نىنە داخواز بکەت راتىبى وي  
ھىندى يى زەلامى لى بىت .

نقىسەرا ئەمىرىكى ( لىن فارلىي ) ئەوال سالا ( ۱۹۷۸ ز ) كىتپا خو  
( الابتزاز الجنسي ) ل ويلايەتا نيويوركى بلاڭكرى ، وسەرا وي كىتپى  
ھۆسەيەكا مەزن چىوو ، ئەف نقىسەرا د قى كىتپا خو دا دىبىز :

(( چى نابت فەرق وجودايى د نابقەرا كرىيا پالان دا ھەت ل سەر بناخەيى  
دىنى يان رەنگى يان نەشى ، بەلى قەكۆلىن ھىندى دگەھىنن كو ( توخم  
پەرىسى ) ئەوا ئافاكرى ل سەر بناخەيى رەنگى و نەشى ل ويلايەتەن ئەمىرىكى يا  
بەرەلەقە ، مەروڧى سى كرىيەكا پىتر ژ مەروڧى رەش وەردگرت و كرىيا  
زەلامى ژى ژيا ژنى پىترە ، د گەل ھىندى ژى قانۋون بەرەفانىيى ژ مەروڧى رەش  
وژنى ناكەت ... )) .

نازادىيەك - أشهد بالله - شارستانىيا غەربى يا داىە ژنى ، ئەو ژى ئەگەر  
مەروڧ باش ل دويڧ بچت دى زانت بو ( خوڧى ) و ( بەرژەۋەندى ) يا زەلامى  
وچو ددى نە بو ژنى يا ھاتىيە دان ، ومەخسەدا مە پى نازادىيا ( سەربەردانى )  
يە ، كو پىسيار ژ ژنى نەئىتە كرن تو ژ كىڧە دىيى ، وتو كىڧە چى ؟

### ژن وژىن و رەنگەكى بەرپىسارىيى :

گومان تىدا نىنە كو پىرىنا وان تىشتىن ژىنا مە زى پىك دىت بو ( قىان  
وشيان ) ىن مە د ( تەسخىر ) كرىنە ، وكانى چاۋا ژىنا مە يا تىزىيە ژ خوڧىيان  
وئەگەرپىن وان وەسا يا بى بار نىنە ژ نەخوڧىيان وئەگەرپىن وان ژى ، وحەتا  
تىكەلىيا مە د گەل قى ژىنى يا دورست وساخلەم بت دقىت يا ئافاكرى بت  
ل سەر قەكۆلىنەكا ھويىر بو طەبىعەتى ژىنى ب خو ، ئەو قەكۆلىنا مە دگەھىننە

وی راستی یا دیبژت : سەرەدەری یا مە د گەل ژینی یا دورست نابت حەتا یا ئافاکری نەبت ل سەر بناخەیی ھلگرتنا ( مەسئولیەتی ) و گەھاندنا ( ئەمانەتی ) و ئەگەر مەروۇف باش شریعەتی ئیسلامی بخوینت دی زانت کو ھەما ئیسلام بو ئی چەندی یا ھاتی .

و ئەو ( مەسئولیەت ) و گەھاندنا ( ئەمانەتی ) یا ئەم ژی دیبژین : ئافاکرنا مالییە ، ئەوا دبتە لبنەیا سەرەکی د ئافاکرنا جفاکی دا ، و بەریخوودانا مە بو مەسەلی ھنگی دی یا ساخلەم بت ئەگەر مە باوہری ھەبت کو خوۆشکاندنا مە بو ھەر تشتەکی مالی ژ مە دخوازت کارەکی ھێژایە دقیت پێز لی بیتە گرتن .

### و بەریخوودانا غەربی یا بۆ مەسەلی :

ول ئیری حەقی مە ھەییە ئەم پسیار بکەین : ئەری شارستانی یا پوۆژئافی بۆ ئی مەسەلی چ دیبژت ووی چ ھەلو یست بەرانبەر ئی ( مەسئولیەتی ) ھەییە ؟ گومان تیدا نینە کو شارستانی یا پوۆژئافی یا ھەفچاخ ژ لای پێشکەفتنا علمی قە یا گەھشتی ھە دەرجەییە کا زیدە بلند ، بەلی گرفتاری یا مەزن - وەکی زانیین غەربی ب خوۆژی دیبژن - ئەقەییە : وان دقیت ئی علمی پێشکەفتی بو خوۆ بکەنە ئامویرەت بو ھەرفاندنا ئی ( مەسئولیەت مەزن ) ئەوا مە بەحس ژی کری ، ئەو یین گەھشتینە وی باوہری کو پێشکەفتنا علمی شوینا ھلگرتنا بەپرۆسی یا ئافاکرنا خیزانی دگرت ؛ چونکی پێشکەفتنا علمی یە - ب ھزرا وان - یا کو مەروۇفی دگەھینتە سەرەکانی یا ھەمی خوۆشی یین ژینی ، وقانوونا ژینی ئەوا چو جارەن خوۆ بو خەوینین مەروۇفی نەچەماندی ھندی ژ مەروۇفی دخوازت کو ئەو بەپرۆسی یا دانان و پاراستنا شانەییە کا نوی ( کو خیزانە کا نوی یە ) ب ستویی خوۆ قە بگرت ، ژ ویری وێقە ئەو ل ھەیقین ( صناعی ) سوپار ببت یا نە ، ئەو نە گرفتاری یە !



وهزيرى دهرقه يى ئەمريكى يى وهخته كى ( جۆن فۆسته ر دالاس ) د كتيبا خو دا ( حرب أم سلام ) دبیژت : « تشته كى هه ی قى گافى ب رهنگه كى خه له ت د ناف ملله تى مه دا دگه پريت ، وئگه ر ئه ف خه له تى به نه با ئەم نه دكه فتينه د قى دهرافى تهنگ و حاله تى نه فسى يى خراب دا يى ئەم نوكه تيدا دژين .. مه سه لى په يوه ندى ب تشتين ماددى فه نينه ؛ چونكى به ره ه مى مه يى ماددى مه زنترين به ره ه مه ل جيهانى ، تشتى ژ مه كي م با وه رى به كا دورست وموكمه ، ويى قى رهنگى با وه رى يى هندى مه هه بت هه ر وهكى مه چو تشت نه هه ی . ئه قى كي ماسى يى سياسى يين مه نه شين به ده ل فه كهن ، وزانايين مه ژى ب هه مى ( ئختراعات ) ين خو فه و ( قونبه له ) ب هه مى هيژا خو فه نه شين وى به ده ل فه كهن ، وهه ر جاره كا مروقى خو هيلا ب هيقي يا تشتين ماددى ب تنى فه هنگى ئەجمايين خراب دى ب نه تشته كى فهر » .

شارستانى يا غه ربى ئەفرو يا مايه ب هيقي يا هيژى و پيشكه فتين ماددى ب تنى فه له و شاره زايين وان چافه رى يى خرابونا وينه .

زانايى غه ربى يى نافدار ( ئەلكسيس كاريل ) د كتيبا خو دا ( الإنسان ذلک الجھول ) دبیژت : « شارستانى يا رۆژئاپايى يا كو مه ب ده ستين خو دورستكرى ئەفرو ب كي ر مه نائيت ؛ چونكى ئەو طه بيعه تى مه ب دورستى نزانت ، وئو شارستانى به كه با ژ خيالا ئكتشافاتين علمى و دلچوونين خه لكى زای .. و چونكى علمى مه دين د گه ل نه مايه ، وصنعه تى مه ئەده ب وئخلاق د گه ل نه مايه شارستانى يا مه نوكه يا به ر ب هلو ه شيانى فه دچت » .

( ته قدير ) قى شارستانى يا هه بو ژينا مروقى ئەفهيه ئەو هزر دكه ت ئارمانجا ژينى يا به راهى يى و دويماهى يى پهيدا كرنا پتر خوشى يى به ، و چونكى ئەو بناخه يى هزرا وان ل سه ر هاتى به ئافاكرن بناخه به كى بى دينه ل نك وان قى

خوښۍ يې چو توخوږب بو نين ، ومادهم هوږه نه خلاق ژ ( كه مالياتانه ) نه گهر  
نه بت ژى تشته كي عادي به ! ژ بهر نه فا بوړى مروف دشيت بي موبالغه بيژت :  
رهنگه نهو رهزيلي يا ژني ل بن سيبه را قي شارستاني يې خواري خو د ناف  
جفاكي ( بيدائي ) ژى دا نه بت ، ودا كهس نه بيژت : نهفه بي بهختي به ،  
گوهداري يا فان راستي يان بكنه :

نگليز د گوتنيځو دا ( يين مه زنان ) ديژن : همي گافان بلا باوهرى يا  
ته ب صه ي بيت ، بهلى ژنكي جارا ئيكي ب تنى باوهرى يا خو پي بينه .

وديژن : ههچي بي ژنهك ههبت نهوى كوره ماره كي هه .

ويطالي ديژن : دارى بو ژنا باش و خراب هلگره .

وئسپاني ديژن : هشياري ژنكا خراب به ، وباوهرى يا خو ب ژنكا باش  
نه ئينه .

وديژن : گاډا ژنكي عقلى خو دا شولى نهو دى كاره كي خراب كهت .

نهف هندهك گوتنين وان يين ( نهظهرى ) بوون ، ونوكه دا بهري خو بدهينه  
واقعي وان يي عمهلى كاني يي ب چ رهنگه ..

دكتور جون پيپر ماموستايي سايكولوژيايي ل زانكوبا ( كارولين ) ل سالا  
۱۹۸۷ ب فهكولينه كي رابوول دور وان زهلامين نهمريكي ( بهلى يين  
نهمريكي ! ) نهوين ژنين خو دقوتن ، نهجامي نهو گههشتي يي - وهكي روژناما  
( نهلقه بهس ) يا كويتى ژى فه دگوهيژت - نهفه بوو ( ۷۹ % ) نهمريكي ژنين  
خو دقوتن !

ول نلمانيا فهكولينه كال سالين ههشتي يان ژ سه دسالا بيستي هاتي به كرن  
ديژت : ل سالي پتر ژ سه د هزار ژنكان دئينه قوتان ، قوتانه كا وهسا كو  
خودانا خو هه وجهي نه خوشخانه يان بكهت .

و ل فرهنسا ( ميشال ئەندريه ) بهرپرسا حكومى يا مافين ژنى د گوتنه كا  
خو به حسى ژنكا فرهسى دكەت و دبېژت : گەلەك جار ان صەى ژ مە پتر مافين  
خو هەنە !

ونموونه ژ هندی دپتر ئەم بهژميرين .. وئەز باوهر دكەم هەندەك كەس نوکە  
دبېژن : چاوا ؟ پانى يا ئەم دزانين ژنكا غەربى ئەفرۆ يا گەهشتى يە پيکه كا بلند  
ژ نازادى يى و پيشكهفتنى ، و هەر تشته كى وى دقيت ئەو يا دكەت ، وئەگەر تو  
باوهر نەكەى بهرى خو بدە فلمين وان ، يان گوھى خو بدە وان يين ژ وپرى  
دئين .. فيجا ئەفە چ گوتنه تو دبېژى ؟

بهرى ئەم بهرسفا قى پسپارى بدەين مە دقيت چەندەكى ل ره وریشالين  
مەسەلى بچين ؛ دا بزائين كانى ئەو چ رەنگى سەرکهفتنى يە ژنى ل بهر سيبهرا  
شارستانی يا غەربى يا ماددى ب دەست خو فە ئينای ..

يا زانايە کو ( مونطەله قى ) ئيکانه يى شارستانی يا رۆژئاقايى ژى دەست پى  
دکەت ولى رادوہستت زى ، پەيدا کرنا مەزنترين ( کەمى ) يا خو شى يى يە ،  
ب چ رپکا هەبت ، ل سەر قى بناخەبى وان ژن ( سەر بهردای ) کر - نە کو  
نازاد کر ! - نە ژ بهر هندی دا ژن مافين خو ب دورستى وەر بگرت ، بەلکى ژ بهر  
هندی دا ئەو پتر کەيفى پى بکەن ، مانى ئەو بو هندی يا هاتى يە ئافراندن !  
ودەليل ل سەر قى چەندى ئەوہ گاڤا ژن پير بوو ونەشیا ب قى دەورى رابيت  
وى چو بهايى خو نابت ، وەكى پشتى دەمەكى دى گوتنا ئيک ژ وان ب خو  
فەگيرين .

ژ لايەكى دى فە : سەر مالی يا غەربى يا چرپك كانى چاوا بازارگانى يى  
بو خو ب چەكى وجگاره و ( موخەددراتان ) دكەت ، وەسا يا بازارگانى يى بو  
خو ب نامويسا ژنى ژى دكەت .. وئەگەر ژ بهر هندی نەبا کو يا ژ هەژى نينه

ئەم د قى گۆتتا خو دا دەنگ وباسىن بى ھەتكى وفەحشەتلى يا وان قەگىرپن دا  
گەلەك نموونەيان ژ ئعتراقاتىن وان ب خو قەگوھىزىن ، وھەر بو  
نموونە سەرھاتى يا ھۆنەرمەندا غەربى يا ناقدار ( بىجىت باردۆ ) بى بخوين دا  
قى چەندى بزان .

( باردۆ ) ئىك ژ وان ھۆنەرمەندانە يىن جىلىنى يا خو ھەمى ب چىكرنا  
فلمىن خراب قە بۆراندى ، پىشتى ئەو ب ەمر كەفتى وجوانى يا خو ژ دەست  
داى وي ئەف مەيدانە ھىلا ، رۆژەكى رۆژنامەقانىكى چاقىكەفتەك د گەل كر ،  
ژ گۆتىن وي بو قى رۆژنامەقانى گۆتىن ئەفە بوو ، وي گۆت :

(( تىشتى غەرىب ئەو ئەوى خەلكى ھەز ژ من دكر دەمى ئەزا رويس نوکە  
پىشتى من ئەف كارە ھىلاى بەران د من وەردكەن ! دەمى ئەز ئەقرۆ فلمەكى خو  
بى بەرى دىنم ئەز تف دكەمە خو وئەز جىھازى دگرم ، چەند ئەز ژنەكا بى بەھا  
بووم ! )) .

ل ژىر سىبەرا شارستانى يا رۇناقايى ژن يا سەربەستە كەيفى بو زەلامى چى  
بکەت ، بەلى ( ئىھيارا ەصەبى ) و ( تەوەتزا نەفسى ) و ( إحباط ) ئەف ژ وان  
ئىشانە يىن شارستانى خو لى ناکەتە خودان ، لەو دى بىنى ژنا غەربى پىرىن  
جاران دەرمانى خو کوشتنى بو دەردين خو ب كاردىنت .

بەرى پازدە بىست سالان خو نىشادانەك ل ئەلمانىا ھاتە كرن ب ھزاران ژنان  
پىشكدارى تىدا كر ئارمانجا وان ئەو بوو بازرگانى بەس ب لەشى ژنى بىتەكرن  
نەخاسم د مەجالى پروپاكنده وريكلامان دا .. لەو ژنا غەربى يا تى دىنتە دەرى  
كو مەسەلە يا بوويە بازرگانى نەكو دانا مافان .

ومخابن ئەف ئېشە يا وەلاتىن موسلمانان ژى قەدگرت ، ل دەولەتەكا نه  
دویر ژ مه و د نامیهكا ماجستېرى دا سەرژمېرى بهك ل سەر ( ۳۵۶ )  
ريكلامين تهلهفزيوونى هاته كرن ، ئەنجام ب قى رەنگى بوو :

د ( ۳۰۰ ) ريكلامان دا ژ كۆما ( ۳۵۶ ) دا ژن يا هاتىيه ب كارئينان .  
( ۴۲ % ) ژ وان ريكلامين ژن تيدا هاتىيه ب كارئينان نه ژ دویر نه  
ژ نيژيك پهيوهندى ب ژنى قە نينه .

د ( ۷۲ % ) دا ژ وان ريكلامان ( تەركيز ) ل سەر جوانى يا ژنى پتر ژ وى  
تشتى ديعايەت بو دئيتە كرن هاتبوو كرن .

د ( ۵۱ % ) دا ژ فان ريكلامان ( تەكيد ) ل سەر حەرەكا لەشى ژنى  
هاتبوو كرن .

د ( ۱۲ % ) دا ژ فان ريكلامان پەيقين جنسى هاتبوونه ب كارئينان .  
پسيار ل قېرى ئەقەيه : ئەگەر سوباهى ئەف ژنه نهشيا ب قى دەورى رابيت  
مەصيرى وى دى چ بت ؟

نوکه دا دەستان ژ فان هەمى شارستانى يين جاهلى بشووين وپسيارهكى  
بهليخين :

- ئەرى تەقديرا ئيسلامى بو دەورى ژنى د جفاكى دا چيه ؟

- وئيسلامى چ ماف داينه ژنى ؟

## ئىسلام .. ومافىن ژنى

تهقدیرا ئىسلامى بۇ دەورى ژنى :

وئەف تهقدیره ژ فان خالین ژیری بۇ مه ئاشکەرا دبت :

۱- قورئان د گەلەك جهان دا ئافراندا ژنى - د گەل زەلامى - دھزمیرت ئىك ژ مهزنه نیشانین شيانا خودى يا بى توخوبب ، وهكى د ئايهتهكا پیروژ دا هاتی :

﴿ وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ ﴾ - و ژ نیشانین مهزنى وشيانا وىيه كو وى هەر ژ نفسى ههوه ب خو - گەلى زەلامان - ژن بۇ ههوه ئافراندن ؛ دا دلین ههوه ل نك وان رحمت وئاكجى ببن ، ووى قيان ودلۇقانى كره د ناڤهرا ژنى وزهلامى وى دا ، هندی د ئافراندا وى چەندى دايه نیشان ل سەر شيان وتهوحيدا خودى بۇ وى مللهتى ههنه يى هزارا خو بكهت ، و د تشى بگهت ﴿ [ الروم : ۲۱ ] .

مهعنا : ب ديتنا ئىسلامى ئافراندا ژنى ژى - وهكى يا مېرى - نيشانهكه ژ نیشانین مهزنى يا خودى ، نه وهكى هندەك دين ومهزههپن كەفن ونوى يين كو هزر دكەن ئافراندا ژنى نيشانهكه ل سەر ( قوصوورى يا طهبيعهتى ! ) .

۲- وديسا د گەلەك جهان دا قورئان ئاشكەرا دكهت كو ئەو هيقينى ژن ژى هاتىيه ئافراندن هەر ئەو هيقينه يى زەلام ژى هاتىيه ئافراندن ، وهكى د ئايهتهكى دا هاتی :

﴿يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً - گهلی مروڤان ژ خودی بترسن و پیگیری یی ب فرمانین وی بکن ؛ چونکی نهو یی هوین ژ نهفسه کا ب تنی کو ئادهمه سلاف لی بن ئافراندين ، وکتا وی کو ههواويه ژئی ئافراندي ، ووی ژ وان ههرووان گهلهك زهلام و گهلهك ژن ل عهردی بهلاف کرن ﴾ [ النساء : ۱ ] .

مهعنا : ئعجاز د چيكرنا زهلامی وژنكي دا ئييكه ، ههردو ژ نهفسه كي يين هاتينه دورستكرن ، وههردو زی وهكي ئيك دخودان رحن ، ديسا دی بیژين : نه وهكي هندهك دين ومههزهه بان نهوین گومان ههی كانی ژنی زی وهکی زهلامی رح ههیه یان نه !

۳- و د ئایهته كي دا قورئان ئارمانجا ئافراندا نفشی مروڤی بهرچاف دكهت دهمی دييژت : ﴿وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ - ومن نهجنه ومروڤ نه ئافراندينه وپیغه مبهرو وان نه ههنا رتینه نه گهر ژ بهر ئارمانجه كا مهزن نهبت ، كو نهو په رستنا من ب تنی بكن ﴾ [ الذاریات : ۵۶ ] .

مهعنا : ئارمانج ژ ئافراندا مروڤی - زهلام بت ژن بت - په رستنا خودی یه ، وکانی چاوا یا فه ره ل سه ر زهلامی كو خودایی خو پهریست وهسا یا فه ره ل سه ر ژنی زی ب قی چه ندی رابیت ، نه وهکی هندهك دینان یین كو بو ژنی ههرا مكري بچته د مهله كووتا خودی دا ، ب وی هیجه تی كو نهو چيكری یه كا خودان كي ماسی یه .

ئه شه نهو یه كسان یه یا ئیسلامی د ئاقبه را ژنی ومیری دا پهیدا کری د مه جالی نه گهرا ژ هه بوونی دا ، و د مه جالی ئارمانجا ژ هه بوونی زی دا ئیسلامی چو جوداهی نه ئیخستی یه ئاقبه را ژن ومیران دا .. ئیسلامی دهمی په رستنا خودی کری یه نه گهرا سه ره کی یا ئافراندا ژن ومیران ، سه روه رهك بو

کرنا قی پهرستنې دانا ، نهو سهر و بهر ی ب نا قی ( نظام العبادۃ ) دئیته ناسین ،  
 و مړ و ف نه گهر ل قی ( نیظامی ) بز قرت و ه کی د کتیپین فقها ئیسلامی دا هاتی ،  
 دی زانت ئیسلامی چو جوداهی نه ئیخستی به نا قهرا ژنی و زهلامی دا ، نقیژ ..  
 رړ و زی .. زه کات .. حه ج .. معامله کانې بو زهلامی چا وایه بو ژنکی ژی  
 و ه سایه ، ژبلی هندهک ( جوزئیاتین هویر ) یپن کو په یوه ندی ب هه بو و نا  
 ( خه لقی ) یا ژنی قه هدی .

و د مه جالی نه نجامی ب جهئینا نا قی نارمانجی دا ژی ئیسلامی چو  
 جوداهی نه ئیخستی به نا قهرا ژنی و میری دا ، قورئان دبیژت : ﴿ فَاسْتَجَابَ لَهُمْ  
 رَبُّهُمْ أَنِّي لَا أُضِيعُ عَمَلَ عَامِلٍ مِنْكُمْ مِنْ ذَكَرٍ أَوْ أُنْثَىٰ بَعْضُكُمْ مِنْ بَعْضٍ - إِنِّي  
 خُودِي دوعا وان قه بویل کر کو هندی نه وه نهو کار ی چو کار که ره کی ژ وان  
 بهرزه ناکهت چ یی نیر بت چ یی می ، و نهو د براینی یا دینی دا و د قه بویل کر نا  
 کریاران و جزادانی دا و ه کی یه کن ﴾ [ آل عمران : ۱۹۵ ] .

و ل جهه کی دی دبیژت : ﴿ وَمَنْ يَعْمَلْ مِنَ الصَّالِحَاتِ مِنْ ذَكَرٍ أَوْ أُنْثَىٰ وَهُوَ  
 مُؤْمِنٌ فَأُولَٰئِكَ يَدْخُلُونَ الْجَنَّةَ وَلَا يُظْلَمُونَ نَقِيرًا - وهه چی یی تشته کی ژ کارین چاک  
 بکهت ، نیر بت یان می بت ، و نهو ب خودی و ب وی حه قی یا وی ئینایه  
 خواری یی خودان باوهر بت ، نهو نهون یپن خودی وان دکه ته د به حه شتی دا  
 جهی خو شی یا به رده و ام ، و تشته ژ خیرا کریارین وان ژ وان نائیته کی مکرن ،  
 نه گهر خو هندی وی کونکی بت نهوا د بهر کی خورمی دا ﴾ [ النساء :  
 ۱۲۴ ] .

و ل جهه کی دی دبیژت : ﴿ وَعَدَ اللَّهُ الْمُؤْمِنِينَ وَالْمُؤْمِنَاتِ جَنَّاتٍ تَجْرِي مِنْ  
 تَحْتِهَا الْأَنْهَارُ خَالِدِينَ فِيهَا وَمَسَاكِنَ طَيِّبَةً فِي جَنَّاتِ عَدْنٍ وَرِضْوَانٌ مِنَ اللَّهِ أَكْبَرُ  
 ذَلِكَ هُوَ الْفَوْزُ الْعَظِيمُ - خودی په یمان ب به حه شتی ر و یبار د بن دا دچن یا دایه





رعیته .. - وژن د مالا زهلامی خو دا شفانه ، وپسیرا وی ژ شفانی یا وی دی  
نیته کرن ﴿ ١ 〉 .

ل سهر فی بناخهیی ئەم دشیین ب کورتی بیژین : ئیسلام د ( ئەصلی  
هه‌بوونی ) دا زهلامی ( چیتر ) ژ ژنی نابینت ، و د ئەگەر وئارمانجا هه‌بوونی  
دا چو جوداهی‌یی نائیخته نافه‌را هه‌ردووان دا ، و د ئەنجامی ب جهئینانا  
ئارمانجی دا یه‌کسانی‌یی د نافه‌را وان دا دکەت ، و د مه‌سه‌لا ده‌وری وان دا  
د ئافاکرنا جفاکی دا وان وه‌ک شریک دزانت .

ئەقەیه - ب کورتی - ته‌قدیرا ئیسلامی بو ژنی وده‌وری وی ، وئەوی ته‌قدیرا  
وی بو ژنی ئەقە بت مسوگەر دی ده‌سنیشانکرنا وی ژنی بو مافیین وی یا هیژا  
بت ..

### ئیسلاام .. ومافیین ژنی :

ودا ئەف بابەته بو مه‌ باش ئاشکه‌را بیت ، مه‌ ل به‌ره به‌حسی وان مافان بکه‌ین  
ییین ئیسلامی داینه ژنی هه‌ر ژ ده‌می دبت وحه‌تا دمەرت و ب فی ره‌نگی ژیری :

### ا - بهایی ب خودانکرنا کچکان :

به‌ری نوکه <sup>(٢)</sup> مه‌ به‌حس کربوو کو د گه‌له‌ک دین وشارستانی‌یین که‌فن ونوی  
دا بوونا کچکی ده‌اته هژمارتن شه‌رمزاری‌یه‌کا مه‌زن بو زهلامی ، وقورئان ب خو  
فی هه‌لویستی ل سهر فان کافران تو‌مار دکەت و ب کیماسی بو وان د زانت  
ده‌می دیبژت : ﴿ وَإِذَا بُشِّرَ أَحَدُهُم بِالْأُنْثَىٰ ظَلَّ وَجْهُهُ مُسْوَدًّا وَهُوَ كَظِيمٌ .  
يَتَوَارَىٰ مِنَ الْقَوْمِ مِنْ سُوءِ مَا بُشِّرَ بِهِ أَيُمْسِكُهُ عَلَىٰ هُونٍ أَمْ يَدُسُّهُ فِي التُّرَابِ أَلَّا  
سَاءَ مَا يَحْكُمُونَ - وئه‌گەر مزگینی ب بوونا کچه‌کی بو ئیک ژ وان هاته‌دان

(١) وه‌کی بوخاری وموسلم ژ عه‌بدلله‌ی کوری عومه‌ری فه‌دگو‌هیزت .

(٢) د بابەتی بۆری دا : ( به‌ریخودانا نرم بو ژنی بۆچی ؟ ) .

ږوی یی وی دی مینت ږهش ؛ ژ بهر نه خوښی یا وی تشتی وی گوډ لئ بووی ،  
 ونه وی دی تزی خهم وقه هر بت . خو ژ ملله تی خو څه دشیرت دا نه وی د فی  
 کراسی خراب وشه رمزار دا ژ بهر بوونا کچکی نه بینن ، فیجا نه د مهسه لا فی  
 کچی دا حییه تی دمینت : نهری وی ب شهر مزاری څه بهیلته زیندی ، یان زی  
 ب ساخی د ناخی را بکهت ؟ چ خرابه حوکه وان کری ﴿ [ النحل : ۵۸ -  
 ۵۹ ] . ودقیته هزر نه نیته کرن کو نه څه عده ته کی جاهلی بوو ، نوکه نه مایه ،  
 نه خیر .. راسته مه گوډ لئ نابت کهسه ک کچا خو ب ساخی بقیه شیرت ، به لی  
 نه ف هلسه نگاندا جاهلی یا که چ هیشتا د سهری گله که کهسان دا یا هدی .  
 فیجا بده نه هزرا خو : نهو میثانا بی گونه و بی نه زمان ، یا کول ږوژا نیکی  
 ژ هاتنا وی د مالی دا ب فی رهنگی پیښوازی ژ لای د هیابان څه لی بیته کرن  
 سوباهی نه گهر نهو ما ساخ قه در وبهای وی د فی مالی دا دی یی ب چ رهنګ  
 بت ؟ ئیسلام چاوا فی مهسه لی دینت ؟

وه کی د دویماهی یا نایه تا بوړی دا مه دیتی خودایی مه زن گاډا به حسی فی  
 عده تی جاهلی بو مه کری گوټ : ( ألا ساء ما یحکمون ) یه عنی : چ خرابه  
 حوکه نهو کاری پی دکهن ، نه څه باشرین پاشقه لیدانه قورئان مروفی موسلمان  
 پی ژ فی عده تی جاهلی دده ته پاش ، عده تی خو نه رازیکرنا ل سهر بوونا کچان .  
 پستی فی ئیشاره تی و د نایه ته کا دی دا قورئان ده می به حسی دانا خودی  
 دکته دانا کچان ب پیش یا کوران دنیخت ده می دیژت : ﴿ يَهَبُ لِمَنْ يَشَاءُ  
 اِنَّا وَهَبُ لِمَنْ يَشَاءُ الذُّكُورَ - یی وی بقیته ژ به نی یین خو نهو کچان ب تنی  
 دده تی ، ویی وی بقیته نهو کوران ب تنی دده تی ﴾ [ الشوری : ۴۹ ] .

وه هر کهسه کی ب زمانی وه ونه ری ناخفتنی یی شاره زان بت دی زانت کو  
 پیښخستنا تشته کی ل سهر تشته کی دی د ناخفتنی دا نیشانا گرنگی یا وی یه .

وييغهمبەر - سلاڧ لى بن - د هژماره كا هەديسيڻ خو دا ئاشكهرا دكهت كو بهايى ب خودانكرنا كچى ل نك خودى گەلەك ژ بهايى ب خودانكرنا كورى پتره ، ژ وان هەديسان :

۱- دەيكا موسلمانان عايشا دبیژت : رۆژه كى ژنه كا فهقير هاته مالا من خواستن بو خو دكر ، دو كچين وى يين بچويك د گەل دا بوون ، من چو د مالى دا نهبوو بدهمى ژ كنه كا قەسپى پيشهتر ، من ئەو قەسپ دايى ، ئينا وى ئەو قەسپ كره دو پرت وهر كچه كا خو پرتهك دايى ، ووى ب خو چو نهخار ، پاشى رابوو دهر كهفت ، دهمى پيغهمبەر - سلاڧ لى بن - زڤرىيه مال ، من سوحبه تا ژنكى بو فهگيرا ، وى گوت : ﴿ههچىيى ب هندەك ژ فان كچان بيته جهر باندن ، وئەو قەنجىيى د گەل بكەت ، خودى وان كچان دى بو وى كهته پەرژان ژ ناگرى﴾ . (۱) و د ريوايهته كا دى دا (۲) پيغهمبەر - سلاڧ لى بن - دبیژت : ﴿ژ بدر قەدرگرتنا وى بو وان كچان خودى دى وى بهته بهحهشتى ، يان دى وى ژ ناگرى نازا كهت﴾ .

۲- و د هەديسه كا دى دا پيغهمبەر - سلاڧ لى بن - دبیژت : ﴿ههچىيى دو سى كچان ، يان دو سى خويشكان ب خودان بكەت حەتا ئەو دمرت ، يان ژى ئەو وان ددهته شوى ، ئەز وئەو د بهحهشتى دا دى وهكى فان هەر دووان بين﴾ ، ووى ئيشارهت ب تبلا خو يا شاهدى ويا نافي دا . (۳)

---

(۱) بوخارى و موسلم فى هەديسى قەدگوهيزن .

(۲) يا كو موسلم ب تنى قەدگوهيزت .

(۳) ئبان حبان فى هەديسى قەدگوهيزت .

۳- و د حەدیسە کا دی دا پیغەمبەر - سلاڤ لى بن - دبیژت : ﴿ ههچیی خودی کچه کی بدهتی وئەو وی نه کوژت ، ووی رهزێل ژى نه کهت ، وقه درى کورێ ژ یی وی پتر نه گرت ، خودی دی وی به ته به حەشتی ﴾ .<sup>(۱)</sup>

ب ڤی رهنگی ئیسلام کچی ل بهر دهیبابان شرین دکەت ؛ دا وی هزرا کریت ژ سهری وان بیته دەر ئەوا دبیژت : خیر د سهری کچان دا نینه ، وئەگەر هات ودهیبابان ب ڤی رهنگی بهری خو دا کچی دهمی خودی وی ددهت بی گومان ئەو بهایه کی مهزن دی دهنی .

### ب - کچ .. و بهرپرسی یا دهیبابان :

پشتی کچ ب ڤی رهنگی ب قەدر دئیته د مالی دا ، ودهیباب وه تی دگههن کو ئەفه که ره مه که خودی د گهل وان کری ، ئەو دبتە مهزنترین ئیمانەت د ستویی دهیبابان دا هندی ئەو د مالا وان دا بت ، وهندی ئەو ل نك وان بت وی چەند حەقەك هەنە خودی بو دەسنیشانکرینه ، وپیغەمبەری - سلاڤ لى بن - دهیباب لی ئاگەهدار کرینه ، ورپوژا قیامەتی دهمی حسیب د گهل وان دئیته کرن پسپارا فان حەقان ژى دی ژى ئیته کرن ، و ل دویڤ ئەنجامی فان پسپاران مهصری وان دی ئیته دەسنیشانکرن .

ڤیجا یا فەرە دهیباب د ڤی مهجالی دا خو شارەزا بکەن وپیگیری یی پی بکەن ؛ دا ئەو ل دنیا یی وئاخه رەتی سەرفەراز بن .. و ل ڤیری ئەم بهحسی وان حەقان یین خودی داینه کچی وئێخستینه د ستویی دهیبابان دا ئیک ئیک دی کەین :

۱- ئەو ئەحکامین ئیسلامی داناین یین په یوهندی ب بوونا بچوبیکی ڤه هەین ، چ واجب بن ، چ سوننەت بن ، وهکی : بانگدانا د گوهی دا ، تراشینا

(۱) ئەبو داوود و حاکم ڤی حەدیسى ڤه دگوهیزن .

سهری وکیشانا وی پویرتی بهرانبهری زیپر وی وخیر کرنا ب وی زیپر ، ودانا عهقیقی .. وهتد ، ئەفه ههمی بو کچی ژى نه وهکی کو بو کورې ، ب تنی عهقیقی تی نهبت ، یا کورې دو پهزن ویا کچی پهزه که .

۲- نافکرن کانئ چاوا یا فهره ل سهر دهیبابان نافه کی خوش بداننه سهر کورې ، وهسا یا فهره ل سهر وان کو ئەو نافه کی خوش بداننه سهر کچی ژى ، نافه کی وهسا ئەو شهرم ژى نه کهت ، ومه عنایه کا دورست تیدا بت .

۳- کچ وهکی کورې بو بابی دئیته پالقه دان ، وهندی ئەو یا ساخ بت - خو پشٹی شوی دکهت ژى - ئەو ب نافى بابی خو دئیته ناسین ، نه وهکی هندهك دین وملله تان دهمی ژن شوی دکهت ب نافى میری ولهقه بی مالا وی دئیته ناسین .

۴- حهقی کچی د دانا شیرى دا ل سهر دهیبابان وهکی حهقی کورې به وچو جوداهی د نابهرا وان دا نینه .

۵- ههر وهسا د نهفهقی ژى دا .

### ج - دهیباب وتهریبه تا کچى :

پهروه ده کرنا عهیالی حهقه که ژ حهقین عهیالی - چ کچ بن چ کور - ل سهر دهیبابان دقیت ئەو خهमे کا خهه ژى بخون ، وچونکی کچ ل پاشهروژى دېته ئەو کابانی یا ریقه بهری یا ماله کی دکهت پوېته پیکرنا ب پهروه ده کرنا وی ل سهر دهیبابان فهرتر لی دئیته ، ودهیباب دهمی کچی تهریبهت دکه دقیت بزنان کو تهریبهتا وی سی تهریبهتن :

- تهریبهتا عهقلی وی ب ریکا نیشادانا قهنجی بی .

- وتهریبهتا لهشی وی ب نازدار کرنا وقهنجی یا د گهل وی .

- وتهریبهتا رها وی ب قهدرگرتن ونازدار کرن وقهنجی یا د گهل وی .

یه‌عنی : ب دیتنا ئیسلامی ژ حه‌قی کچی‌یه ل سهر ده‌یابان کو‌ئو وی  
 فی‌ری وی تشتی بکه‌ن یی‌ خیرا وی یا دین و دنیا‌یی تیدا‌ه‌ی ، وئ‌ه‌یه  
 ده‌می خودی‌ فه‌رمانی‌ ل خودان باوهران دک‌ه‌ت کو‌ئو خو‌ وع‌یالی‌ خو‌  
 ژ ناگری‌ بیاریزن ، وه‌کی‌ دی‌ژت : ﴿ يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ  
 نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَا يَعْصُونَ اللَّهَ مَا أَمَرَهُمْ  
 وَيَفْعَلُونَ مَا يُؤْمَرُونَ - ئە‌ی ئە‌وین باوهری ب خودی‌ ئینای و دویکه‌فتنا پی‌غه‌مبه‌ری  
 وی کری ، ه‌وین خو‌ وع‌یالی‌ خو‌ ب گوهدانا فه‌رمانا خودی‌ ژ وی ناگری  
 بیاریزن یی‌ ب مرو‌ف و به‌ران دئیته‌ هلکرن ، هنده‌ک ملیاکه‌تین ب هی‌ز وزقر  
 خه‌لکی‌ وی ناگری عه‌زاب دده‌ن ، وئ‌و بی‌ ئە‌مری‌یا خودی‌ ناکه‌ن ، ووی تشتی  
 دک‌ه‌ن یی‌ فه‌رمان پی‌ ل وان دئیته‌ کرن ﴿ [ التحريم : ٦ ] .

و پاراستنا عه‌یالی‌ ژ ناگری ب سی‌ ریکان دبت :

یا ئیک‌ی : کو‌ حه‌رامی نه‌که‌ته‌ زکی‌ وان .

یا دووی : کو‌ خیری‌ و باش‌یی‌ نیشا وان بده‌ت .

یا سی‌یی‌ : کو‌ نه‌ه‌یلت ئە‌و به‌ری‌ خو‌ بده‌نه‌ ریکین خراب یین سهری  
 دک‌یشنه‌ جه‌نه‌می .

و د‌قی‌ مه‌سه‌لی‌ دا فه‌رقا کوری‌ و کچی‌ نینه .

وده‌یاب دق‌یت باش ل بیرا خو‌ بینن کو‌ ده‌می ئە‌و پازده بیست ساله‌کان  
 کچا خو‌ - بی‌ به‌رانه‌ر - ب خودان دک‌ه‌ن ، حه‌تا وی ته‌سلیمی مال‌خو‌یی‌ وی  
 دک‌ه‌ن ؛ دا ئە‌و هه‌ردو پی‌کفه‌ ماله‌کا نوی ئا‌فا که‌ن ، هه‌ر وه‌کی‌ ئە‌و بیست ساله  
 ئە‌و به‌رین ئا‌فا کرنا وی مالا نوی ل پشتا خو‌ دک‌ه‌ن یا کو‌ دی‌ بته‌ لبه‌نیا سه‌ره‌کی  
 د ئا‌فاهی‌ یا پاشه‌رو‌ژا ئومه‌تی‌ دا ، ق‌ی‌جا چاوا خیرا وان یا مه‌زن نه‌بت ؟

دەباب دەمى كچا خۇ ب دورستى تەربىيەت دكەن مەعنا ئەو يى دەيكە كا  
باش بۇ مالە كا پاشە رۆژى دورست دكەن ، مەعنا ئەو يى دەينەكى د گەل  
خودى دكەن ، پاشى د گەل مللەتتى خۇ .

ژن .. ومافى ( ئەھلىيەتتى ) :

د ئىسلامى دا ژنى - وەكى زەلامى - مافى ( ئەھلىيەتتى ) ھەيە ، چ بەرى  
شوى بكت دەمى ھېژ ئەو د مالا بابى دا ، چ پشتى شوى دكەت ودچتە د مالا  
زەلامى خۇ دا .. وئەو ( ئەھلىيەتتا ) ئىسلامى دا يە ژنى ، ئەگەر مروژ ل دىروكا  
كەش ويا نوى يا ژنى بگەرپىت دى بينت نە كەسى بەرى ئىسلامى ونە پشتى  
ئىسلامى نەدايى ، وئەف ئەھلىيەتە د گەلەك لايان دا بەرچاڧ دبت ، ژ وان  
لايان :

- ژنى وەكى زەلامى كەسىنى يا خۇ يا تايەت وسەربخۇ ھەيە ، د لايى  
ئافراندى دا ، و د لايى ئارمانجا ژ ئافراندى دا ، و د لايى وەرگرتنا جزاى دا  
ژن ژ مىرى يا جودا نينە ، وئەفە بەرى نوکە مە بەحس يى ژى كرى .

- د لايى فيركرنى و ( تەعلیمی ) دا ئىسلامى ژن يا كرى يە خودان  
ئەھلىيەت ، يەعنى : ئىسلامى مافى فيركرنى يى دا يە ژنى ، نەخاسم خۇ فيركرنا  
وان ئەحکامىن شەرىي يىن پەيوەندى ب فقھى ژنى قە ھەي ، و پيغەمبەرى  
ب خۇ - سلاڧ لى بن - وەكى كىتپىن ھەدىسى بۇ مە قەدگىپن گەلەك جاران  
( ئشراف ) ل سەر فيركرنا ژنپن موسلمان دكر ، وەكى دى ژ فان ھەدىسان بۇ  
مە ديار بت :

۱- ( ئەبوو سەئىدى خۇدرى ) دىيژت : ھندەك ژنك ھاتنە نك پيغەمبەرى  
- سلاڧ لى بن - گۇرتى : ئەي پيغەمبەرى خودى ! زەلامان تو يى ژ مە ستاندى  
ھەر گاڧ ئەو يىن ل نك تە وتو دىنى نىشا وان ددەي ، قىنجا رۆژەكى بۇ مە ژى



بدانە .. پيغەمبەرى - سلاف لى بن - پۇرۇشەك بۇ وان دانا وجھەك دەسنیشانكر  
دا ئەو لى ئامادە بىن ، ووى دىن نىشا وان ددا .

۲- (عەبدللاھى كورئ عەباسى ) دىيۇت : جاره كى [ ژ فان جارىن ئەو  
دچوو بۇ ژنكان دئاخفت ] پيغەمبەرى - سلاف لى بن - ( بلال ) ژى د گەل خو  
بر ، ئىنا پيغەمبەرى - سلاف لى بن - بەھسى عەزابا جەھنەمى بۇ وان كر ،  
وگۆتە وان : گەلەك خىران بكەن ، ئەو ژنكىن حازر دەست ب دانا خىران كر ،  
ھندەكان گوھار ژ گوھىن خو كرن ، ھندەكان گوستىر كىن خو كرنە خىر ،  
بلالى ئەو كرنە د ناف لفكا كراسى خو دا ، وبرن ل سەر ھەژاران بەلاقكرن .

ژ فان ھەر دو ھەدىسان ئاشكەرا دىت كو پيغەمبەرى - سلاف لى بن - خەم  
ژ فىركرنا ژنكىن موسلمانان دخوار ؛ چونكى ئىسلامى قەت نەفىت ژنكا  
موسلمان ژنكەكانەخواندەفان ونەزان بت ، و د جفاكا صەحابىيان دا - ل سەر  
دەمى پيغەمبەرى - سلاف لى بن - ھندەك ژنكىن خواندەفان ھەبوون كارى وان  
ئەو بوو وان خواندن ونقىسىن نىشا ژنكان ددا ، و ( شىفانا كچا عەبدللاھى )  
ئىك ژ وان ژنكان بوو ، ئەو ل سەر مالىن مەدىنى دگەريا ژن فىرى خواندن  
ونقىسىنى دكرن ومالىن پيغەمبەرى ب خو ژى ژ وان مالان بوون يىن ( شىفاء )  
دچوويى ، ودەيكا موسلمانان ( ھەفصا ) ئىك ژ وان ژنكان بوو يىن ل سەر  
دەستى شىفائى فىرى خواندن ونقىسىنى بووى ، وگەلەك جارن دەمى پيغەمبەرى  
- سلاف لى بن - ئەو دىت وى خو فىرى خواندن ونقىسىنى دكر پيغەمبەرى  
- سلاف لى بن - كەيفا خو پى دىنا و ( تەشجىعا ) وى ل سەر قى چەندى  
دكر .

وېي نهقيت بيژين : دهيكاموسلمانان ( عائشا ) نيك ژ مهزنترين زاناين صهحابيان بوو ، وصهحابي يين زهلام د گهلهك مهسلين ديني دا ههوجهي وي دبوون وپسيارا خو ب وي دكر .

ژ فني چهندي بو مه ناشكهر دبت كو ئيسلامي مافي فيركرني يي دايه ژني ، وژي خواستي به كو نهو خو فيري خواندن ونقيسيني بكهت ، وتهشجيعا زهلامي ژي كري به كو نهو ژني فيري زانيني بكهت ، ونهكامين ديني نيشا بدهت ، ونهسته ناستهنگ د رپكا وهرگرنا وي دا بو علمي ، ونهوهديسا پيغهمهري - سلاش لي بن - نهوا تيدا هاتي : ﴿ طلب العلم فريضة على كل مسلم - داخواز كرنا علمي كارهكي فهره ل سهر ههر موسلماننه كي ﴾ - وهكي زانا ديژن - مهخسه د بي ژنكا موسلماننه ژي .

- د لايي ( ملكيه تي ) وكار وبارين ئابوري دا ئيسلامي ژن يا كري به خودان نه هلييهت ، يه عني : د شريعه تي ئيسلامي دا مافي ژني ههيه بته خودان ملك ، وژ لايي ئابوري فه يا سهر بخو بت ، پارين خو ههبن ، خاني ومال وحالي خو ههبت ، ونه گهر بقيت ب كارين ئقتصادي وتجاري رابيت ، كرپن وفرؤتن بكهت .. وهتد ، وئيسلامي ماف نه دايه ( وهلي يي ) وي چ باب بت چ ميړ بت ، كو مايي خو د مالي وي دا بكهت ، بارا ژني ژ مالي وي بو وي به و د سهر هندي ژي را ب خودانكرنا وي ل سهر وهلي يي وي به ، يه عني : د شريعه تي ئيسلامي دا واجبه ل سهر وهلي يي ژنكي نه گهر باب يان برا بت نه گهر ميړ بت كو وي ب خودان بكهت ، خوارن وفه خوارني ، جلكي وسهرو بهري بو دابن بكهت ، وژني حق ههيه - نه گهر خو يا خودان مال ژي بت - مالي خو هلگرت ، وداخوازي ژ وهلي يي خو بكهت كو نهو وي

ب خودان بکەت ، ووهلی یی وئ حەق نینە بیژتی : ئەز مەصرەفی ل تە ناکەم  
چونکی تو یا خودان مالی !

ئەفە شەریعەتی ئیسلامیە .. نە وەکی شارستانی یا رۆژەهلایەتی یا نوکە گاڤا  
کچ گەهشتە شازدە هەڤدە سالی یی بابی وئ حەقی هە ی وئ ژ مال دەریخت  
ویژتی : حەقی تە ل سەر من نەما ، هەرە بۆ خۆ شۆل بکە وخۆ ب خودان بکە .  
ژن هندی د مالا بابی دا بت ل سەر بابی یە وئ ب خودان بکەت ، وئەگەر  
وئ مالەک یان راتبەک هەبت وئ حەقی هە ی مالی خۆ راکەت وچویی ژئ  
صەرف نە کەت و بابی وئ یان ووهلی یی وئ کانئ کی یە ، دڤیت مەصرەفی لی  
بکەت ، وئەگەر شوی کر ئەف واجبە - واجبی ب خودانکرنی - دکەفتە سەر  
ملین زەلامی وئ ، وەر جارەکا بابی یان میری تەخسیری د فی لایە دا کر  
بەرانبەر خودی دئ یی گونەهکار بت ، وەرانبەر شریعەتی دئ یی بەرپسیار  
بت ، وئەف ( تە کلیفە ) یە یا قورئان بەحس ژئ دکەت دەمی دڤوت :

﴿ الرَّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ  
أَمْوَالِهِمْ ﴾ [ النساء : ۳۴ ] ، ئەف ( قوامەتە ) یا کو ئیسلامی دایە زەلامی  
بارلێکرنە کە بۆ وی نە کو ب قەدر ئیخستنه وەکی هەندەک هزر دکەن .

- د لایئ شوپکرنی وەلېژارتنا شریکی ژینی ژئ دا ئیسلامی چەند مافەک بۆ  
ژنی دەسنیشانکرنە ..

جاری یا ئاشکەرایە کو ( زەواجا شەری ) رێکا طەبیعی یا ئیکانەییە بۆ  
زیدەهی یا نفسی مرووفان ، وئەفی زەواجی دو ستوینین خۆ یین سەرەکی هەنە :  
ژن ومیر ، وپی نەڤین بیژین : ئیک ژ فان هەر دووان دڤیت ( طالب ) بت ،  
وئیک ( مەطلوب ) بت ، ئیک داخوازکەر بت ، وئیک بیئە خواستن ، وەر  
کەسەکی ب خورستی ونەفسیەتا ژنی یی شەرەزا بت دزانت کو ژنی هەردەم

دقیقت زهلام ل دویف وی بچت ویا داخواز کری ئەو بت ، ژ بهر قی چهندی خوراکرتن ، یان بلا بیژین خوگرانکرن طهبعهته که ل نک ژنکی پتر دئیتنه دیتن<sup>(۱)</sup> ، وچونکی ئەفه تشته کی ( فطری ) یه ل نک مروقی ئیسلامی د شریعهتی خو دا یی کو بو زهواجی دانای فرمان کر کو زهلام ( طالب ) بت ، وژن ( مهطلوب ) بت .. باشه ئەگەر مهسهله هاته دهرنشیفکرن ووژن بوو ( طالب ) ومیر بوو ( مهطلوب ) دی چ چی بت ؟

بو بهرسف دی بیژین : دو کارین سلی دی روی دهن : یی ئیکی : خورستی یا ژنی دی ئیتنه پی لیدانان ، وئەفه خرابیه که دگههته ژنی .

ویی دووی : واقعی یی بهرچاڤ کری کو ژن دهمی ژ خورستی یا خو دردکهفت ودبته ( طالب ) زوی دتهحست ، وپترین جاران ژ لای زهلامی فه دئیتنه خاپاندن ، وگرفتاری یا مهزن ئەفهیه د پترین جفاکین مروفان دا کهفتنا ژنی یان تهحسینا وی وهکی کهفتنا زهلامی نائیتنه هژمارتن .

دبت کهسهك ههبت بیژت : مادهم هویه ، وژنه دقیت ههردهم بیتنه خواستن ، مهعنا ژن دی یا ژیر دهستی زهلامی بت وی ( نازادی یا هلیژارتنی ) نابت !

ئیسلام دبیزت : نهخیر ! دهمی ژن یا ( مهطلوب ) بت مهعنا وی ئەو نینه وی چو گوتن نابن وی حقی هلیژارتنی نابت ، نه .. رۆژهکی کچهك هاته مالا ( عائیشایی ) وگازندهیه کا خو بو پیغهمبهری - سلاف لی بن - فهگیرا ، گوتی : ئەی پیغهمبهری خودی ، بابی من ئەز یا دایمه برازایی خو ؛ دا مهدهحین خو د ناف خهلکی دا بکهت کو وی کچا خو یا دایه برازایی خو ونه دایه ئیکی

---

(۱) و بو زاین ئەف طهبعهته ل نک مروفان بتی نینه ، بهلکی ل نک گهلهك حهيوانهتان ژی دئیتنه دیتن .

بیانی ، پیغمبره ری - سلاف لی بن - هنارته ب دویف بابی وی را و بو وی دیار کر کو ئەف چەندە حەقی وی نینە ، وگۆتە کچکی : تو یا ب دلی خویی ، ته چاوا دقیت ؟ کچکی گۆت : بلا وەسا بت وەکی بابی من دقیت ، ئەزا رازیمە ب کریارا وی ، بەلی من ئەف چەندە کر دا بو ژنکان دیار بکەم کو بیابین وان حەق نینە وان ب کوتەکی بدەنە شوی .<sup>(۱)</sup>

د شریعەتی ئیسلامی دا ( زەواج ) یا دورست نابت حەتا ( ژن ) رازی نەبت ، وئی رازیبونا خو ئاشکەرا نەکەت ، وەهر جارهکا ( وەلییی ) وی ئەو ب کوتەکی دا شوی ئەو وی کارەکی حەرام کر وژنی حەقی هەی گازندەیا خو بگەهیتتە مەحکەما شەری وەنگی حاکم ناھیلت ئەف ( زەواجە ) پیک بیت .

بەلی ژ لایەکی دی فە د زەواج ئیسلامی دا وەلییی کچکی ژی گۆتەنا خو هەیه و رازیبونا وی ژی پی دقیت حەتا زەواج یا دورست بت ، بۆچی ؟

- چونکی گەلەك جارەن کچ د مەسەلا شوپکرنی دا ب رەنگەکی عاطفی بەری خو ددەتە مەسەلی ، وکیم شارەزایی یا وی د فەان مەسەلان دا پترین جارەن بەری وی ددەتە هندی کو ئەو هەندەك پیرایین خەلەت بستییت ، ووەکی دی دقیت ژبیر نەکەین کو زەواج مەشرووعەکی جفاکی یە کانی چاوا کچی حەق تیدا هەیه مالا وی ژی وەسا حەقی تیدا هەی ، وزەواج حەتا ببتە مەشرووعەکی ئیجابی و سەرکەفتی دقیت ل سەر بناخەیی ( تەفاهومی و تیگەهشتنی ) بیته ئافاکرن ، ئیسلامی رازیبونا وەلی کرە شەرت دا مەصلحەتا کچکی بیته پاراستن .

و چونکی هەندەك ( وەلی ) هەنە فی حەقی یی ئیسلامی دایە وان ب خەلەتی بو خو ب کار دئینن ، و دکەنە رێکەك بو گەهاندنا زیانی بو کچکی ، ئیسلامی

---

(۱) ئیمامی بەبەهقی فی حەدیسی فەدگوهیزت .

شریعه تهك دانا كو بو حاكمي شهرعي ههيه وهلي يي كچكي ژ ويلايه تا وي بيخت ومروڤه كي وي يي دي بكهته وهلي نه گهر هات ووهلي نهف ويلايه ته بو خو كره ريك كو زياني بي بگهينته كچكي ، وه كي هندهك جاران نهم دبينين كچهك دئيته خواستن ونهو مروڤي وي دخوازي يي بي كيماسي يه ووهلي يي كچكي ژ قهستا دكهفته ريكي ورازي نابت وي بدهته شوي ، د قي حاله تي دا حاكمي شهرعي حقي هه ي وي ژ ويلايه تي بيخت ويكي دي بدانته جهي وي ، نهفه ژي ههر ژ بو هندي حقي ژني بهرزه نه بت .

وژبلي رازيبوونا كچي ووهلي يي وي ئيسلامي و بو پاراستنا مه صلحه تا ژني دورستي يا زهواجي ب شهرته كي دي ژي قه گريدا ، ومه خسه دا مه بي ( مههره ) يي كو زهلامي داخوازكه ر ددهته وي ژنكا دئيته خواستن ، ونهف مههره حقه كه ژ حهقين ژني ويبي وي زهواج يا درست نابت ..

نهف ماله ( مههر ، يان نهخت ) دقيت چهند بت ؟ وبو كي بت ؟

ئيسلام ديبژت : نهخت دي هند بت هندي ژن دخوازي ، كي بت گهلهك بت كهسي حقه نينه مايي خو تي بكهت ، ونهف ماله مالي ژنكي يه وبو وي ب تني يه ، وكهسي حقه نينه چويي ژي بستين ، نه بابي وي ونه زهلامي وي ، وههر كهسه كي تشته كي ژ قي مالي ( مههر ) يي رازيبوونا ژنكي بهت ، نهو وي ماله كي حهرام بر ، د دنيايي دا ژني حقي هه ي شكاييتي لي بكهت ، ول ناخره تي ژي خودي حقي وي دي ژ وي ستين يي مالي وي خواري ؛ چونكي وي ماله كي بي حقه يي كروي يه د ناف مالي خو دا ، ويا درست نينه وهلي يي كچكي هندهك مالي بو خو بخوازي وقي مالي بكهته شهرتهك ژ شهرتين زهواجي .

ومهر چ یی (مقدم) بت چ یی (مؤخر) بت حهقه که ژ حهقین ژنکی ،  
 وکانی چاوا حهرامه بو بابی مههری ژنکی یی (مقدم) بخوت ، ولسا بو  
 زهلامی ژی حهرامه مههری وی یی (مؤخر) بخوت ، یان ههما ههر نهده تی  
 وخو تی نه گه هینت ژی وه کی نوکه د ناف مه دا یا به لاف ، مههری ژنی یی  
 (مؤخر) نهوی دئیته گوتن دیتسه ملکی ژنی ودیتسه دهینه کی وی د ستوی  
 زهلامی دا ههر جاره کا وی قیا وی حهق هیه داخواز بکته وزهلام - وه کی ههر  
 دهینه کی دی - دقیت بدهت ، وئه گهر زهلام مر وئف دهینه نه دا ژنکی وژنکی  
 نهو ئازا نه کر ، هنگی نهو دی یی گونه هکار بت ودی هیژای عهزایی بت ، ویا  
 زانایه کو گونه ها دهینی هنده دهمی مرؤفه ک مر با ودهینه ک ل سهر با پیغه مبهری -  
 سلاف لی بن - نفیژ ل سهر نه دکر ، فیجا بلا زهلام ل فی چهنندی دئاگه هدار  
 بن !

نهف مههری د عهقدی دا دیتسه شهرته ک ژ شهرتین دورستی یی ملکی ژنکی یه  
 وبؤ که سی دی ژبلی وی یی حلال نینه ، وچی نابت بو زهلامی داخواری  
 ژ ژنکی بکته کو نهو فی مالی ل (ته کالیفین) زهواجی خهرج بکته ، یان  
 پشتی فه گوهاسستی ل وی بزفرینته فه ، ههر ولسا بو بابی وی ژی چی نابت نهو  
 فی مالی ژی بستینت و ل خو وعیالی خو خهرج بکته ، خودایی مهزن  
 د قورئانی دا دبیژت : ﴿وَأَتُوا النِّسَاءَ صَدُقَاتِهِنَّ نِحْلَةً فَإِنْ طِبْنَ لَكُمْ عَنْ شَيْءٍ مِنْهُ  
 نَفْسًا فَكُلُوهُ هَنِيئًا مَرِيئًا﴾ - وهوین مههرا ژنکان بدهنی ، دانه کا فهره ل سهر ههوه  
 ودقیت یا ب دلی ههوه بت . فیجا نه گهر وان - ب دلی خو - تشته ک ژی دا  
 ههوه ، هوین وهربگرن ، وبخون ، چونکی نهو بو ههوه یی حلال وپاقره ﴿  
 [ النساء : ۴ ] .

و ب کورتی دی بیژین : مەر مالە کە بۆ ژنکی دکەفت و ژبلی وی ئەو بۆ کەسی دی یی حەلال نینە ، و دەمی ئەف مالە دکەهتە ژنکی و دبته مالی وی ئەو یا ب کەیفە خۆیە وی چاوا دفت دی وەسا خەرچ کەت .

و پشستی ژن بۆ مالا زەلامی وی دئیتە فەگواستن هەندەک مافین هەفیشک د نافهرا وی وزەلامی دا هەنە ، و ل فیری ب تنی ئەم دی بەحسی وان مافان کەین یین ئیسلامی داینە ژنی و ب جەهینانا وان کریە واجب و ئیخستی بە ستویی زەلامی ، بۆ هندی دا ژن بزانت کانی ئیسلامی چ بەا دایە وی ، و چاوا ئەو ژ ژۆرداری یا زەلامی پاراستیە .

( زەواج ) ب دیتنا ئیسلامی عەقدەکا سنۆردایە ، ژن بی دئیتە فەگواستن ژ مالا بابی بۆ مالا میری ، و ئەو تشتی بەری فی عەقدی د نافهرا ژنکی وزەلامی دا یی حەرام کو مافی ( ئستمتاعی ) یە ب فی عەقدی حەلال دبت ، ژ فی حەقی زیدەتر زەلامی چو حەق ل سەر ژنی نابن ، و هەر کارەکی دی یی ژن د مالا زەلامی دا بکەت ئەو قەنجیە کە ئەو ل زەلامی دکەت ، و ل ئاخەرەتی دی بۆ وی ب خیر ئیتە نفیسین ، و ژ بەر فی چەندی د حەدیسەکی دا هاتیە ، پیغەمبەر - سلاف لی بن - دبیزت : ﴿ إِذَا صَلَّتِ الْمَرْأَةُ خَمْسَهَا ، وَصَامَتْ شَهْرَهَا ، وَحَفِظَتْ فَرْجَهَا ، وَأَطَاعَتْ زَوْجَهَا ، دَخَلَتْ جَنَّةَ رَبِّهَا - ئەگەر ژن هەر پینج نفیزین خۆ بکەت ، و هەیفە خۆ بگرت ، و نامویسا خۆ پاریزت ، و گوهداری یا زەلامی خۆ بکەت ، دی چتە بەحەشتا خودایی خۆ ﴾ .<sup>(۱)</sup>

ژ ئیمام عومەری دئیتە فەگواستن کو جارەکی زەلامەک هاتە نەک دا گازنیدن خۆ ژ ژنکا خۆ بۆ وی بکەت ، عومەر یی ل مال بوو ، ئەو زەلام ل بەر دەرگەهی راوەستی ، دەرگی ژنکا عومەری هاتی یا هەفەکی یی د گەل وی

---

(۱) ئبن حبان فی حەدیسە فەگوهیزت .



دکته وهندهك جاران دهنګي خو ل سهر يی وی بلند دکته ، وعومهر يی بی دهنګه ، گاډا زهلامی نهف چهنده گوډ لی بووی ، زقړی وگوټ : نه گهر نهفه حالی عومهری بت وعومهر نهو یی هه ی پا ههما حالی مه یی باشه ! گاډا عومهر ل وی دهر کهفتی ودیتی نهو یی فی گوټنی دیژت ، عومهری گوټی : برایی من نهز تهحه ممولو وی دکهم ژ بهر وان حهقین وی ل سهر من ههین ، نهو زادی من دلینت ، ونانی من دیژت ، وجلکین من دشوت ، وشیری ددهته عهالیی من ، ونهفه ههمی ل سهر وی واجب نینه .

ژ مافین ژنیه ل سهر میړی کو نهو وی نصیحت بکته ، و د گهل یی نهرم وحه لیم بت ، ویی لی ب هیجهت نهبت ، ونه گهر هات ووی سالوخته کی کو وی پی نهخوش بت ل نک ژنکی دیت دقیت زوی کهریین خو فنه کته ، ودقیت نهو ل بیرا خو بینت کو گهلهك صفهت ل نک وی هه نه نهو یی پی خو شه ، خودایی مه زن دیژت : ﴿وَعَاشِرُوهُنَّ بِالْمَعْرُوفِ فَإِنْ كَرِهْتُمُوهُنَّ فَعَسَى أَنْ تَكْرَهُوا شَيْئًا وَيَجْعَلَ اللَّهُ فِيهِ خَيْرًا كَثِيرًا﴾ . گهلی خودان باوه ران هه فالینی یا هه وه د گهل ژنین هه وه بلا یا ب قه درگرتن وقیان بت ، وهوین مافین وان بدهنی . ونه گهر هه وه ژ بهر نه گهره کا دنیایی نهو نه قیان هوین صه بری بکیشن ؛ چونکی دبت تشتهك هه بت هه وه نه قیت ونهو ب خو خیره کا گهلهك تیدا هه بت ﴿ [ النساء : ۱۹ ] .

ره زیلکرنا ژنی ژ لایی میړی فه کو پشته خو بدهتی وپیشتی یین وی بو ب جه نه ئینت وناخفتنین زفر وکریټ بیژتی یان بیشینت ، نهفه کاره کی حه رامه بو زهلامی ، وبه رانه ر فی چهندي دقیت ژن ژی گوهداری یا زهلامی بکته وقه دری وی ومرو قین وی بگرت ، وئیکا هند نه کته دلی وی ژ خو بهیلت .

ژ مافین ژنی یه ل سهر میړی کو نهو - ل دویشف شیان ومسته وایی خو -  
 جلکی وخواری بو ژنکی وعیالی وی پهیدا بکته ، وئشف حقه ، حقی ب  
 خودانکرنی ، واجبه که دکفته سهر ملین زهلامی ، وچی نابت زهلام فی واجبی  
 بیخته سهر ملین ژنکی بهلی نه گهر ژنکی فی د فی لایی دا هاریکاری یا زهلامی  
 خو بکته وئو یا پیغه هاتی بت نهو هنگی خیره که ژن د گهل زهلامی خو دکته  
 ودقیّت زهلام فی قهنجی یا وی ژ بیر نه کته ، یه عنی : نه گهر ژنکه کی مال یان  
 راتبه هت وئو وه هاریکاری بو زهلامی فی مالی ل سهر مالی خهرج  
 بکته نهو قهنجی یه که نهو ل زهلامی دکته وخودی خیرا وی دی بو نفیست  
 وچی نابت زهلام هزر بکته نهفه واجبه که ژن پی رادبت ، وپیژت : مانی یا  
 ل سهر مالا خو خهرج دکته ! نهفه واجبی وی نینه ، خو نهو جلکین ژنک  
 دکته بهر خو ژی دقت زهلام ژ مالی خو بو وی بکرت ، وحقی وی یه خو  
 نه گهر نهو یا خودان مال ژی بت کو نهو مالی خو هلگرت وپیژته زهلامی : تو  
 دی ژ مالی خو بو من جلکان کری ، چونکی ( قوامه تا مالی ) یا زهلامی یه ،  
 ومه صرف ل سهر وی یه ، وئو گهر زهلامی ته خسیری د خودانکرنی ژنکی دا کر  
 و ژ قهستا هند مال نه دایی کو تیړا وی وعیالی وی بکته ، حقی وی  
 هیه نهو مالی - هندی هه وجیهی یا خو ژی بدزت ، روژه کی ( هند کچا  
 عوتبه ی ) هاته نک پیغه مبهری - سلاف لی بن - وگوتی : نهی پیغه مبهری  
 خودی ، هندی نه بو سوفیانه زهلامه کی چریکه ، نه گهر نهز بی وی هنده کی  
 ژ مالی وی رانه کهم نهو هند نهفه فی ناده ته من کو تیړا من وعیالی من  
 بکته ، نه ری ما گونه هه ل سهر من هیه نه گهر نهز فی چه ندی بکه م ؟

پيغمبهري - سلاف لي بن - گوٽي : ﴿ خذي ما يكفيك وولذك بالمعروف -

هندي بو خو ژ مالي وي ږاكه هندی تيرا ته بكت ، ب قهنجي ﴾ .<sup>(۱)</sup>

ژ مافي ژني په ل سهر ميړي كو نهو وي فيري علمي شهرعي بكت ، وزانيني  
وخواندن ونفيسيني نيشا بدهت ، وچي نابت زهلام ږيكي ل وي بگرت كو نهو  
خو فيري علمي شهرعي بكت نه گهر هات ودهر كهفتا وي بو قي چهندي چو  
فته وي ليډانا مافين وي تيډا نه بت .

ژ مافي ژني په ل سهر زهلامي ههست وشعورا وي نه شكنت ، ووي كيڼم  
نه كت ، وناخفتين نه د ږي دا نه بيژته وي وروځين وي ، ونه گهر عيهبك يان  
كيڼماسي په ك ل نك ههبت - وږيلي خودي كهسي بي كيڼماسي نينه - دقيت نهو  
به لاف نه كت وهر جار نه ده ته بهر چافان ، وي لي ب هيجت نه بت - وه كي  
مه گوټي - و ( ته جهسسوسي ) ل سهر وي نه كت ومايي خو د تشتين وي يين  
تايهت نه كت .

ژ مافي ژني په ل سهر زهلامي كو نهو وي بپاريزت وي ل سهر ب غيرت  
بت ، ويكا هند نه كت بهري وي بمينته ل خرابي يي ، مافين وي يين  
تيكه لي يا ژن وميړيني يي ب دورستي بدهتي ، وبو دهمه كي دريژ ژي  
دوير نه كهفت ، وپويته ي ب پاڅري وسهره و بهري خو بكت ، و ب ناخفتين تازه  
وي باخيقت ودلي وي خوش بكت ، وي د گهل نافچاف گري وعه صه بي  
نه بت ، وژن ب طبعه تي خو يا بي ته حه مموله لهو دقيت زهلام صه بري ل سهر  
بكيشت .

ژ مافي ژني په ل سهر ميړي كو نهو د گهل وي يي ب وهفا بت وخيانه تي لي  
نه كت وقه دري وي وي هفالين وي ژي بگرت ، د حه ديسه كي دا هاتي په :

---

(۱) بوخاري وموسلم قي حه ديسي فهد گو هيزن .

جاره کي پيره ژنه ک هاته مالا پيغه مبهري - سلاف لي بن - ، ئينا پيغه مبهري - سلاف لي بن - گهله ک قه دري وي گرت ، هنده کان پسپارا في چهندي ژي کر وي گوت : نهف ژنکه هيشتا ل سهر وهختي خه ديچايي دهاته مالا مه .. يه عني : هه فالاه خه ديچايي بوو ، خو پستي مرنا خه ديچايي ژي پيغه مبهري - سلاف لي بن - قه دري هه فالين وي دگرت .

و ژ مافي ژني به ل سهر ميړي کو پستي مرنا وي پشکه کا ده سني شانکري ژ مالي وي بو وي بيته دان ، يه عني : د شريعتي ئيسلامي دا ژن دېته ميراتگرا ميړي ، وپستي مرنا ميړي و ب دويماهي هاتنا عددهي که سي حقه ل سهر وي نينه وي حجز بکهت يان نه هيلت بچت شوي ب وي بکهت يي وي بقيت ، نهفه چي نابت وتشته کي حهرامه .

وکاني چاوا ژني حقه د ميراتي ميړي دا ههيه ، وesa وي حقه د ميراتي بابي ژي دا ههيه نه گهر خو يا شويکري ژي بت ، و حهرامه بو مروقين وي کو حقه وي ژ مالي بابي وي بخون ونه دهني ب هيجه تا هندي کو ماني وي يا شويکري ووي چو حقه د ناف مالي بابي دا نه مايه ، نهو مالي وي يي نهو وهر دگرن بو وان يي حهرامه ، و خودي پسپارا في مالي دي ژ وان کهت کاني بوچي وان نه دابوو خودانا وي ، ودوير نينه نهف مالي وي يي نهو ب حهرامي دخون بېته نه گهرا هندي کو خودي بهر که تي ژ ناف مالي وان راکهت ووان د دنيابي دا رهزيل بکهت . نهفه هنده ک ژ وان مافان بوون يپن ئيسلامي داينه ژني ، قيچا بيژنه من : کي هندي ئيسلامي نهف مافه داينه ژني ؟

## سهره دهري يا ئيسلامى د گهل خورستى يا ژنى

خودايى مهزن دهيمى مروّف ئافراندى خورستى يه كا تايبهت وتبيعه ته كى  
جودا كهر يى دايى ، ئەف خورستى وتبيعه ته يه يى خودايى مهزن د قورئانا پيرۆز  
دا نافي ( فطره تا خودى ) ل سهر ددانت ، دهيمى كهره دكهت ودبيژت :

﴿ فَأَقِمْ وَجْهَكَ لِلدِّينِ حَنِيفًا فِطْرَةَ اللَّهِ الَّتِي فَطَرَ النَّاسَ عَلَيْهَا لَا تَبْدِيلَ لِخَلْقِ اللَّهِ  
ذَلِكَ الدِّينُ الْقَيِّمُ وَلَكِنَّ أَكْثَرَ النَّاسِ لَا يَعْلَمُونَ - فَيَجَا تَو [ ئەى موحه ممه د  
وهه چى يى دويكه فتنه ته كرى ] بهرى خو راست بده وى دينى يى خودى بو ته  
داناي ، كو ئيسلامه ، وبهرده وام ل سهر بمينه ؛ چونكى ئەو د گهل خورستى يا  
مروفي رى دكهفت ، ومانا هه وه ل سهر فى دينى خو پيشفه گرئيدانه ب وى  
خورستى يى فه يا خودى مروّف ل سهر چيكرى ، گوهرين بو چيكرى يى  
خودى ودينى وى نينه ، ئەوه ريكه راست يا خودانى دگه هينته رازي بوونا خودى  
وبه هشتا وى ، بهلى پترى يا مروّفان زنان كو ئەوا من فه رمان پى ل ته كرى  
ئەى موحه ممه د ، ئەو ب تنى يه دينى راست ﴾ [ الروم : ۳۰ ]

ئەف ( فطره ته ) - وه كى قورئان دببژت - چيكرى يا خودى يه ، وتشتى  
خودى ب رهنگه كى دابت كهس نه شيت بگوهرت ، وچونكى مروّف ژ دو  
( عونصران ) يى پيك هاتى يه : عونصرى لهشى ، وعونصرى رووحى ، فطره تا  
مروّف ل سهر هاتى يه دورستكرن ژى ل سهر دو پشكان دئيتە ليكفه كرن :

– ټو سالوڅه ټين پهيوهندي ب لهشي څه ههين ، ژ وان يين كو ټم ب چاف  
ديبين ، وټه څه صيفاتين ( خهلقينه ) ، وگوهورپينا وان وهكي ئاشكهرا تشته كه  
ناكهفته د بن شيانا مروفي دا .

– پشكا دووي : ټو سالوڅه تن يين پهيوهندي ب لايي رووحي څه ههين ،  
وټه څه صيفاتين ( خولوقينه ) ، وگوهورپينا فان ژي تشته كي ب زهحه ته ..  
وټه فرو ب ريكي زانيني يا هاتي په بهرچافرن كو ټه ههردو پشكي  
فطره تي ژ دهيك وبابان بو زارو كي دئنه څه گوهاستن ده مي هيشته نه بويه  
مروفي كي دورست بهري بيت ، ورور بو روژي ل نك ديار دبن حه تا مه سه له  
دگه هته هندي ټو پي دئنه ناسين .

فطره تا مروفي فطره ته كا تايه ته ، وخودي ټو مروفي ئافراندي ژ هه  
كه سه كي دي پتري پي زانايه : ﴿ أَلَا يَعْلَمُ مَنْ خَلَقَ وَهُوَ اللَّطِيفُ الْخَبِيرُ ﴾  
[ الملك : ١٤ ] . وچونكي ئيسلام ب تني ټو مه نه هجه يي خودي بو مروفيان  
داناي ټم دبيژين : ئيسلام دينه كه د گهل خورستي يا مروفي ري دكه ت :  
﴿ فِطْرَةَ اللَّهِ الَّتِي فَطَرَ النَّاسَ عَلَيْهَا لَا تَبْدِيلَ لِخَلْقِ اللَّهِ ذَلِكَ الدِّينُ الْقَيِّمُ ﴾ ، وحه تا  
مروفي بشيت ب دورستي د خو بگه هت دقيت باش ب فطره تا خو يي شاره زا  
بت ؛ دا بزانت كاني دي چاوا سه ره دهري يي د گهل كه ت .

فطره تا ميړي .. وفطره تا ژني :

هه چهنده فطره تا مروفي ئيك فطره ته ، به لي د ناڅه را فطره تا ژني ويا ميړي  
دا چهنده گوهورپينه كه هه نه ، په عني ټو فطره تا خودي ژن ل سه ر داي ژ چهنده  
لايه كان څه يا جودايه ژ وي فطره تا وي ميړ ل سه ر داي ، وچونكي ئيسلامي  
هنده كه ټه حكام وديتني تايه ت بو ژني ل سه ر بناخه يي فان جوداهي بان هه نه مه  
څيا چهنده كي ل دور سه ره دهري يا ئيسلامي د گهل خورستي يا ژني باخقين .

ئىسلام وفطرەتا ژنى :

وہ کی مہ گۆتى : دەمى خودى ژن ومير دايں ھەر ئيکە تبيعه ته کى جودا -  
د ھندەک لايان دا - دايى ؛ دا چينا مروقى ل سەر بناخه يى قى جوداھى يى  
ب ريفه بچت ، ئە گەر نه .. پيئى نەدکر نفشى مروقى يى جوت بت !  
ئىسلام - دىنى فطرەتى - د ئە حکامين خو دا قى جوداھى يى ل بەر چاڭ  
و ھردگرت ، و ل سەر بناخه يى وى ھندەک ئە حکامين دىنى وجھاكى  
و ئە خلاقى زى ئاڧا دکەت ، و ژ زەلامى و ژ ژنى دخوازت کو پيگىرى يى پى  
بکەن .. و ل قيرى دو بابەت ھەنە پەيوەندى ب قى مەسەلى ڧە ھەنە مە دڧيت  
ب بەرفرەھى ل سەر باخڧين :

يا ئيکس : دەمى ئىسلامى ژ ژنى خواستى کارى خو يى سەرەکى بکەتە  
پەروەردە کرنا عەيالى ، و دەرنە کەفتە مەيدانا کارى زەلامى يا تژى  
زەحمەت ونە خو شى ، وەکى د ئايەتە کا قورئانى دا ھاتى :  
﴿ وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى - وھوين گەلى ژنکان ،  
د مالين خو دا پوين ، و ئە گەر بو کارە کى پيئى نەبت ژ مالين خو دەرنە کەڧن ،  
وھوين خەملا خو بەرچاڧ نە کەن ، وەکى ل دەمى جاھليەتا ئيکى بەرى  
ھاتنا ئىسلامى ژنان دکر ﴾ [ الأحزاب : ۳۳ ] .

يا دووگ : دەمى ئىسلام ب ئاشکەرايى وى جوداھى يى بەرچاڧ  
دکەت يا کو د ناڧەرا ژنى وميرى دا ژ لايى عەقلى ڧە ھەى ، چ دەمى  
شاھدەيى يا دو ژنکان ب يا زەلامە کى ھژمارتى ، يان دەمى پيغەمبەرى - سلاڧ  
لى بن - ب ئاشکەرايى بو ژنکان ديارکرى کو عەقلى وان - و دىنى وان - ژ يى  
زەلامى کيئترە .. ويا غەريب ئەوہ گەلەک کەس ل قيرى وويرا ھە ڧان ھەردو  
مەسەلان دجوين وڧەدجوين و دکەنە جھى تانى بو ئىسلامى ، تشتى نەزانينا وان

ب فطرت و تبعه تی مروقی - یی ژنی ویی میری رادگه هینت ، ژ بهر فی چه ندی  
مه دقیت ژ فان ههردو مهسه لان دهست یی بکهین .

مهسه لا ئیکي :

ل دور وان جوداهی یین لهشی یین کو د نافههرا زهلامی وژنکی دا ههین ،  
یین کو کارتیکر نه کا بهرچاف د مهیدانا کاری ژنی دا ههی .

بهری نوکه مه یی گو تی ، ونوکه دی بیژینه فه : ئیسلام دهوری ب ریقهه برنا  
مالی ژ لایي دهرفهیی فه یی دایه زهلامی ، و ژ لایي نافخویي فه یی دایه ژنی ،  
وئیسلاام زهلام وژن وهکی دو شفانان هژمارتینه کاری وان نهوه نهو هه ئیک  
ژ لایي خو فه فی مالی بپارنرت ، وپسیارا هه ئیک ژ وان ژی دی ئیتیه کرن  
کانی نهو ب دهوری خو رابوویه یان نه ؟

وو هکی ناشکهرا - ومه بهری نوکه بهحس ژی ژی کری - کاری ژنی د مالی  
دا ههمی بو ب خیر دئیتیه هژمارتن ، نه بهس هنده بهلکی ئیسلامی خیرا وی  
دهمی د مالا خو دا کاری دکهت یا ئینایه ریژا زهلامی دهمی نهو ژ مالا خو  
دهر دکهفت ودچته جیهادی ، نه گهر زهلام د فی ده رکهفتنا خو دا نه زقپی وهاته  
کوشتن حسیب دبت شههید ، وژن دهمی بجویکه کی ل فی مالی زیده  
دکته ، و ب فی کاری فه دموت ، نهو ژی حسیب دبت شههید .

ئیسلاام ژن ژ کاری سهخییری و ب ریقهه برنا مالی فه ، وخهر جکرنا مالی  
ل سهر مالی وعهیالی یا عهفیکری ، وئهف کاری ب وهستیان وزهحمهت  
یی ئیخستییه د ستویی زهلامی دا ، وئه گهر هات وزهلام ب دورستی ب فی  
واجبی خو رانهبوو نهو دی یی گونههکار بت ، کا چاوا دهمی ژن ژ مال  
دهر دکهفت وتهخسیری یی د واجبی خو دا دکهت دی یا گونههکار بت ..  
وو نهینه وهکی هندهك هزر دکهت کو دهم ژن دمیتنه د مالی دا و ب کاری



ب رېښه برنا ناڅڅوږي يا مالي رابټ نهو ژ کار دکه څټ وډبته نه ندامه کا ( عاطل )  
د جفاکي دا ، وزيانې دگه هينته ئابوړي يا ملله تي .. نه خيړ !

ژن دهمي مالا خو ب رېښه دبهت ، وکاري خو دکه ته ب خودانکړنا عه يالي  
خو نهو هنگي يا لبنا سهره کي د ئافاهي يي جفاکا خو دا موکم دکهت ،  
ژ لايه کي دى څه ژ سهر بوړا دهر کهفتنا ژني يا ناشکهره بووي کو نهو زيانا  
ب دهر کهفتنا ژني ب ئابوړي يا ملله تي دکه څټ گه لهک مه زستره ژ وي زيانې يا  
ب نه دهر کهفتنا ژني ب ئابوړي يي دکه څټ .. بو نمونه : نه گهر سهر ژميړيهک  
بيته کرن کاني ههر ژنکهک چهند مالي ل دهر کهفتنا خو بو مهيدانا کاري  
خهرج دکهت ، چ بو جلك وبه ژن وبالي بت ، چ بو صيغ ومکياجي بت ، دى  
باش بو مه ديار بت کو نهو مال دوقات وسي قات ژ وي مالي پتره يي ب  
دوست نه دکهت نه گهر نهو نه دهر کهفتنا ، فيجا بوچي دهر کهفتنا وي ب مهسه لا  
ئابوړي څه بيته ( ته برير کرن ) ؟

و ژ لايه کي دى څه څه کولينين ( طي ) و ( علمي ) يين روژ بو روژي پيش  
دکهن ودئينه نفيسين وبه لاڅکرن هندى ديار دکهن کو ژن - چ ژ لايي نه فسي  
څه بت ، چ ژ لايي ( جسمي ) څه بت - وهسا يا هاتي په ئافراندن کو ب دورستي  
ب کير کاري ده يکيني يي ورېښه برنا ناڅڅوږي يا مالي بيت ، وده ريخستنا وي  
ژ مالي بو کارگه هي وجهين شولي زولمه که ل وي دئيتسه کرن ، وبارليکړنه کا  
گرانه دکه فته سهر ملين وي .

د راپورته کا خو دا ده زگه ها ساخله مي يا جي هاني ديار دکهت کو بچويک  
پشتي بووني وحتا ژي يي وي دبهت سي سال يي پيتقي چاقديري په کا بهر ده واهه  
ژ لايي ده يکي څه ، وههر جاره کا نه ف چاقديري په نه ما ، يان ب دورستي

ب ریڙه نه چوو ( خه له ل ) وکیماسی دی که فنه که سینی یا بچویکی ، تشتی دېته  
نه گهرا هندی نه ف زارو که ل پاشه رږوژی بهری خو بده ته خرابی یی و تاوانان .

و ل دویمایی یا راپورتا خو دوزگه ها ساخلمی یا جیهانی داخوای دکهت کو  
ژن جاره کا دی ل مالا خو بزږت و خو بو په روه رده کرنا بچویکی خو به طال  
بکهت ؛ دا کو ( ریږه یا جه ریمی ) یا زیده بلند بیته خواری ، وهه ر وه سا  
داخوای ژ حوکمه تیښ جیهانی دکهت کو بو هه ر ژنه کی راتبه کی هه یقانه بیته  
دان بهرانه ر هندی کو نه و ل مال روینسته خو ار وعیالی خو ب خودان  
بکهت ، نه گه ر هات ووی که س نه بت وی ب خودان بکهت .

وبه ری نه م به رده وامی یی ب بابته یی خو بده یښ ، هه ژی گوته یی به بیژین : نه ف  
داخوای ل سه د سالا بیستی فی دوزگه ها جیهانی ژ حوکمه تان کری ، ل سه د  
سالا حه فتی یه عنی : به ری هزار وچار سه د سالان ، حوکمه تا ئیسلامی ب جه  
ئینابوو ، ده می عومه ری کوری خه ططایی بریار دای هه ر ژنکه کا بچویکه ک بیت  
راتبه ک بو بیته دان ، هه ر ژنکه کا هه بت ، یا ب خودان بت یان یا بی خودان  
بت !

زږین بو بابته یی دی بیژین : نه و ژنکا هه ر ژ سپیدی ژ مال دهر دکه فت  
وپشتی نیږو ، یان ل ئیڅاره کا دره نگ دزږته مال ، وپشتی وهستیانه کا مه زن  
ل کارگه می یان جه ی شولی ، ده می دزږته مال چ گپول دی هه بت ژ نوی  
که فته بهر کاری مالی ، یان دی چ دلوقانی بو بچویکی ل نک مینت ؟  
و چ عه داله ت یان یه کسان دی د فی چه ندی دا هه یه ، نه م ژ ژنکی بخوازیښ  
نه و د مالی دا ب کاری خو رابیت ، و ژ دهر قه ی مالی ب کاری زه لامی  
رابیت ؟

جاری دا ہندہک ژ وان جوداہی یان بہرچاڤ بکہین یین کو ژ لایئ جسمی  
قہ د ناقہرا زہلامی وژنی دا ھین کو کارتیکنی ل سہر کاری وی دکہن ..

### ژ لایئ ( شائین لەشی ) قہ :

زانایین ( ئەحیائی ) دیبژن : ہندی لەشی مروڤی بہ شپست ملیوون ملیوون  
( شانہ ) تیدا ھنہ ، ویا زانایہ کو ئەف شانہ ب چاڤ نائینہ دیتن ، وبو دیتنا  
وان دڤیت مکرسکوڤ بینہ ب کارئینان ، وپشتی زانا شیاين مکرسکوڤین  
ھویربین دورست بکہن وپی بہری خو بدہنہ شائین لەشی مروڤی تشتی ئەو  
ب سہر ھلبوون ئەقہ بوو وان دیت شائین لەشی زہلامی ژ یین لەشی ژنی  
دجودانہ ، ومروڤی زانا ئەگہر ب مکرسکوڤی بہری خو بدہتہ شانہ کا لەشی  
مروڤی دی زانت کانی خودانی قی شانی زہلامہ یان ژنہ بی بزانت کانی ئەف  
شانہ یا کی بہ ؛ چونکی سالوڤختین شانا زہلامی ویا ژنی ب رەنگہ کی ئاشکەرا  
د ژیک جوانہ .. ومہ نہ ل بہرہ ل قی گہلہک ب ناف قی بابہتی قہ بچین ؛  
چونکی ئەقہ شولا دختورانہ ، ب تنی من دڤیت ئیشارہتی بدہمہ خالہ کی کو  
ئیعجازہ کا قورئانی پی دئیتہ بہرچاڤکرن ..

زانا دیبژن : شانا لەشی - ئەوا ب چاڤ نہئیتہ دیتن - ہندہک لەشین زیدہ  
زیدہ ھویر یین ل سہر ھین ، وئہگہر تہ بڤیت بزانی قیاسا ھەر لەشہ کی ژ فان  
لەشان چەندہ ملیمترہ کی بکہ بلیوون پشک ، پشکەک ژئ ژنوی دی ہندی  
لەشہ کی ژ فان لەشان لی ئیت یین کو ل سہر شانا لەشی ھین ، زانا دیبژنہ فان  
لەشان : ( کرۆمۆسۆم ) ، و ژ بہر کو ئەف کرۆمۆسۆمہ د خودان رەنگن  
ب عەرہی دیبژنی : ( الصبغيات ) .

ئەف کرۆمۆسۆمہ ل سہر شانی دڤوت جوتہنہ ، وھەر جوتہک ژ جوتی دی  
یی قہدەرہ ، ہندی کرۆمۆسۆمین شانا لەشی ژنکینہ ئەگہر مروڤ

ب مكرسكوبى بەرى خۇ بدەتى دى بىنت وەكى خەفا ( X ) يا ئىنگىلىزى ..  
 يەنى ھەر وەكى تو دو ژ فان خەرفان بدانى يە ب رەخ ئىك قە ( XX ) ، بەلى  
 كرۇمۇسۇمىن شانا زەلامى د وەسا نىن ، ھەر جۇتەكى تو بەرى خۇ بدەتى دى  
 بىنى ئىك رەنگى وى وەكى خەرفا ( X ) وئىك وەكى خەرفا ( Y ) يە يا  
 ئىنگىلىزى ، يەنى : ئەو كرۇمۇسۇما ژىكى ھەى زەلامى زى يا ھەى ، وزىدەتر  
 ژ وى كرۇمۇسۇمەك زەلامى يا ھەى ژىكى نىنە .

قورئان دىيژت : ﴿ وَلَهُنَّ مِثْلُ الَّذِي عَلَيْهِنَّ بِالْمَعْرُوفِ وَلِلرِّجَالِ عَلَيْهِنَّ دَرَجَةٌ  
 وَاللَّهُ عَزِيزٌ حَكِيمٌ ﴾ [ البقرة : ۲۲۸ ] .

وئەگەر بىتە گۆت : ئەرى قى جوداھى يا كرۇمۇسۇمان د ئاقبەرا ژنى ومىرى  
 دا چ كار ل سەر لەشى ھەيە ؟

دى بىژىن : ئەف كارە ژ دو لايان قە بەرچاڧ دىت :

بى ئىكى : فان كرۇمۇسۇمان دەستى د نىرىنى ومىينى يا خودانى شانى دا  
 ھەى ، يەنى : ئەون ( تەحەككومى ) د ( ورائى ) دا دكەن ، وئەو نىشانىن  
 ل سەر مروقى دىار دىت وژن پى ژ زەلامى دئىتە جوداكرن ھەمى بۇ فان  
 كرۇمۇسۇمان دزقۇر .

بى دووى : كرۇمۇسۇما ( Y ) ئەوا كىتەكا وى د شانا لەشى زەلامى ب تى دا  
 ھەى بەروفاژى يا كرۇمۇسۇما ( X ) ە ئەوا جۇتەك ژى د شانا لەشى ژنى دا  
 ھەى .. كرۇمۇسۇما ( Y ) ياكورت وستويرە ، وكرۇمۇسۇما ( X ) يا دىژ  
 وزراقشە ، ژ بەر قى چەندى ئەو شانا كرۇمۇسۇما ( Y ) تىدا ھەبى دى پىتر يا  
 ب زافىت ، وبزافا وى دى يا ب ھىزترىت ، لەو دى شىت پىتر خۇل بەر  
 نەخۇشى يى گرت ، و ژ بەر قى چەندى يە ئەم دىينىن زەلام - پىتر ژىكى -  
 دشىت كارىن ب زەحمەت بكەت وخۇل بەر نەخۇشى يى بگرت .

ئەقە چىكرنا خودىيە .. نە زەلامى دەست تىدا ھەيە نە ژنى ، خودى ئەو  
ب قى رەنگى داينە دا زەلام ب كارىن ب زەحمەت رابىت ، نە كو ژن .

### ژ لايى ( اُنسجە وعضلات ) سان قە :

جوداھى د نافبەرا ژنى ومىرى دا ژ ھندى مەزىترە كو بىتە قەشارتن ،  
( عضلات ) يىن زەلامىنە دىداينە ، ب عەكسا يىن ژنى ، ( عضلات ) يىن ژنى  
دنازكن ، وتەخەيە كا دوھنى ب سەر قە ھەيە ، تىتى دىتە ئەگەرا ھندى كو  
( رەشىق ) وجوان بىتە بەرچاڧ .

### ژ لايى ھەستى قە :

زانا دىيژن : ھەستى يى ژنى ژ ھەستى يى زەلامى نەرمترە و ل ھندەك جھان  
كورترە ، و ل ھندەك جھان حليترە ، و ژ گەلەك لايىن دى ژى قە ھەستى يى  
وان يى ژىك جودايە ، ئەو كۆرىن ل ھەستى يى زەلامى ھەين دكويرترن .  
ونۆزدە جوداھى د نافبەرا ھەستى يى ( حوض ) يى ب تى دا ھەنە د نافبەرا  
ژنى ومىرى دا ، بۇ ھندى دا ژن ب كىر ھەواندنا ( جەنىنى ) بىت .

### ژ لايى ھۆرموونان قە :

زانا دىيژن : دو رەنگىن ھۆرموونان يىن ژىك جودا د لەشى مروقى دا ھەنە :  
ھۆرموونىن نىرىنى يى ، ھۆرموونىن مېينى يى ، ئەو ماددى د ھۆرموونىن  
مېينى يى دا ھەي ھەمى د ھۆرموونىن نىرىنى يى ژى دا ھەيە ، وزىدەتر ژ وى  
( مجموعة مثيلية ) ژى د ھۆرموونىن نىرىنى يى دا ھەيە د يىن مېينى يى دا نىنە .

### ژ لايى جەنىنى قە :

دختۆر دىيژن : بچويك ( جەنىن ) دەمى د مالبچويكى دا دىتە چىكرن ،  
ئىكەمىن جار ل سەر قالى كچكى دىتە چىكرن ، پاشى ئەگەر كرؤمؤسؤمى  
نىرىنى يى بۇ ھاتبە قەگواستن ھەر ئەو قالب دىمىت بەلى ھندەك زىدەھى يىن

دى لى زېدە دېن وېچويك دېتە كور ، وئەگەر كرۇمۇسۇمى نىيرىنى بى بۇ  
نەھاتىتە قەگۇھاستىن قالب وەكى خۇ دىمىنت وېچويك دېتە كچ .

ئەقە ب كورتى ھىندەك جوداھىيىن فسيۇلۇچى بوون يىن كو لەشى زەلامى  
وژنى ژىك جودا دكەن ، وئەقە ھىندى دگەھىنت كو ژن ب رەنگەكى وەسا يا  
ھاتىيە چىكرن كو ژ زەلامى يا جودا بت ؛ دا ھەر ئىك يى دى تمام بىكەت ،  
وەكى غاندى يى ھىندى دىيىژت : « ھىندى ژن ومپىر وەكى ھەردو دەقپىن  
مەقەسىنە ، دژىك جودانە ، بەلى ئىك يى دى تمام دكەت » .

ودوير ژ ( تەعەصوبى ) بۇ ژنى يا دژى وى ژ تەركىبا ژنى يا فسيۇلۇچى بۇ  
مە ئاشكەرا دېت كو جھى ژنى يى دورست مالە ، وكارى وى يى بابەتى وى بت  
پەرورەدەكرنا زارۇكانە ، وئەقە تەركىبە ژ وى ( خۇرستىيى ) يە يا خودى ئەو  
ل سەر داى ..

#### مەسەلا دووى :

يان جوداھىيا عەقلى د ناقبەرا ژنى ومپىرى دا .. وەكى كو د حەدىسە كا  
پېغەمبەرى دا - سلاڧ لى بن - ھاتى : عەقلى ژنى ودىنى وى ژ يى زەلامى  
كىمترە .. ئەو حەدىسا ھىندەك كەس خۇ ژى لەش گران دىيىن وگومانى دئىخنە  
راستى يا وى !

بەرى ئەم ب ئاف قى بابەتى قە بچىن دى ھىندەكى ژ وى قەكۆلىنى قەگپىر  
ئەوا كۇقارا ( رىدەرز دايجست ) ل سالا ۱۹۷۹ ز ، ل بن ئان ئاف ونيشانان  
بەلاڧكرى : ( بۇچى كور ب رەنگەكى جودا ژ كچان تەڧكىرى دكەن ؟ ) ..  
قەكۆلىن دىيىژت :

« کور ب ړهنگه کي جوډا ژي کچان هزري دکهن ، هه چهند نه ف راسټي په دي بته ( صدهمه ) بو وان کهسان يېن پشته فاني يا ژني دکهن وداخوازا په کساني يا تمام د نابهرا وي ويا زهلامي دا دکهن .. بهلي په کساني يا جفاکي - ب ديتنا مه - ل سهر هندي رادوهستت کو مرو ف وان جوداهي يان بزانت نهوين کاري د رهفتراري مرو فې دا دکهن ، ديسا وان جوداهي يان بزانت يېن کو د نابهرا دهماغي کوري وکچي دا ههين ..

« نه فرو نهو جوداهي يېن کو د نابهرا کور وکچان دا ههين يېن کو باب وسهيدا و فه کولر تي دئينه دهر ، دئينه ژبيرکون و ب پشت گو فه ليدان وبو قوتابي يېن کور وکچ بهرنامهيه کي وه کي ئيک يي خواندنې دئينه دانان ..

« فه کولر يېن جفاکي وهسا هزر دکهن کو نهو جوداهي يا د نابهرا رهفتراري کور وکچان دا هه ي بو وي تهريه تي دزفرت يا کول مال ومه دره سي و جفاکي بو وان دئينه پيشکيشکون ، نهو تهريه تا دخوازت کور يي خودان بزافه کا زنده بت ويي چهلنگ بت ، بهلکي ژي قه بويل دکهت کو خودان رهفتره کي زوردارانه بت ، ل وي ده مي دخوازت کو کچ يا نازک وي دنگ بت .. بهلي فه کول يېن زانستي ديار دکهن کو جوداهي يا د نابهرا ههردو نفشان دا نه ب تي بو خودانکون وتهريه تي دزفرت بهلکي بو وي جوداهي يا ليکدانا بيولوجي ژي دزفرت ووي جوداهي يا کو د نابهرا دهماغي کورو کچي دا هه ي ..

« نه گهر داخواز کهري په کساني يا بي توخويب د نابهرا کچ وکوري دا بهر گهرياني بکهن کو وان ههردو وان ل سهر ئيک مهنه جي ب خودان بکهن ژي ، يان ده بانجه وناميره تي شهر ي يېن لاسيکي بکهنه د دهسټين کچکان دا ، وبويکي لاسيکي بکهنه د دهسټي کورکان دا ، دي بينن نهو جوداهي يېن

بيولۇجى يېن خودان رەھ ورېشالېن كوبر دى خۇ فەرض كەن ودى بنە ئەگەرا  
پەيدا بونا رەفتارەكى ژېك جودا د ناڧبەرا كور و كچان دا ..

قەكۆلېن يېدا دچت و دېڭىز : « زانا وقەكۆلەر ب سەر كوبراتى يا فان  
جوداھىيان ھلبووين دەمى وان دىتى كوركى ب شىر د رەفتارى خۇ دا يى  
جودايە ژ كچكى ، ھندى كچكە پىشتى بونا وي ب چەند رۆژەكان ھاي ژ  
دەنگان دبت ، نەخاسمە دەنگى دەيكى ، ب عەكسا كوركى ئەو گەلەك پويىتەى  
نادەتە قى تىشتى ، لەو مروف دىت كچكا ب شىر پتر بترسىنت ژ كوركى  
ب رېكا بلند كرنا دەنگى ب خافلەتى قە .. كچكا پىنج ھەيڧى دىت  
ب ساناھى وي تىشتى ئەو دىنت ژېك جودا بكت ، و د ناڧبەرا ھەيڧا پىنجى  
حەتا ھەيڧا ھەشتى دا كچ دەست ب محاوەلاتىن ئاخفتى دكت ، نە وەكى  
كوركى ئەوى نەشتى زوى ب زوى فەرقى د ناڧبەرا مروفى ولەعبان دا بكت  
ودرەنگر محاوەلاتىن ئاخفتى دكت .

« كور بۆ مەسلەن دىتنى ووان مەسلەن تەوازا لەشى يا كامل پى دىت  
ژ كچكى زىرەكتەر لەو دى يىنى كوركى بچويك زويتەر ژ كچكى ( ئىستجابى )  
دكت بۆ وي لەشى ل بەر چاقان دلڧلقت ، يان وي رۆناھى يا دىرسقت ، ھەر  
وہسا كور زويتەر ل رەنگىن ھەندەسى ھىيار دبت ، وپى ئاگەھدار دبت ..

« وتىشتى دىتە ھژمارتن ( ئكتشافەكا عەجىب ) ئەڧەيە ھندى جەھى خەزنكرنا  
شىان وزانىنايە د دەماغى دا يى جودايە د ناڧبەرا كور و كچان دا ، ل نك كورى  
شىانېن ئاخفتى ل جەھكى جودا ژ جەھى شىانېن ھەندەسى دىتە خەزنكرن ، نە  
وہكى كچكى يا كول ھەردو لايىن مەژىيى وي شىانېن ئاخفتى ويىن  
ھەندەسى كۆم دىن وتىكەلى ئىك دىن ..



« ئىككىمىن زانا يى ب سەر قى راسىتى يى ھلبووى قەكۆلەرى نەفسى لانسىل بوو ژ پەيمانگە ھا نەتەۋەبى يا ساخلىمى يى ل ويلاياتىن ئەمىرىكى يىن ئىكگرتى ، ل سالا ۱۹۶۲ ز ، پاشى ئەف قەكۆلىنە ژ لايى گەلەك زانا يان قە ھاتە بىنەجھىكرن وھندەك ژ وان زانا يىن ژن .. » .

ئەفە ھندەك ژ وى قەكۆلىنى بوو يا كۆل سالا ۱۹۷۹ ز كۆفارا ( رىدرز دايىست ) بەلاقىرى ، وژى دىئىتە زانين كۆ ھندەك جوداھى د نابقەرا تەركىبا دەماغى زەلامى وىي ژنى دا ھەنە ، وئەف جوداھى يە كارى ل سەر رەنگى ھىزىكرنى دكەن ، ودىنە ئەگەرا ھندى عەقلى ژنى ژىي زەلامى كىمىتر بت .

مەنا : ل سەد سالا بىستى ژ نوى علم گەھىشتە وى راسىتى يى يا پىغەمبەرى - سلاش لى بن - بەرى ھىكى ب ھزار وچار سەد سالان گۆتى .

ھندەك جوداھى يىن دى :

ژبلى قى قەكۆلىنا بۆرى نوکە ل نك زانا يىن ( طوبى ) تىشتەكى باۋەر پىكىرىيە كۆ ھۇمارا وان ( تەلافيى ) سان يىن د دەماغى زەلامى دا ھەين پىترە ژ وان يىن كۆ د دەماغى ژنى دا ھەين و ژ بەر قى چەندى ( ھەجم ) و ( ۋەزنا ) دەماغى زەلامى قىياس د گەل لەشى وى ، ژ ( ھەجم ) و ( ۋەزنا ) دەماغى ژنى قىياس د گەل لەشى وى پىترە .

دختۇر دىيژن : مەژىيى زەلامى ( مەدل ) سەد غرامان ژ مەژىيى ژنى پىترە ، وھەجمى مەژىيى زەلامى دوسەد سەنتىمىترىن ( مەكب ) ژ مەژىيى ژنى پىترە ، وريژھيا مەژىيى زەلامى بۆ لەشى وى ئىك ل سەر چىلىيە ، بەلى رىژھيا مەژىيى ژنى بۆ لەشى وى ئىك ل سەر چىل وچارىيە .. وئەگەر ئەم ل بىرا خۇ بىنين كۆ ھەجم وۋەزنا دەماغى كار ل سەر شىيانىن عەقلى ھەيسە دى بۆ مە ئاشكەرا بت كانى بۆچى شىيانىن ھىزىكرنى ل نك زەلامان پىترن .

هەر وەسا دختۆر دبیژن : ل هەیفین ئیکێ ژ چیبوونا ( جەنینی ) گەلەک یا ب زەحمەتە بیتە زانین کانی کچە یان کورە ، وەهری ( ئەجهزین تەناسولی ) بۆ بچوکی دورست بن ، تشتەک د دەماغی ( جەنینی ) دا پەیدا دبت دبتە ئە گەرا هندی کو نفشی وی بیتە تەحید کړن ، چاوا ؟

دختۆر دبیژن : گاڤا دەماغ بۆ بچوکی دورست دبت یی کچکی وکۆرکی وەکی ئیکە ، پاشی زیندەهی یەک ل دەماغی پەیدا دبت ، ب عەرەبی دیژنی : ( تحت المهاد ) ئەو بچوکی ئەف زیندەهی یە د دەماغی وی دا پەیدا بیت دبتە کۆر ، و ئەف زیندەهی یە یە دبتە ئە گەرا هندی ( ئەجهزین تەناسولی ) یی نیرینی یی بۆ زارۆکی دورست بن ، و ئەو بچوکی ئەف زیندەهی یە ل دەماغی دیار نەبت دبتە کچک .

### راستی یەک .. وئیعجازەکا قورئانی :

د ئایەتەکا پیروژ دا دەمی خودایی مەزن بەحسی شاهدان دکن ناشکەرا دکەت کو شاهدیی یا هەر زەلامەکی ب یا دو ژنکانه ، و هەر ئەف ئایەتە ب خو ئە گەرا فی حوکمی بۆ مە ناشکەرا دکەت دەمی دیژت :

﴿ وَاسْتَشْهِدُوا شَهِيدَيْنِ مِنْ رِجَالِكُمْ فَإِنْ لَمْ يَكُونَا رَجُلَيْنِ فَرَجُلٌ وَامْرَأَتَانِ مِمَّنْ تَرْضَوْنَ مِنَ الشُّهَدَاءِ أَنْ تَضِلَّ إِحْدَاهُمَا أَنْ تَضِلَّ إِحْدَاهُمَا فَتُذَكِّرَ إِحْدَاهُمَا الْأُخْرَى - وَهُوَيْنَ دَوْلَامَيْنِ مُوسْلِمَانِ وَبَالِغٌ وَبَعَاقِلٌ وَخُودَانِ دَادِي بَكَنَه شَاهِد . وَئە گەر دو زەلام نەبن بلا زەلامەک و دو ژن بن ژ وان یی هویین ژ شاهدیی یا وان دپازی ، دا ئە گەر یەک ژ وان هەردو ژنان ژ بیرکریا دی بیرا وی لی بینتەفە ﴾ [ البقرة : ٢٨٢ ] ، مەعنا : ( عللت ) ئەو ژن یا ( مەعەررەضه ) کو د شاهدەدانا خو دا د سەر دا بچت و خەلەت بیت ، و ئەف ئحتمالە ژ نک زەلامی گەلەک و گەلەک یا کیمترە .

ئەفرۆ پىشتى علم پېشكەفتى و دختۇر شيابىن خۇب ناف دەماغى مروقى دا بەردەن و دەماغى پارچە پارچە (تەشريح) بکەت ، ئەو زقپىن وئىك ژ ئىعجازىن قورئانى د دەستان دا ، گوهدارى يا قى ( ئكتشافا علمى ) يا غەرىب بکەن ..

زانا دىيۇن : دەمى مروف دئاخفت ، ھەر ئاخفتە کا ھەبت ، دەماغى وى دېتە دو پىشك ، ب نىسبەت زەلامى دەمى ئەو دئاخفت پىشكە کا دەماغى ب شۆل دکەفت و پىشكەك بەطال دىنەت ، وەكى ھەرەسەكى لى دىت و ل دەمى تەنگافى يى كونتروللى ل سەر پىشکا دى دکەت ، لەو دى بىنى ل دەمى ئاخفتى زەلام پىرى يى سەر خۇيە ، نە وەكى ژنكى دەمى ئەو دئاخفت ھەردو پىشكىن دەماغى وى ب شۆل دکەفن ، لەو دى بىنى ئەو كونتروللى ل سەر ئاخفتى خۇ ناکەت و گەلەك جارەن ئاخفتەكى دى بىژت ، گافا بى دەنگ بوو ، بىژى تە ھۆ گۆت ، دى بىژت : نزا ، مەن ھای ژ خۇ نەبوو !!

ئەرى كى ئەف راستى يا علمى نىشا پىغەمبەرى دابوو - سلاڧ لى بن - ھەتا ئەو بزانت كو دو ژن - ئەگەر ئىك باخفت وئىك يا بى دەنگەت - دەماغى وان دىتتە بەرانبەر دەماغى زەلامەكى دەمى دئاخفت ، لەو ل دەمى شاھدەدانى دقیت ئەو دو بن ؟

ل سەر بناخەيى قى راستى يا ژىگوتى ئىسلام د ئەھكامىن خۇ دا سەرەدەرى يى د گەل ژنى دکەت ، و ئەف چەندە يا ئاشكەرايە بو ھەر كەسەكى ب ئەھكامىن شرىعەتى ئىسلامى يى زانا بت .<sup>(۱)</sup>

زەلام ژ ژنى چىتر نىنە !

---

(۱) وەكى كو ئىسلامى شاھدەيى يا دو ژنان ئىنايە بەرانبەر يا زەلامەكى ، يان بەردەن ئىخستى بە دەستى زەلامى ، و گۆتى حاكم دقیت زەلام بت .. وھتد .

دهمی مروڤ فی راستی یا علمی بهرچاف دکهت رهنگه هندهك كهس ههبن  
 بیژن : مادهم هویه مهعنا زهلام ژ ژنکان چیترن .. ئیسلام دبیزت : نهخیر !  
 چیتری یا مروڤی ب هندییه کو پتری ی ب تهقوا بت ، وژن نهگهر ژ زهلامی  
 ب تهقواتر بت ل نك خودی ئهو دی یا ژ زهلامی چیتربت نهگهر  
 چهند عهقلی زهلامی ژیی وی چیتربت ، و ژ تشتین ئاشکهرایه د ئیسلامی دا  
 کو ئهو تشتی خودی دابته مروڤی و مروڤی چو دهست تیدا دههبوونا وی دا  
 نهبت ئهو چیترینی نادته مروڤی وهکی نفشی ، یان نهسهیی ، یان بنهمالی .

## هېجاب بوچی .. وچاوا ؟؟

هندي نفشي نفشي ژني يه ، دا بشيت ب دورستی ب دهوري خو رابيت ،  
فيطره ته كا ولسا ههيه بهري وي دده ته بهريخودانا سهرقه سهرقه بو تشتي ، لهو  
دي بيني پتر جارن لهو يا نيژيكي سادهي بي يه ويا دويړه ژ گريگ  
ونالوزي بين نه يينه فه كرن ، ههړ ولسا دي بيني - ديسا پتر جارن - كو  
بهريخودانا ژني هند بو ( جهوهري ) نينه هندي بو ( مهظهري ) يه ..

د نايه ته كا قوراني دا خودايي مه زن به حسي فه تبيعه تي ژني دكه ت وديژت :  
﴿ أَوْ مَنْ يَنْشَأُ فِي الْجَلِيَّةِ وَهُوَ فِي الْخِصَامِ غَيْرُ مُبِينٍ - ئهري هوين بسته يي دكن  
ووي بو خودي پالقه ددهن يا د ناف خهمل وخيزي دا دئيه پهروده كرن ] كو  
ژنه [ ، و ل دهمي هه فركي بي لهو نه شيت هيجه تا خو ناشكه را بكهت ؟ ﴿  
[ الزخرف : ١٨ ] . مه عنا : ژن ل هه مي قويناغيڼ ژي بي خو د ناف خهمل  
وخيزي دا دئيه راكرن ، وجواني وپويته دانا ب مه سله يڼ سهرقه سهرقه هه مي  
دهمان ل نك وي بهري هه مي مه سله يڼ دي دئين . <sup>(١)</sup>

---

(١) و بو دهليل سهرهاتي بهك ژ سهرؤكا فلييني يا بهري ( كه ره ژون نه كينو ) يي دئيه  
فه گوهاستن كول دهمه كي ئنقيلا بهك ل سهر حوكمي وي چيپوو ، هندهك جاب دايي ، پاشي  
وي ئنقيلاي سهر نه گرت ، پشتي هنگي پسيار ژي هاته كرن : دهمي جابا ئنقيلاي گه هشتي بي  
ته هزر د چ دا كر ؟ وي گوت : من هزرا خو د وي جلكي دا كر يي لهز دي كه مه بهر خو  
دهمي من دگرن ودهن ورؤژنامه فان دئين شكليڼ من دگرن !!

وچونكى ئىسلام ئەو دىنە يى ب دورستى د گەل خورپىستى يا مړوځى دگونج ، ئىسلامى ئەف راستى يە ب پشت گوھ لى نەدا ، بەلكى كره بناخه وهندەك ئەحكامىن ل سەر ئاڅاكرن ، ئىسلامى بۇ ژنا و سلمان دورست كر كو خوشى يى ب جوانى يى بېت ، و ( وەسائلىن ) خۇتازە كرنى و جوانى يى ب كار بېنت ، وئىسلامى - د فى مه جالى دا - گەلەك تشت بۇ ژنى حەلالكرن يېن كو بۇ زەلامى حەرامكرىن .. بەلى ئىسلام د فى دهلېشەيى دا ژى وەكى هەمى دهلېښىن دى دىنە كى ئاڅىجى يە ، جوانى وخەمل وخېز بۇ ژنى حەلالكر بەلى هندنەك توخويب بۇ فى چەندى دانان ، رى دا ژنى كو ئەو د بەر خوړا بچت ، بەلى د گەل هندى ژى ئەو ل راستى يە كى هشار كر كو ئەف دبەر خوړا چوونە چى نابت بېتە ئاموېرەت بۇ فەسادى ، دىسا چى نابت بېتە ئارمانجا ژنى يا سەرەكى د فى ژىنى دا .

خودايى مەزن ژن ژى - وەكى زەلامى - يا دای دا ئەو عىبادەتى وى بكەت ، نەكو دا هەمى ژى يى خو د غەفلەتى دا ببۆرىنت و كل ومل خو ب مەسەلېن خەمل وخېزى و جوانى يى قە موژىل بكەت ، ئەو بارى كو د فى ژىنى دا دكەفتە سەر ملېن موسلمانى - چ ژن بت چ مېر - گەلەك ژ هندى مەزنتره كو ئەو خو ب هوېر وماران قە موژىل بكەت ، يان ژى يى خو د وى رېتكى دا ببۆرىنت .

ځىجا دا ژنا موسلمان ب وان ئەحكامان ئاگەهدار بېت يېن كو ئىسلامى د دەر حەقا ( حىجابى ) دا دانان مە دځىت چەندى ل دۆر فى بابەتى باخځىن .

راستى يە كا دەسپىكى :

قەكۆلىنېن علمى هندى دگەهېنن كو ژن ب تبعەتى خو پتر حەز ژ مەسەلېن جوانى يى و ( مەظاهران ) دكەت ، ودافى ( حب الظهور ) ل نك وى پتر

ژ زهلامی یی ناشکهرایه ، لهو دی بینی نهو پتر خه می ژ فی لای دخت و پتر  
حه ز دکهت کو په یقین ( ئیعجایی ) ژ وان که سین ل دور وره خان گو له لی  
بت .. وئیسلام دهمی هاتی نهف راستی به ژ بیر نه کر .

ئیسلامی قیا فی حه ژیکرنا ژنی بو جوانی یی ( ئستغلال ) بکهت ،  
وبهر یخودانا وی کویرتر لی بکهت ، ئیسلامی ژ ژنکا موسلمان خواست کانی  
نهو چاوا پویته دی دده ته جوانی یا ب سه رقه و بهر چاف هندی دی یان پتر پویته ی  
بده ته جوانی یا نه بهر چاف ژی : جوانی یا نه خلاق ..

ژ لایه کی دی فه : ئیسلامی ژن ناگه هدار کر کو دقیت یا هشیار بت دا  
ب ( مه ظاهرین ) ژ قه ستا وی خیر د سه ر دا نه چت ، وده می نهو د بهر جوانی یا  
خو را دچت دا وی دافعی خو یی نه فسی تیر بکهت دقیت نارمانجا وی  
خرا بکاری و د سه ردا برن نه بت ، وحه تا نهف چه نده بیته ب جهنمان  
ئیسلامی نه حکامین ( حیجایی ) دانان و ل سه ر ژنا موسلمان واجبر کو  
پیگیری یی بی بکهت .

ئیسلام دینه کی عه مه لی به ، نه هاتی به دا ب تنی شیر هتان به لاف بکهت ،  
پشتی هنگی مرؤفی موسلمان گو می خو بده تی یان نه ، نه وی ب که یفا خو به ..  
نه ! ئیسلامی نه حکامین خو دانان و گوت ته موسلمان نه فه ریکا ئیسلامی به ،  
نه گهر تو موسلمان لی هه ره نه گهر تو لی نه چو وی ، ته وئیسلامی چو د گهل  
ئیک نینه .

#### حیجاب د قورنائی دا :

مرؤف دهمی ل قورنائی دزقرت ووان نه حکامان دخوینت یین په یوه ندی ب  
ژنی فه هین دی باش بینت کو حیجاب یان په رده پو شی تشته کی واجبه ل سه ر  
ژنا موسلمان نه کو مه سه له کا زه وقی به نه گهر وی بقیت بلا پیگیری یی پی

بکته و نه گهر نه نه ، د سووره تا ( النور ) دا خودايي مه زن فه رمانی ل  
 پيغه مبهري خو دکته کو نه و نه مری ب حجابی ل ژنکين موسلمان بکته ،  
 دهمی ديژت : ﴿ وَقُلْ لِلْمُؤْمِنَاتِ يَعْصُونَ مِنْ أَمْرَارِهِنَّ وَيَحْفَظْنَ فُرُوجَهُنَّ وَلَا  
 يُبْدِينَ زِينَتَهُنَّ إِلَّا مَا ظَهَرَ مِنْهَا وَلْيَضْرِبْنَ بِخُمُرِهِنَّ عَلَىٰ جُيُوبِهِنَّ وَلَا يُبْدِينَ زِينَتَهُنَّ إِلَّا  
 لِبُعُولَتِهِنَّ أَوْ آبَائِهِنَّ أَوْ آبَاءِ بُعُولَتِهِنَّ أَوْ أَبْنَائِهِنَّ أَوْ أَبْنَاءِ بُعُولَتِهِنَّ أَوْ إِخْوَانِهِنَّ أَوْ بَنِي  
 إِخْوَانِهِنَّ أَوْ بَنِي إِخْوَانِهِنَّ أَوْ بَنِي أَخَوَاتِهِنَّ أَوْ نِسَائِهِنَّ أَوْ مَا مَلَكَتْ أَيْمَانُهُنَّ أَوْ  
 التَّابِعِينَ غَيْرِ أُولِي الْإِرْبَةِ مِنَ الرِّجَالِ أَوِ الطِّفْلِ الَّذِينَ لَمْ يَظْهَرُوا عَلَىٰ عَوْرَاتِ النِّسَاءِ  
 وَلَا يَضْرِبْنَ بَأَرْجُلِهِنَّ لِيُعْلَمَ مَا يُخْفِينَ مِنْ زِينَتِهِنَّ وَتُوبُوا إِلَى اللَّهِ جَمِيعًا أَيُّهَا  
 الْمُؤْمِنُونَ لَعَلَّكُمْ تُفْلِحُونَ - تو [ نهی موحه مهدي ] بيژه ژين خودان باوهر : بلا  
 نهو چاښي خو ژ حهرامي يي بگرن ، ونامويسا خو ژ تشتي حهرام بپاريژن ، وبلا  
 نهو خهمل وخيژا خو بو زهلامان ناشکهره نه کهن ، وهندي ژ وان بيست بلا نهو  
 فهشيرن نهو جلک تي نه بن يين نهو ب سهر جلکان دا دکهنه بهر خو ، نه گهر چو  
 فتنه ژي چي نه بن ، وبلا نهو دهرسو کين خو ب سهر پستوي وبهرسنگين خو دا  
 بهردهن ؛ دا باش بينه ستاره کرن ، وبلا نهو خهمله خو يا فهشارتي بو کهسي  
 ژيلي زهلامين خو ناشکهره نه کهن ؛ چونکي بو وان دورسته نهو وي بينن يا  
 خهلکي دي نه بينت . وهندهک ژ خهمله وان وهکي ديمي وستوي ودهستان  
 وزه ندکان دورسته بو بابين وان وخهزويرين وان وکوپرين وان ونه قسي يين وان  
 وبرايين وان وبرازايين وان وخوارزايين وان وژنکين موسلمان - نه يين کافر -  
 وعه بدين وان ، ووان زهلامين ههوجهی ژنکان نه بن ، وزارو کين بجويک يين  
 نه گه هشتي وچو ژ عه وره تان نه زانن ، بو فان دورسته هندهکي ژ خهمله ژنکي  
 بينن ، ودهمي ژن ب ريښه دچن بلا پي يين خو ل عه ردي نه ده دن دا دهنگي  
 خهمله وان يا فهشارتي نه نيته گوه لي بوون ، وهوين - گه لي خودان باوهران -



بڙځنه گوهداری یا خودایی خو د وی تشتی دایی وی فه‌رمان پی ل هه‌وه  
 کری ژ سالو‌خه‌تین جوان وئه‌خلاق پی باش ، ووان ئه‌خلاقان بهیلن یین خه‌لکی  
 جاهلیه‌تی دکرن ژ سالو‌خه‌ت وئه‌خلاق پی بی خیر ؛ دا به‌لکی هوین خیرا دنیایی  
 وئاخه‌تی ب ده‌ست خو فیه بینن ﴿ [ النور : ۳۱ ] .

ژ فیه نایه‌تی دو مه‌سه‌له بو مه به‌رچاف دین :

**یا نیکی :** هندی ل به‌رخو‌کرنا حیجاب پی ب نسبت ژنکا موسلمان  
 تشته کی ( فهرضه ) ، وژن ده‌می فی فهرضی ب جه دئیت دقیت بزانت ئه‌فه  
 ئه‌مره کی خودی یه ئه‌و ب جه دئیت وعیاده‌ته ئه‌و دکه‌ت نه‌کو ههما عه‌ده‌ته‌که  
 ئه‌و پیگیری پی دکه‌ت .

**یا دووی :** حیجاب دو حیجابن ، ئیک ل سهر ژنی وزه‌لامی واجبه ، وئیک ل  
 سهر ژنی ب تنی ، ئه‌وال سهر ژنی وزه‌لامی واجب حیجابا ئه‌خلاق پی ، وئه‌فه  
 به‌ری حیجابا له‌شی دئیت ، له‌و به‌ری خودی حیجابا له‌شی ل سهر ژنی واجب  
 بکه‌ت گوت : ﴿ قُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ ﴾ . و د نایه‌تا به‌ری وی  
 دا گوت : ﴿ قُلْ لِلْمُؤْمِنِينَ يَغْضُوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ  
 إِنَّ اللَّهَ خَبِيرٌ بِمَا يَصْنَعُونَ - تو [ نهی موحه‌مه‌د ] بیژره خودان باوه‌ران : بلا ئه‌و  
 چافیین خو ژ وی تشتی بگرن پی بو وان حه‌لال نه‌بت ، وبلا ئه‌و نامویسا خو  
 ژ هه‌رامی پی بیارتین ، ئه‌فه بو وان پاڤتره . هندی خودی یه ب کاری ئه‌و دکهن  
 پی شاره‌زایه ﴿ [ النور : ۳۰ ] .

پشتی فی حیجابی ، حیجابا ئه‌خلاق پی ، ژ نوی حیجابا له‌شی دئیت ، وهندی  
 ئه‌خلاق پی موسلمانی ب پاڤزی پی نه‌ئیتته حیجابکرن ، فایده ناکه‌ت له‌شی وی پی  
 حیجابکری بت یان نه .

د نایه‌ته‌کا دی دا ژ سووره‌تا ( الأحزاب ) خودایی مه‌زن دبیزت :

﴿ يَا أَيُّهَا النَّبِيُّ قُلْ لَأَزْوَاجَكُمْ وَبَنَاتِكُمْ وَنِسَاءَ الْمُؤْمِنِينَ يُدْنِينَ عَلَيْهِنَّ مِنْ جَلَابِيبِهِنَّ ذَلِكَ أَدْنَى أَنْ يُعْرَفْنَ فَلَا يُؤْذَيْنَ وَكَانَ اللَّهُ غَفُورًا رَحِيمًا ۝ ٥٩ ۝ ﴾  
 تو بیژنه ژینن خو و کچین خو و ژینن خودان باوهران : بلا نهو پیچین خو ب سهر  
 سهری خو و دیمي خو دا بهردهن ؛ دا سهر و دیم و بهرسنگین خو فه شیرن ؛  
 چونکی نهف چهنده نیزیکتره کو نهو ب ستاره یی بی نه ناسین ، و دا نهو  
 بهرهنکاری چو نه خووشی و ئیشانان نه بن . و خودی گونهه ژیبیری دلوفانکار  
 بوویه کو وی گونههین بوری بو هه وه ژی برین ، و ب دیار کرنا حه لالی  
 و حهرامی دلوفانی ب هه وه بری ﴿ [ الأحزاب : ۵۹ ] .

و ژ فی ئایه تی ژی چهنده مه سه له ک ئاشکهره دین :

**یا ئیکس :** چو راستی بو وی گوتنی نینه یا هنده ک دیژن ، ده می هزر  
 دکهن ئیسلامی چو په یوه ندی ب جلکی فه نینه ، و کو جلک تشته که تابعی  
 عه ده ت و ته قالیدانه ، نهف هزره یا خه له ته ؛ چونکی نه گهر جلکی په یوه ندی  
 ب دینی فه نه با خودی نهف فه رمانه د قورئانی دا نه دکر .

**یا دوو :** پیگیری یا ب ئه مری خودی بو مرؤفی موسلمان نه تشته کی  
 ( ئختیاری ) یه ، به لکی نهو یی مه جبووره ئه مری خودی ب جه بینت نه گهر نهو  
 خو ژ خودان باوهران به ژمیرت .

**یا سسی :** نهف ئه مره ، ئه مری ب حیجایی ، ئه مره کی گشتی به بو هه می  
 ژینن خودان باوهر ، بهری هه می یان کابانی یین پیغه مبهری - سلاف لی بن -  
 و کچین وی ، و د گهل وان ژینن دی ژی یین خودان باوهر ، مه عنا : بو چو  
 ژنکان یا دورست نینه بیژن : نهف حوکه مه ژ مه ناگرت .

يا چارس : ژ فئ ئايهتئ ئاشكهر دبت كو واجبه ل سهر ژنا موسلمان ديمئ  
خو ژى قهشپيرت وپچئ ب سهر دا بهردهت ، نهخاسم ل دهمنئ بهلافبرونا بيئ  
ئهخلاقئ بيئ ولاوازبون دیندارى بيئ .

حيجاب د سوننهتئ دا :

پيغهمبهري ژى - سلاف لئ بن - فهريمانا خودايئ خو دا ب جه ئينا  
و د گهلهك هديسين خو دا فهريمان ل ژنين موسلمانان كر ئهو خو پهردهپوش  
بكهن .. ژ وان هديسان ئهم ل فيئرئ هندهكان بو نموونه دئ قهگيرين :  
( ئهبوو هورهيره ) ديبثت : پيغهمبهري - سلاف لئ بن - گوت : دو رهنگين  
جههنهمنئ يان ههنه من نهديتينه : هندهك زهلامن قامچي يين وهكى كوريين چيلان  
ددهستان دا خهلكى پئ دقوتن ، وهندهك ژنكن ب جلكن بهلى درويسن ..  
هتد . (۱)

يهعنئ : ئهو ژنكن يين ( موتهبهريجه ) وجلكين بي ستاره دكهنه بهر خو .  
( عهبدللاهي كورئ عهمرئ كورئ عاصئ ) ديبثت : من گوهل پيغهمبهري  
بوو - سلاف لئ بن - گوت : زهمانهك ب سهر ئومهتا من دا دئ ئيت هندهك  
زهلام دئ دناف دا پيدا بن ل بهر دهريين مزگهفتان دروينس ، ژنكين وان  
ب جلكن بهلى درويسن ، سهرين خو وهكى پشتا حيشتران لئ دكهن ،  
لهعنهتان ل وان بكهن ؛ چونكى خودئ لهعنهت ل وان كرينه . (۲)

( عهبدللاهي كورئ مهسعوودئ ) ديبثت : دهه تشت ههبون پيغهمبهري  
- سلاف لئ بن - ههز ژئ نهذكر وئهم ژئ دداينه پاش ، وئيك ژ وان دههان

---

(۱) موسلم فئ هديسي قه دگوهيژت .

(۲) ئهجهد وطه بهراني فئ هديسي قه دگوهيژن .

- وهكى عبدالله ديڙت - ئەفە بوو : ( التبرج بالزينة لغير محلها ) يهعنى  
كو ژن خو بخه ملينت نه د جهى وي دا ، يهعنى : نه بو زهلامى خو . <sup>(۱)</sup>

( ئەنەسى كورې مالكى ) ديڙت : جاره كى پيغه مېهر - سلاف لى بن - چوو  
مالا كجا خو فاطمايى ، بچويكهك د گهل خو بر دا كارى بو وي بكهت ،  
كراسه كى وهسا د بهر فاطمايى بوو نه گهر بلند كريا دا سهري خو پى فەشیرت  
پي پيىن وي دهر دكهفتن ، وگافا وي پي پيىن خو پى فەشارتن سهري وي  
دهر دكهفت ، فاطمايى پى نهخوش بوو بابى وي وي ب قى رهنكى ببيت ،  
پيغه مېهرى - سلاف لى بن - ئەف چەندا هە تى ئينا دەر لەو گوتى : ب خەم  
نەكەفە ، ئەز بابى تەمە ، و ئەف بچويكه خەلمە تكارى تەيە . <sup>(۲)</sup>

مەعنا پيغه مېهرى - سلاف لى بن - كچا خو وهسا تەربيهت كروو كو وي پى  
نەخوش بوو بابى وي يان كور كه كى بچويك سهري وي ببيت .

بوچى حىجاب ؟

پشتى بو مه ديار بووى كول بهرخو كرنا ژنا موسلمان بو حىجابى  
واجبه كهك ژ واجباتين شهري ، دو پسيارين مەزن دى ئينه هليخستن :

- بوچى ئىسلامى حىجاب ل سەر ژنا موسلمان واجب كرىيه ؟

- وئەو كيژ حىجابه ئىسلامى ل سەر ژنى واجب كرى ؟

جارا دا ل دۆر پسيارا ئيكى باخفين .. ئيكه مين جار دقيت ژ بيرا مه نهچت  
كو هندى حىجابه نه پشكه كه ژ عدهت وتهقاليدىن جفاكى دا ئەم پسيار بكهين  
كانى ئەف عدهته بوچى هاتىيه و ژ كيشه هاتىيه ؟ نه .. حىجاب ئەمره كى

---

(۱) وهكى ئەبوو داوود ونەسائى ژى فەدگوهيزن .

(۲) وهكى ئەبوو داوود ژى فەدگوهيزت .

خودايی به ، وئو تشتی خودی ئه مر پی کربت ل سهر مه واجبه ئه م باوهری پی بی بینین وکاری پی بکهین بیی پسیار کهین بوچی .

ئهفه راستی به که دقیت ژ بیرا مه نه چت ، بهلی وه نه بت بیته هزرکرن کو بو مه موسلمانان چی نابت ئه م پسیارا وان حکمه تان بکهین یین کو د ئه حکامین شریعتی مه دا ههین ، نه .. یا باش بو مه ئه وه ئه م حکمه تی ژ ته شریعا ئه حکامین خو بزاین ؛ دا پتر بزاین کانی شریعتی مه چهند شریعت ته کی موکم وکار به جهه .

ل سهر فی بناخهیی موسلمانانی ماف ههیه وی حکمه تی بزانت یا کو د شریعتی حیجایی دا هه ی ، وبو دیار کرنا فی چهندی دی بیژین :

ب دیتنا ئیسلامی ژن ئه و ره هه یا دارا ژینی ژئ شین دبت ، ئه و گه نجینه یا پر قیمه ته یا کو دقیت تازه بیته پاراستن ؛ دا ژ هه می دز ودلر ه شان بیته پاراستن .. ژن کاکلکا جفاکی به ، وئو که لات ه یا کو دقیت هه رده م ل به رانه ر هیرشان ناسی بمینت ، له و ئیسلامی خواست ئه و پاقر و بزوین بمینت ، نه ب ده ف وئه زمانی ب تنی به لکی ب جلکی و سه ر و به ری ژی ، هه ر وه سا ئیسلامی قیایه هه رده م گیانی به رگری پی د دلی ژنی دا بچینت ، به رگری یا هه ر تشته کی کراسی پاقری یا وی یا ساده به قه م بکه ت ، ئیسلامی ژ ژنا موسلمان خواست خو په رده پو ش بکه ت دا ئه ف په رده پو شی به بو وی بته ره نگه ک ژ ره نگین به ره فانی پی و به رگری پی ، دیسا دا بو هه ر خودان دیتنه کی بیته نیشان کو ئه ف ژنه جه وه ره کا پاراستی به .

ئیسلام د هه می شریعتین خو دا تحتیاطی وهر دگرت ، وئه گه ر هات ئیسلامی قیا خرابی به کی حه رام بکه ت دی وان ریکان ژی حه رام که ت یین به ری خودانی دده نه وی خرابی پی ، ئه و قانونین مرو فان داناین دی بینی بو

هندیڼه دا نه گهر تاوانهك هاته كرن جزايهك بو بيته دان ، بهلې شريعه تې خودې  
 بو هندې يې هاتي دا وان پېكان بگرت يېن سهرې دكېشنه تاواني ، ونه گهر  
 هات و د سهر هندې ژې را تاوان هاته كرن دا جزايه كي عادل بو بيته دان ..  
 ونه قهيه جودايي د نافهرا ديني خودې وقانونين مروځان دا .

ئيسلام به لقبوونا بې توره يي وبې نه خلاقي يې د جفاكي دا حهرام دكوت ؛  
 چونكي نهغه نهو دهرده يې دېته نه گهرا سهره كي يا هلوه شيانا شارستانيان ،  
 بهلې ئيسلامي نه ب تنې خو ب هېقي يا حهرامكرنا قې چهندي قه هيلابه ،  
 بهلكي ههر تشته كي بيته پېك بو قې چهندي ، ئيسلامي نهو ژې حهرام كر ..  
 وچونكي راكرنا پهرده يي د نافهرا ژن وميران دا دېته پېكهك بو نه نجامي  
 ژيگوتې ئيسلامي حيجاب ل سهر ژنا موسلمان فهرضكر ، مهنا : حيكمت ژ  
 فهرضكرنا حيجابي د ئيسلامي دا نهو پې ل بهرقبوونا بې توره يي د جفاكي  
 دا بيته گرتن ، يان چونو چونه بيته تهنككرن .

حيجاب نهو قانونونه يا ژني ل سهر شهرمي تهربيته دكوت ، ونه گهر نهو  
 ل بيرا خو بينين كو شهرم نهو فيطره ته يا خودې ژن ل سهر داي وحيجاب نهو  
 شريعه ته يې شهرمي ب خودان دكوت ، دي زانين كو رهښنا ژ حيجابي رهښنه  
 ژ طهبيعهت وفيطره تا ژني ..

ژ لايه كي دي قه نه گهر حيجابا شهرعي ب دورستي بيته ب كارئينان مفايين  
 بهرچاڅ بو ژني - ب تايبه تي - وبو جفاكي - ب گشتي - دي ژي ئينه ديتن ،  
 ب نسبته ژني : نهو ( كآبه ) ويېتنه نكي يا نه فرو ژن تيدا دژيت ، نامينت ..  
 چاوا ؟

ژن نه فرو بارا پتر ژ ده مي خو د قه له قه كا نه فسي دا دژيت ، هه مي خه ما وي  
 نهو سوباهي ده مي دهر دكهفت دي چ كه ته بهر خو ، يان سهرې خو چاوا دي

چئی کەت ، ب تنی حیجابا شەری بە یا کو دشیئت فی باری هە یی نەفسی  
ژ سەر ملین ژنی ڕاکەت .

ب نسیبەت جفاکی : ئەو مالی ژ لایی ژنی قە د مەجالی خۆکار کرنی دا دئیتە  
خەر جکرن ، ئە گەر د کیسی مللەتی بمینت گەلەک گرفتاری یین ئابوری دی پی  
ئینە چارە سەر کرن .. مەعنا : حیجاب بو ژنی سفاکرنە کە بو لایی نەفسی ، وبو  
جفاکی بەرفرە هکرنە کە بو لایی ئابوری .

ئیک ژ مەزنترین هیجەتین وان کەسان یین پیچە ژ سەر دیمی ژنی ڕاکری  
ئەو بوو گۆتن : مە دقیت ڕۆژ ل سەر وچاقین ژنی بدەت ؛ دا ئەو وزە لام روی  
ب روی بکەقنە بەرانبەر ئیک ودو ، ودا بو ( وی ) ب ساناهی بکەفت کو  
( وی ) ل سەر حەقیقەتا وی وی حیلە بنیاست .. هۆ گۆتن ! بەلی وان نەزانی  
ژن ل شوینا پیچەیا پاتە پیچەیا کە دی یا ژ ( صبغی ) دی دانته سەر دیمی خۆ  
دا راستی یا خۆ پی بقەشیرت !

گۆتن : مە دقیت رەوشەنبیری یا ژنی زیندە کەین و ژ دەردی نەخواندەواریی  
قورتال بکەین ؛ دا د پاشەرۆژا خۆ دا ئەو ژ بن حوکمی عەدەت وتەقالیدین  
کەفن دەرکەفت ووی پیگافی بهاڤیت یا مفاپی وی تیدا .. بەلی وان نەزانی ژن  
خۆ ل فی توخویی ناگرت ؛ چونکی ئەو ژنکا سی چاریکی ن رەوشەنبیری یا خۆ  
ژ کۆلانی وەرگرت ، دەیک وایین وی ژ ل بەر وی دی بنە پشکەک ژ وان  
تەقالیدین کەفن یین کو پیتشی بە بن ئاخ بن !

هەمی هزارا وان ئەو : ئە گەر بەردەیک د ناڤهرا ژن ومیران دا هەبت  
( کبت ) ل نک هەردو لایان دی زیندە بت ، لەو گۆتن : یا باش ئەو تیکەلی  
هەبت ، وژن بەردەیی شەرمی ڕاکەت ؛ دا ب حوکمی واقعی بستیەیی د ناڤهرا  
وی وزە لامی دا چئی ببت ، وئەو کەبتا ژینگۆتی نەمینت .. بەلی ڕۆژ بو ڕۆژی

واقعی بۆ وان دیار کر کو ئەفا ئەو دبیژن چیفانوۆکە ویی باوەر نە کەت بلا گوهداری یا فی خەبەری بکەت :

د فە کۆلینە کێ دا ل دۆر جەریمی ل ویلایاتین ئەمریکی یین ئیکگرتی کو ل سالیڤن حەشتی یان دا هاتبوو کرن هاتی یە : کو ل ئەمریکا د هەر شەش دەقیقان دا ( حالەتە کێ ئغتصابی ) ل بنگەهین پۆلیسی دئیتە تۆمار کرن ، وئەو حالەتین دگەهەنە بنگەهین پۆلیسان ( ١٠ ٪ ) نە ، و مەعنا فی ئەو هەر دەقیقە یە کێ دو حالەتین ئغتصابی روی ددەن .<sup>(١)</sup>

فیجا نزا ئەو چ ( ئولفەت ) و ( بستەیی ) یە را کرنا حیجابی وتیکەلی د ناڤهرا ژن ومیران دا پەیدا دکەت .

وگۆتن : ما چ د جلکی را هەیه ؟ ئەخلاق تشتە کە و جلک تشتە کە ، وشەرت دلە ؟!

بەلی وان ژ بیر کر کو هەر جلکە کێ ئەخلاق خۆ یی هەی ، گافا هاتە گوهارتن ئەو ئەخلاق ژ ی دئیتە گوهارتن .. ئەو جلکی ژن ل دەمە کێ فییری گوهداری یی و پویتیە پی کرنا ب مالی و عیالی دکر دەمی هاتی یە لادان و ب رەنگە کێ دی یی جلکان یی ژ پشت بە حران بۆ مە هاتی .. هاتی یە گوهارتن ، ژن فییری هەندەك ئەخلاقین دی یین بیانی کر .

کیژ حیجاب وچاوا ؟

پشتی دیار کرنا حیکمەتی ژ حیجابی دەمە بەرسفا وی پسیاری بیته دان ئەوا دیژت : ئەری ئەو حیجابا ئیسلامی ل سەر ژنا موسلمان واجیکری کیژکە ؟ و چ شەرت و صیفەت بۆ هەنە ؟

---

(١) محمد رشید العوید : من أجل تحرير حقيقي للمرأة ، ب ١٦٤ .





و د حەدیسە کەی دا <sup>(۱)</sup> پیغەمبەر - سلاف لى بن - دیبۆت : ﴿إِنَّ الْمَرْأَةَ عَوْرَةٌ فَإِذَا خَرَجْتَ اسْتَشْرِفْهَا الشَّيْطَانُ ، وَأَقْرَبُ مَا تَكُونُ بَرُوحَهُ رَبِّهَا وَهِيَ فِي قَعْرِ بَيْتِهَا﴾ .

ژ فقی حەدیسێ دئیتە زانین کو ژن - هەمی نه کو هندەك ژ وئ - عەورەتە ، یەعنی : چێ نابت بێتە دیتن ، و دەمی ئەو ژ مال دەردکەفت [ خو ئەگەر یا ب حجاب ژى بت ] شەیطان دئیتە د رێکێ دا و هیقی یێن خو ب دەردکەفتنا وئ قەگرێ د دەت ، و هنگی ئەو یا نێزیکى خودایی خو ورەحم و رازیبوونا وئ یە دەمی ئەو د مالا خو دا یا روینشتی بت .

**شەرتەن دووئ :** دقین جلکە کێ وەسا نەبت بەرێ خەلکی ب نك خو قە بکێشت .

مەعنا : دقیت حجابا ژنی یێ ( جذاب ) نەبت ، و ئەو خو ب خو زینەت نەبت ، و ژێ چەندێ زەیفای وئ حجابی بۆ مە ئاشکەرا دبت یا هندەك ژن نوکە دکەنە بەر خو و دیبۆتی : حجابا ئیسلامی ، و ئەو ب خو یێ گەلەك رەنگ و جەذابه .

قورئان دیبۆت : ﴿وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا - وَتَو [ ئەو موحەممەد ] بێژە ژنێن خودان باوەر : بلا ئەو چاقین خو ژ حەرامی یێ بگرن ، و نامویسا خو ژ تشتی حەرام بپاریزن ، و بلا ئەو خەمل و خێزا خو بۆ زەلامان ئاشکەرا نەکەن ، و هندی ژ وان بێت بلا ئەو زینەتا خو قەشیرن ئەو جلک تێ نەبن یێن ئەو ب سەر جلکان دا دکەنە بەر خو ﴾ [ النور : ۳۱ ] .

(۱) یا ترمذی و طەبەرائی ژێ قەد گوھیزن .

مهعنا : ئهو جلکى ژن دکهته بهر خو دا بته حىجابا شهرعى دقيت يى دويسر  
بت ژ نهخش ونيگار وخه ملاندنى ؛ چونكى ئارمانج ژ حىجابى ئه وه بهرى خه لکى  
نه کهفتى وئه گهر قى حىجابى ئهف ئارمانجه ب جه نهئينا نابته حىجابا شهرعى .

**شهرتن سسپس :** دقيت وه سا يى تهنك نهبت كو لهش تپرا دهر کهفت .  
و د حه ديسه كى دا پيغه مبهر - سلاف لى بن - به حسى رهنگه كى جه هنه مى يان  
دکته وديت ژندك ژنكن ب جلک بهلى درويسن . ومه خسه د پى - وه كى  
زانا دپيژن - ئهو ژنكن يپن جلکين زهلال وتهنك دکه نه بهر خو . <sup>(۱)</sup>

و د ريوايه ته كى دا هاتى به كو جاره كى حه فصايا كچا عه بدرره حمانى هاته  
مالا عائيشايى ، كراسه كى تهنك دبهر بوو ، گاڤا عائيشايى ئهو ب قى رهنگى  
ديتى كراسى وى ژ بهر كر ودراند ، وكراسه كى دى يى ستوير كره بهر . <sup>(۲)</sup>  
**شهرتن چارس :** كراس دقيت يى فرهه بت .

ئهو كراسى ژن دکهته بهر خو ئه گهر خو لهشى هه مى يى بگرت ژى ويى زهلال  
وتهنك نهبت ژى بهلى يى تهنك بت ولهش پى بيته ( ته حديد كرن ) نابته  
كراسه كى شهرعى ، وئهو ( جوبه يپن ) تهنك يپن نو كه هندهك ( مو حه ججه به )  
دکهنه بهر خو وهزر دكهن حىجابا شهرعى يا دبهر وان نه حىجابا شهرعى به ؛  
چونكى شهرتهك ژ شهرتين حىجابا يى ژى كيمه .

**شهرتن پيئنجس :** دقيت جلکه كى ( معطر ) نهبت .  
چونكى بو ژنا موسلمان چى نابت ده مى ئهو ژ مالا خو دهر دکهفت و دچته وى  
جهى يى زهلامين بيانى لى ههين بيئين خوش .. روزه كى ژنكهك د بهر ( ئه بوو  
هوره يره ) را بوري بينه كا خوش ژى دهات ، ئه بوو هوره يره گوتى :

---

(۱) وهكى موسلم فه دگو هيژت .

(۲) وهكى ئيمام مالك ژى فه دگو هيژت .

ئەى عەبدا خودى ! تو ژ مزگەفتى دىيى ؟ وى گۆت : بەلى .. گۆتى : تە  
 بىننن خوۆل خوۆ كرىنە ؟ وى گۆت : بەلى .. ئەبوو ھورەيرەى گۆتى : من  
 يى گۆھل خوۆشتقى يى خوۆ ( ئەبوو ئەلقاسمى ) بووى دگۆت : ﴿ خودى  
 نقيژا وى ژنى قەبويل ناكەت ئەوا بىننن خوۆل خوۆ دكەت وديئە قى مزگەفتى  
 حەتا نەزفرتە مال وخوۆ نەشۆت ﴾ . (۱)

**شەرتنن شەش :** دقيت جلكە كى وەكى يى زەلامان نەبت .

چونكى پيغەمبەر - سلاف لى بن - د حەديسە كا خوۆ دا لەعنەتى ل وى  
 زەلامى دكەت يى جلكىن ژنكان دكەتە بەر خوۆ ووى ژنكا جلكىن زەلامان  
 دكەتە بەر خوۆ . (۲)

ويا زانايە كو ئەو تىشتى پيغەمبەر - سلاف لى بن - لەعنەتى سەرا ل كەسەكى  
 بكەت ئەو ژ گونەھيەن مەزنە .

**شەرتنن حەفتى :** دقيت وەكى وى جلكى نەبت يى ژنكىن كافر دكەنە بەر  
 خوۆ .

وئەف شەرتە ژ زەلام وژنكان دگرت ، يەعنى بۆ زەلامى موسلمان ، ووەكى  
 وى ژنا موسلمان ژى ، چى نابت جلكە كى وەسا بكەتە بەر خوۆ كو وەكى يى  
 كافران بت ، عەبدللاھى كورى عەمرى دىيژت : جارە كى من جلكە كى وەكى  
 يى كافران كىبوو بەر خوۆ ، گاڤا پيغەمبەرى - سلاف لى بن - ئەو كراس د بەر  
 من ديتى ب عىجىزى قە گۆتە من : ﴿ دەيكا تە گۆتى يە تە فى بكە بەر خوۆ ؟ ! ﴾  
 وى تى ئينا دەر كو پيغەمبەرى - سلاف لى بن - پى نەخۆشە وى ئەف كراسە  
 كرى يە بەر خوۆ ، بەلى وى ھىزىر كى پى نەخۆشى يا وى ژ بەر رەنگى يە ، لەو وى

(۱) وەكى ئەبوو داوود وئىن ماجە ژى قەدگۆھيەن .

(۲) وەكى ئەبوو داوود ژ ئەبوو ھورەيرەى قەدگۆھيەن .

گوٽی : بچم بشوم ؟ پیغمبره ری - سلاف لی بن - گوٽی : ﴿ نه ! هره بسوژه ﴾ پاشی گوٽی : ﴿ هندی نهف کراسیه کراسی کافرانه نه که بهر خو ﴾ .<sup>(۱)</sup>  
 وئغه بو هندییه دا موسلمان بته خودان که سینییه کا تایبته و ژ کافری بیته  
 جودا کرن .

**شهرتس ههشتس : دقیت جلکی ( شههره تی ) نه بت .**

یه عنی : دقیت جلکه کی عده تی بت ووه سایی غریب نه بت کو د ناڤ  
 خه لکی دا پی بیته ناسین ، وئغه شهرته ژ ی وه کی یی بو ری ژ زه لمان ژ ی  
 دگرت ، عه بدللاهی کور ی عومهری دیب ژت : پیغمبره ری - سلاف لی بن -  
 گوٽ : ﴿ هه چی یی د دنیا یی دا جلکه کی ووه سا بکه ته بهر خو کو پی بیته ناسین  
 ل ناخره تی خودی جلکی شهر مزاری یی دی کته بهر وی ﴾ .<sup>(۲)</sup>

ونه دورستی یا فی جلکی ژ بهر هندییه چونکی مروڤ پی ژ خه لکی دبیته  
 جودا کرن وئغه دبته نه گهرا هندی نهو خو پی ل سهر خه لکی مه زن بکه ت کو  
 وی جلکه کی ووه سا هیه که سی ژبلی وی نینه .. ویا زانایه کو خومه زن کرن  
 تشته کی حه رامه .

**خه ملا نه دورست :**

ئیسلامی ری یا دایه ژنا موسلمان کو نهو خو بخه ملینت ، به لی حه تا نهو  
 خه مل یا حه لال بت دقیت یا ژ وان سالو خه تان دویر بت یین کو د خه ملا  
 حه رام دا هین ، ودا کو ناخفتنا مه یا روهن وناشکه را بت نه م ل قیری دی  
 به حسی سالو خه تین خه ملا نه دورست ناشکه را کهین :

**سالو خه تس ئیکس :**

(۱) موسلم فی حه دیسی فه دگو هیژت .

(۲) وه کی نه سائی ژئ فه دگو هیژت .

ئەو خەمەل وزىنەتا ژن ب كار دئىنت دقئت خەلقى خودى نەگوھۆرت ؛  
چونكى گوھۆرپنا خەلقى خودى رېبازا شەيطانىيە ، وەكى وى ب خو سۆز پى  
داى وگوتى : ﴿ وَلَا ضَلَّٰهُمْ وَلَا مَنِيْنَهُمْ وَلَا مَرْئَهُمْ فَلْيُبْتِكُنْ أَذَانَ الْأَنْعَامِ وَلَا مَرْئَهُمْ  
فَلْيُعِزَّنْ خَلْقَ اللَّهِ وَمَنْ يَتَّخِذِ الشَّيْطَانَ وَلِيًّا مِنْ دُونِ اللَّهِ فَقَدْ خَسِرَ خُسْرَانًا مُّبِينًا -  
وسويند بت هەچىيى دويكەفتنا من بکەت ژ وان ئەز بەرى وى ژ حەقىيى  
وەرگىرم ، و ب هيشىيىن درەو ئەز دى ژفانى دەمە وان ، و ئەز دى داخوازي  
ژ وان کەم کو ئەو گوھىن حەيوانى بېرن وشەق شەق بکەن ژ بەر وى نەحەقىيا  
ئەز ل بەر وان شرين دکەم ، و ئەز دى فەرمانى ل وان کەم کو ئەو چىکرىيى  
خودى د خورستىيى وسەر و بەرى دا بگوھۆرن . و هەچىيى د بەرسقا شەيتانى  
بىت ووى ژبلى خودايى ب هيز و زال بو خو بکەتە پشتەقان ، ب راستى ئەو  
تى چوو تىچوونەکا ئاشکەرا ﴾ [ النساء : ۱۱۹ ] .

و ژفان رەنگە خەملاندنن حەرام ئەون يىن دقئى حەدىسى دا هاتين :  
عەبدللاھى کورى مەسعوودى دىيژت : « لعن الله الواشمات والمستوشمات  
والمتمصات والمتفلجات للحسن المغيرات خلق الله تعالى » .<sup>(۱)</sup>

رەنگى ئىكى : ( الواشمات والمستوشمات ) و ئەفە ئەون يىن ب دەرزيكان  
دەقان بو خو چى دکەن ، چ ئەو ب خو بو خو چى بکەت چ ئىك بو وان چى  
بکەت .

رەنگى دووى : ( المتمصات ) و ئەفە ئەون يىن کو موىيان ژ برويىن خو  
هل دكىشن .

رەنگى سىيى : ( المتفلجات للحسن ) و ئەفە ئەون يىن ددانين خو درەن .

---

(۱) وەكى بوخارى و موسلم فەدگوھيزن .

و د حەدىسە كا دى دا عەبدللاھى كورپى عومەرى دىيۆت : پيغەمبەرى  
- سلاڤ لى بن - لەعەت ل وى ژنكى كرينە ئەوا پويوتەكى ژ درەو ب سەرى  
خوڤە بكەت . <sup>(۱)</sup> يەعنى : بارووكى بدانت .

### سالۆخەتىن دووئى :

ئەو خەملا ژنكا موسلمان ب كار دئىت ئەگەر خوڤەمەلە كا حەلال و دورست  
ژى بت ، ئەگەر مەخسەدا وى پى ئەو بت زەلامىن بيانى وى بىينىن كارى وى  
دى يى حەرام بت .. بۆ نموونە : ب كارئىنانا بىينىن خوڤەمەلە بۆ ژنكى تىشتەكى  
حەلالە بەلى ئەگەر وى ئەف چەندە بۆ ھندى كر دا د بەر زەلامىن بيانى را بچت  
ويينا وى بچتى ئەو دى يا گونەھكار بت ، و كارى وى دى كارەكى حەرام بت .

### سالۆخەتىن يىڭ :

ئەو خەملا ژنا موسلمان ب كار دئىت دقئىت ئەو خەمەل نەبت يا زەلام (يان  
ژى ژنكىن كافران) ب كار دئىن .. وئەفە بەرى نوکە مە بەحس ژى كرىيە .

### ب كار نەئىنانا حىجابى .. بۆچى ؟

ب كار نەئىنانا حىجابى يەعنى (تەبەررۇج يان سفور) ئىك ژ وان  
حەرامى يانە يىڭ زىدە زىدە د ناف ژنكىن موسلمانان دا دبەلاڤ ، وئاشكەرايە  
كو ھندى (تەبەررۇجە) كارەكە خودى وپيغەمبەرى وى - سلاڤ لى بن -  
حەرام كرىيە ، وبەرى نوکە دەمى مە دەليل ل سەر واجبوونا حىجابى  
ژ قورئانى و سوننەتى ئىناين بۆ مە ديار بوو كو نە پيگىرى يا ب حىجابا ئىسلامى  
تىشتەكى حەرامە ، و ل قىرى مرۆڤى مافى ھەى پسيار بكەت : مادەم ھۆيە پا  
پۆچى ئەف حەرامى يە د ناف مە دا ھندە يى بەلاڤە ؟

وبۆ بەرسڤ دى بىژين :

---

(۱) وەكى بوخارى و موسلم فەدگوھيزن .

پینج ئه گهرین سهره کی د پشت به لاقبونا ( ته به رروجی ) را هه نه ..

**نه گه را نیکی :** لاوازی یا باوهری یی ونه ترسیانا ژ خودی .

بی گومان نه گه را سهره کی یا ههر گوننه هه کا مروّف ( چ ژن بت چ میړ )  
بکه ت لاوازی یا باوهری یی وکی مبونو ترسا ژ خودی یه ، و ( موعاده له یا )  
نه لقه : یی باوهری یه کا مه زن ب خودی هه بت ترسا وی ژ خودی دی یا پتر  
بت ، وئو ی پتر ژ خودی ترست دی پتر خو ژ بی ئه مری یا وی ده ته پاش ،  
ئه فه مه سه له که نه جهی دان وستاندن یه !

لهو ئه م دیژین : ئه و ژنا پی ل ئه مری خودی ددانت وخو ژ حیجابی دده ته  
پاش ئه و ی باوهری یه کا لاواز ب خودی هه یه ، وترسا ژ خودی جهی خو  
ب دورستی د دلی وی دا نه کری یه ، وفایدی وی ناکه ت ئه و ب ده فی بیژت :  
من باوهری یه کا مه زن ب خودی هه یه ، یان ئه ز حه ز ژ خودی دکه م ..  
حه ژیکرنا مروّفی بو خودی ئه گه را یا دورست بت مروّف پی ل ئه مری وی  
نادانت .

**نه گه را دووین :** نه تیگه هشتنا دورست بو ئیسلامی .

گرفتاری یا مه موسلمانان یا مه زن ل فی زه مانی ئه وه ئه م ب دورستی  
د ئیسلامی ناگه هین ، وئو بیر وباوهرین خه له ت یین کو هنده ک جاران  
ب نافی ئیسلامی ب خو د ناف مه دا به لاف بووین کاره کی هندي خراب ل مه  
کر حه تا دهره جهیه کی کو ئیسلاما دورست ل بهر مه بهرزه کری ، و ژ وان  
عه قیدین خه له ت یین کو ل فی زه مانی د ناف موسلمانان دا به لاف بووی عه قیدا  
( ئیرجائی ) یه ، و ( ئیرجاء ) ئه وه مروّف هزر بکه ت کو هه ما ئیسلام ب تنی  
ئه وه تو بیژی : ( لا إله إلا الله محمد رسول الله ) وه کی تو چ بکه ی چ بیژی  
( مشکيله ) نینه !



گهلهك ( مونحه رفا ) تو دى بينى نه نقيژه نه رږژى به ، نه ئه خلاقه نه ( ئلتيزاما ) ب مهنه جى ئيسلامى به ، بهلكى نه دویره دويکهفتنا مهنه ج ورپبازا کافران ژى دکهت ، وحه ژيکونا وى بو کوفرى وکافران ژ حه ددى يا ده رکهفتى ژى ، د گهل هندى ژى خو ب موسلمان حسيب دکهن ، بوچى ؟ چونكى نهو ب دهفى دبېژن : ( لا اله الا الله محمد رسول الله ) و د جنسى بين وان ژى دا يا نقيسى : ( الديانة : مسلم ) !

ئهف تيگه هشتا خهلهت بو ئيسلامى بهرى موسلمانان دا هندى نهو وه تى بگهن کو ئيسلام باوه رى به جهى خو د دلى دا دکهت ، وزيانا ته يا عمه لى ب كهيفا ته به ته چهوا دقيت و هسا ب ريقه بيه ، نقيژا خو بکه - نه گهر تو خيرت بکهى ! - وجلکى ته دقيت بکه بهر خو ، رږژى بى بگره وفتارى ل وى زادى بکه يى عاقلى ته ژى دېرت ، ههړه حه جى و تجاره تى ل دويش دلى بکه .. ما ئيسلامى چ عه لاقهت ب دکانى وجلکى وسياسته تى وئ خلاقى فه هه به ؟!

ل سهر قى بناخه يى حجاب ل نک گهلهك ژنکين موسلمان بو ئيك ژ مهسه لين ( زهوقى ) بين ئيسلامى چو عه لاقهت پيقه نه ههى ! وئ گهر نهو ب دورستى د ئيسلامى گه هشتبان نهو نه دگه هشتنه فى ئه نجامى بهروفاژى .

**نه گه را سى بين :** ته ربه تا خراب .

چ د مالى دا بت ب تايه تى ، چ د جفاکى دا بت ب گشتى ، ويا زانايه کو بچوبک نه گهر ل سهر ته ربه ته کا خراب و دویر دين هاته ب خودانکرن ، ده مى مهزن دبت نه خو شترين تشت ل نک وى دى پيگيرى يا ب دينى بت ، نه خلاق وئ حکامين دى ل بهر وى دى نهو سجناب ترس بت يا نهو پى دئيه زنجيرکرن .. وپيگيرى يا ب حجابى ئيك ژ وان نه حکامانه بين کو

دَقِيت دهياب كچي هِيژ ل زارو كيني يا وي ل سهر پهروهرده بكنه ؛ دا ده مي  
نهو مهزن دبت و هسا تي نه گه هت كو حيجاب هندهك قهيد وزنجيرين گران  
نهو پي دئيه گريدان .

**نه گه را چاري :** ده زگه هين را گه هاندني يين خراب :

نهوين فساد د ناڅ خه لکي دا به لاف دکن وړني وه تي دگه هين كو  
پيشكه فتن نهو وړن يا پي ستاره بت ، وئفه ژي پشكه كه ژ نه گه را بوړي  
( تهر بهتا خراب ) و ژ بهر گرنگي يا وي دقيت ب تايبه تي ئيشارهت بو بيته  
دان .

**نه گه را پيښي :** چافليکړنا ژنين بي دين و کافر .

ويا غهريب نهو ه گه لهك موسلمان هه نه هزر دکن چافليکړنا کافران  
د سهرو بهر و هتا باوهران ژي دا تشته كي عده تي به ، وهنده كي دى هه نه هزر  
دکن چافليکړنا وان ئيك ژ نيشانين هه فچه رخي وپيشكه فتني به ، وئ گه ر تو  
بيژي بي : نهفه عده تي کافران نه که ، نهو دى بيژته ته : نهفه روي به که  
ژ روي يين مه دهنه تي وهه فچاخي بي !

**هيجه تين خودويرکړنا ژ حيجابا شهرعي :**

ومروځ نه گه ر پسياري ژ وان ژنکان بکه ت يين كو خو ژ حيجابا شهرعي  
دده نه پاش دى بينت هژماره کا هيجه تين ژ قهستا وان يين ههين ، ل قيړي نه م  
ب کورتي دى ئيشاره تي دهنه وان هيجه تان :

**يا ئيکس :** ديژن : شهرت دله ، دلي مه يي پاڅه .

وبهري نوکه مه ئيشارهت دا قي مه سيلي ومه ديار کر کو نهفه ئيك ژ خرابه  
فيقي يي عه قيدا ئيرجائي يا مونحرفه ، وئ گه ر چ د ئيسلامي دا شهرتي  
سهره كي دله بهلي دقيت ژ بير نه کهين ژي کو کاري بهايي خو يي مهزن ههيه

وخودی بهری خو ددهته دل وکریارین مروّقان<sup>(۱)</sup> وهر جاره کا کاری مروّقی  
یی خراب بت فایدی مروّقی ناکهت دلی وی یی پاقر بت ؛ چونکی کی دبیژت  
دلی وی یی پاقره ؟!

**یا دووین :** دبیژن : ئەم ب تهقوانینه ، ئەم نقیژین خو دکهین ورۆزی یین خو  
دگرین ، و ئەم چو خرابی یان ناکهین ، وهه ما ئەگەر گونەها مه ئەفه ب تنی  
بت کو ئەم نه د ( موحه ججه بهینه ) چونینه خودی ل مه ناگرت ، وبه لکی  
ل ناخروتی ژ بهر قان باشی یین مه خودی قی گونەها مه ژی بهت !

وهر چهنده خیر و گونەه ، وچوونا بهحهشتی وجهه نه می نه ب دوستی مهیه ،  
بهلی خودی و پیغه مبهری وی بو مه ناشکهره دکهن کو شرینکنا گونەهی  
کاره که شهیطان بی رادبت بو هندی دا مروّف گونەهی ب چو فه وهر نه گرت  
حه تا ئەو مروّقی دبه ته هیلاکی ، و ئەو نقیژ ورۆزی یین بهری خودانی ژ فاحیشی  
نه دهنه پاش چو خیر تی نابن .

**هیجه تا سسین :** دبیژن : حیجاب رهنگه کی هشک باوهری یی  
وپاشکهفتنی به . و ئەوین قی گوتنی دبیژن ئیک ژ دووانه : یان بی دین ، و ئەفا  
ئیسلا م هه می ل بهر وان ره جعییه ته وگوتنا وان ب چو ناچت ؛ چونکی ئەو  
نه یارن ، یان زی موسلمانین خاپاندینه ، و ئەم دبیژینه قان : ئەگەر ئەم ب قی  
هیجه تی بکهین دقیت دوستی ژ ئیسلا می هه می یی بشوین ؛ چونکی ئە حکامین  
ئیسلا می هه می - ل بهر کافران - ره جعییه ته ، فیجا دقیت ئیک ژ دووان بو خو  
هلبژیرین : ئیسلا می یان دویکهفتنا کافران .

**هیجه تا چارن :** وهندهک دبیژن : ئەم ههز دکهین حیجایی بکهینه بهر خو  
بهلی هیشتا قه ناعهت بو مه چی نه بوویه .. و ب راستی تشته کی غه ربه مروّف

---

(۱) وهکی د حه دیسه کی دا هاتی یا موسلمی ژ پیغه مبهری - سلاف لی بن - فه دگوهرت .

خۆ ب موسلمان بزانت و د گەل ھندى ژى قەناعەت بۆ ۋى ب گۆتتا خودى ۋېغەمبەرى چى نەبت ، ديارە مە ژى - ۋەكى ئسرائىلىيان گۆتىيە مووساى - دقئىت خودى ئىكە ئىكە د گەل مە باخفت ۋېژتى : فلان تشت ھەرامە فلان ھەلالە ھەتتا قەناعەت بۆ چى بىت !

**ھىجەتا پىنجى :** ۋەندەك دىيژن : چونكى ھندەك ( موھجەبە ) يىن ھەين نە دباشن ئەم ھىجابى ناكەينە بەر خۆ !

ۋفى ھىجەتى مروف دشىت ل سەر خودانا ۋەر گىپرت ۋېژتى : چونكى ھندەك نە موھجەبە ھەنە نە دباشن ، ھوين خۆ موھجەبە بکەن ..

**ھىجەتا شەشى :** دىيژن : ھىجاب قەيدە ، مروفى گرى ددەت و ژ ۋەر گرتتا علمى ۋېشكەفتى پاشقە دبەت .

ۋئەز دىيژم : واقع بەسە کو چوننەيى باقى ھىجەتى بۆ مە ئاشكەرا بکەت ، ۋنزا كىژ قەيد مەزنتەر : ھىجاب ، يان ژى ژن سى چارىكىن دەمى خۆ ب ھندى قە ببەت كانى سوباهى دى چ مۇدىلى كەتە بەر خۆ ؟

**ھىجەتا ھەفتى :** ھندەك دىيژن : ئەم ھىجابى ناكەينە بەر خۆ چونكى ھىجاب نىشانان ( ئىتمائى ) يە بۆ حزبە كا دەسنىشانكرى .

ۋئەو مروفىيىن د سىياسەتى دا دشارەزا باش دزانن كو گرىدانا ( ئىتمائا سىياسى ) ب ھندەك ( مظاهر ) يىن بەرچاف قە ۋەكى جلكى وسەروبەرى نىشانان ئەھمەقىيا خودانى يا سىياسىيە !

ھىجاب پشكەكە ژ شرىعەتى ئىسلامى و شرىعەت ھەبوو يە بەرى ( ئەحزاب ) ھەبن ، ۋدى مىنت پشستى ( ئەحزاب ) دېرىن ژى ، ۋئەگەر ئەم ژ كەرىپىن خەلكى دا ھندەك ھەقىيى بھىلېن رۆژەك دى ئىت ژ كەرىپىن خەلكى دا ھەقىيى ھەمىيى دى ھىلېن .

**هېجەتا نەھس :** ۋەندەك دېيژن : ئەگەر ئەم پىر بوۋىن دىٰ حىجابى كەينە بەر خۇ ، ودياره قان رەنگە ژنكان عەھدەكا ژ خودىٰ ۋەرگرتى كو ئەو دىٰ مېنن حەتا پىر دېن ، ودياره وان نەزانىيە كو ھندەك ھېشتا جھىل مرن .

**هېجەتا دەھس :** ۋىيژىك ژ ھېجەتا بۆرى ھندەك دېيژن : ھېشتا مە شوى نەكرىيە ، وھەتا ئەم شوى دكەين پاشى دىٰ حىجابى كەينە بەر خۇ . يەئنى : ئەو دترسن ئەگەر وان خۇ موحەججەبە كر كەساد بېن ، ومخابن ئەف رەنگە ژنە ھندە خۇ بىٰ بەھا دكەن ، خۇ دئېننە رېزا ۋى فېقىيى رزى ئەۋى دكاندار پاقژ دكەت ۋدەيسىنت ۋلايىٰ جوان ددانئە بەر چاڭئېن خەلكى ، وگاڤا ئىكى كىلۋىيەك بۇ خۇ كرى ۋبرە مال دىٰ بىنت زەرفىٰ ۋى يىٰ تژى فېقىيى رزىيە ، ۋھنگى فېقى ب زەرف قە دىٰ چتە د تەنەكا گلىشى دا !

ۋئەف ژنە بىىٰ ب خۇ بحەسىيىن يىن دېيژن : ژن ب تنىٰ لەشە ، و ژ ۋىرى ۋى قە ۋى چو بەھايىٰ خۇ نېنە !

**هېجەتا يازدس :** ھندەك دېيژن : ئەگەر مە حىجاب كرە بەر خۇ خەلك دىٰ ترانە ۋىارىيان بۇ خۇ ب مە كەن ، ۋدىٰ تەعليقا داننە مە . ۋبو قان دىٰ بېژىن : خۇ پېغەمبەر - سلاڤ لىٰ بىن - ژ تەعليق ۋترانەيىن بىٰ عەقلان خلاس نەبوۋىيە ، حەتا ئەم ژىٰ خلاس بىن ، ۋئەگەر ئەف ھېجەتا يا دورست بت ، پا دڤىت ئەم نفىژان زىٰ نەكەين ؛ چونكى ھندەك بۇ ھندىٰ ژىٰ تەعليقان دداننە مە !

ۋ ل دويمەھىيى دىٰ بېژىن : سىٰ رەنگىن ( مۋتەبەر جان ) ھەنە : ئىك : ئەۋىن دوپر دېن ، ۋباۋەرىيىٰ ئىكجار ب حىجابا شەرى نائىنن ، ۋئەقە ئەو رەنگى جەھننەمىيانە يىن پېغەمبەرى - سلاڤ لىٰ بىن - د حەدىسەكا خۇ دا بەھس ژىٰ كرى .

دو : ئەو ژنكېن دىندار و عىبادەتكەر يېن خۇ خەلەت د حىجابى دگەھن ،  
 وھزر دكەن ھەما حىجاب ئەو ئەو كەفكەكى بداننە سەر سەرى خۇ ، وەكى  
 دى ئەو ل ھندەك مونسەباتان حىجابى بەھاقىت زى چو نىنە ، يان  
 حىجابە كا وەسا بکەتە بەر خۇ كو ژ جلكى ( مۆتەبەر جىجان ) جەذابتىر زى  
 بت .. ئەفە دقېت ل خۇ بزفېرن و تۆبە بکەن دا ژ رەنگى ئېكى نەبن .  
 سى : ئەو ( موحەججەبەنە ) يېن ( موزەيەف ) ئەفە رەنگەكى منافقانە ،  
 جلك جلكى موسلمانانە و ئەخلاق ئەخلاقى كافرانە .

## ئەو ژىن مروڧاينى يا خودى ھلبژارتى

دوير نينه ھندەك كەس ھەبن ژ ڧان ناڧ و نیشانان حېبەتى بىنن وپسىار  
بەكن : ئەرى ما چى دېت ژن رى مروڧاينى يا خودى ھلبژىرن و بگەھنە رېزا  
مروڧىن خودى ؟

ژن ئەوا د چاڧىن گەلەك نەزانان دا چىكرىيە كا نزم وبى بهايە ، ژىدەرا  
خەلەتىيى و گونەھى وسەرداچوونىيە ، چاوا دى گەھتە پىكەكى ب كىر ھندى  
بېت ئەم بېژىنى : مروڧا خودى ؟

ھېشتا ھندەك كەس ھەنە ب ڧى نزمىيى بەرى خو ددەنە ژنى ، نە ژ بەر چو  
ب تى چونكى ئەو ژنە ، لەو ئەڧ مروڧە د ھەمى حسيبېن خو دا شاش دېن  
و ھەمى راستىيان دەرئشيف دكەن .. ڧىجا پىخەمەت ديار كرنا شاشى يا ڧان  
رەنگە مروڧان مە خواست د ڧى ناڧرا تايبەت دا ئەم چەندەكى ل دۆر وان ژنان  
باخڧىن يېن مروڧاينى يا خودى ھلبژارتى ؛ دا بۆ ھەر كەسەكى ئاشكەرا بېت كو  
رېكا مروڧاينى يا خودى ل بەر ژنى رى - وەكى مېرى - يا ڧەكرىيە . و ھەر  
و ھسا دا بۆ مە ئاشكەرا بېت كو ھژمارە كا مروڧىن خودى ژ زەلامان ، ژ وان يېن  
ناڧ و دەنگى وان د ناڧ خەلكى دا دبەلاڧ ، ئەو بوون يېن ل سەر دەستى  
ھندەك ژنېن مروڧىن خودى ھاتىنە پەرورەدە كرن ، حەتا رۆژەك ھاتى ئەو شايىن  
بگەھنە وى بلندىيى يا ئەو گەھشتىنى .

د پىشت ھەر مەزنەكى را ژنەك ھەيە :

ئىمام ( سوفيانى ئەورى ) - ئەوئ بەرى نوکه مه بهحس ژئ کرى - ژنکهکئ  
 ژ مروفئن خودئ ئەول راستىيا زوهدى هشيارکربوو ، وهکئ ژقئ  
 سههاتئبئ ئاشکهرا دبت : دهمئ سوفيانئ ل باژيرئ کووفه دهست ب وهرگرنا  
 ههديسئ کرى دهیکا وئ گوتئ : کورئ من ! بؤ خوؤ بخوينه وبلا ته چ خهم  
 نهبن ، ئەز ب تهشئيا خوؤ دئ ته ب خودان کهم .. ئەئ کورئ من ! ههر جارهکا  
 ته دهه حهرف خواندن بهرئ خوؤ بدئ ئەگەر تو چو نههاتئبه گوهارتن وچول ته  
 زيده نهبت ، تو بزانه ئەوا ته خواندى چو مفا نهگهاندىبه ته . ووهسا چيپوو  
 سوفيان ب تهشئيا دهیکا خوؤ هاته ب خودانکرن ، و ب شيرهتا وئ کر ، ههتا  
 رۆژهک ب سهر دا هاتئ ئەو بوويه ( أمير المؤمنين ) د علمئ ههديسئ دا .

ول جههکئ دئ سوفيان بهحسئ دهسپکا خوؤ دکهت وديژت : « ژنهکا  
 عيبادهتکهر ل کووفه ههبوو دگوتئ ( بنت أم حسان ) ، رۆژهکئ ئەز چوومه مالا  
 وئ ، من ديت مالهکا خالئيه ب تنئ حيسيلکهکا درپاي لئ ههبوو ، گاڤا من  
 حالئ وئ ديتئ من گوتئ : ته هندهک پسمامين زهنگين يين ههين ما ئەگەر تو  
 داخوازئ ژ وان بکهئ ئەو هندهک زهکاتا خوؤ بدهنه ته چيتر نينه ژقئ حالئ يئ  
 تو تيدا ؟ ئينا ئەول من زقري وگوت : ئەئ سوفيان ههتا قئ دهليفهئ تو  
 د چاڤين من دا گهلهک بووى بهلئ ژ نوکه ويثقه تو د چاڤين من دا هاتئيه  
 خوار .. ئەئ سوفيان تو ژ من دخوازئ ئەز دنيايئ ژ وان بخوازم يين دنيا نه  
 دهستئ دا ؟ ب خودئ کهمه ئەز شهرم دکهم دنيايئ ژ وئ بخوازم يئ دنيا  
 دهستان دا .. » .

هنگئ سوفيانئ کره گرى ، ژنکئ گوتئ : ئەئ سوفيان بيژه ( الحمد لله ) ،  
 گوت : من گوت ( الحمد لله ) ، وئ گوت : ته همددا خودئ کر ؟ من  
 گوتئ : بهلئ ، وئ گوت : فيجا ييتقئيه تو شوکرا خودئ بکهئ کو وئ



تەوفاقا تە داى حەتا تو ھەمدا ۋى بىكەى ، سوفيانى گۆت : من شەرم ژ خو کر  
وئەزمانى من نەگەرپا ، وگاڧا من ڧىاى دەرکەڧم ۋى گۆتە من : ئەى  
سوفيان ! تیرا مروڧى ھەيە کو مروڧ يى نەزان بت ئەگەر ۋى کەيف ب زانينا  
خو ھات ، وتیرا مروڧى ھەيە کو مروڧ يى زانا بت ئەگەر ئەو ژ خودى ترسيا ،  
ئەى سوفيان ! تو بزانه ھندى دلە ژ کەفتى رزگار نابت حەتا ھەمى خەمىن ۋى  
نەبنە ئىک خەم !

سوفيان دىڧرت : ھەر جارەکا دبوو شەڧ ئەڧ ژنکە دا رابت دەست  
ب نڧىژىن شەڧى کەت و بىڧرت : ئىلاھى ! نوکە ھەر ئىک وخوشتقى بى خو يىن  
ماينە د گەل ئىک ، وئەز يا مايە د گەل تە ئەى خوشتقى .  
وگاڧا ھندەکان گۆتبایى پىچەکى بو خو رازى ، ئەو دا بىڧرت : رازانا  
د قەبرى دا تیرا من ھەيە .

سوفيان دىڧرت : من بەرى خو دا خو وبەرى خو دا ۋى من خو دىت ئەز چو  
نېنم .

( بشر ئەلحافى ) ئەۋى تەقۋا گەھشتى يە نك ۋى وراۋەستىاى دىڧرت : من  
تەقۋا بو خو ژ خویشکا خو ۋەرگرتى يە .. خویشکا ۋى ئەۋا سەرھاتى يەکا ۋى  
د گەل ئىمام ئەحمەدى پىشتى دەلىڧەيەکا دى دى ڧەگوھىژىن .

زاھدى ئومەتتى ( عەبدللاھى كورپى موبارەكى ) حەتا مرى ژى ب ژنکەکا  
خودان باۋەر يى داخبار بو ، جارەكى ۋى ئەۋ ل مەكەھى دىتبوو ئەۋ چل سال  
بوو ژ ئايەتین قورئاننى پىڧەتر چو ئاخفتن ژ دەڧى ۋى دەرەكەڧت بوون ، ئەۋ  
دترسيا گۆتەکا خەلەت بىڧرت ڧىجا خودى غەزەبى لى بکەت .

ژن .. دەمى دبتە مروڧا خودى :

مرؤف - چ ژن بت چ میړ - دهمی دگههته پیکه کا بلند د باوهری یی دا ودبته  
 مرؤفی خودی ، فیانا خودی ب رهنګه کی ولسا دگهفته د دلی دا کو ژ خودی  
 پیښه تر ټولو کسې دی نه بینت ، وچونکی ټولو کسې دی نابینت ټولو ژ کسې دی  
 ناترست ، و مرن وی ژ حقه یی پاشقه لی نادهت ، ما نه خودی یه رزقی ددهت ؟  
 ما نه ټولو خوښی یی و نه خوښی یی ددهت ؟

- بهلی !

فیچا بوچی ټولو هیڅی یی ژ ئیکې دی بکهت ، یان ژ ئیکې دی ترست ؟  
 ټولو فیرعه ونی هتا ټه فرؤ ناڅی وی بوویه نیشانا سهر برینی وستهمکاری یی ،  
 زړته کهک بوو ژ وی رهنګی ژ خو نه دگرت زوی ب زوی ل سهر عهردی ب رپښه  
 بچت ، غور وورا وی وسهرشوری یا ملله تی وی ټولو گه هاندبوو هندی کو هزر  
 بکهت خودایی بلندتر ټولو ، فیرعه ونه کی ولسا بوو مه ژ یی خه لکی کلیل  
 کربوون ، ونه دهیلا کهسه ک بیی دهستوبری یا وی هزرین خو بکهت یان  
 خه ونه کی ببینت !

دهمی خودی فیای دفن بلندی یا فی فیرعه ونی دهرنشیف بکهت ولاوازی یا  
 وی بهرچاف بکهت ژنکه ک فیړا بهردا .. ( ئاسیایی ) کابانی یا مالا وی کوفر  
 ب خودینی یا وی کر ، و بهرگری یا زړته کی یا وی کر .

چاوا ټولو فیرعه ونی چیا دهلینت ، و بچویکا د زکین دویکین وان دا  
 دبزدینت ټه فرؤ ژنکه ک هفرکی یا وی بکهت وی ل بریارا وی بدانت ؟ ټه فیه چی  
 نابت ! فیرعه ون ب همی رپکان هاتی ، ونه شیایی .. گهماعکرنی چو پیښه  
 نه هات ، گهف وترساندن یا ژ خو بوو ، دویماهی یی بریار دا ټولو بیته عزابدان ؛  
 دا بزانت کانی هیژا فیرعه ونی چهنده ..

زەبانییڤن فیرعهونی ئەو بر ل سەر خیزهکی شاربیای و ل بەر چاقی پوژا  
 ئاریای رازاند ، دەست ویی یڤن وی ب عەردی قە زنجیر کرن ، جار ئاڤا  
 کەلاندی لی درەشاند و جار زی ب پرچا سەری قە دەلاویست ، کەڤر ددانسە  
 سەر سنگی ویاری بو خو ب عەزابدانا وی دکر ، وئەو هەریا ب گرنزین بوو  
 وناقێ خوشتفی یی وی یی ئیکانە ژ سەر ئەزمانی نەدچوو ، ( ئەللاھ ، ئەللاھ ) ئەو  
 ئاوازی شریڤ بوو یی خەما وی ل بەر وی سڤک دکر ، دویماهی یی دەمی  
 عەزاب ژ هینزا وی دژوارتر لی هاتی بەری وی مال عەسمانی ودلی وی د گەل  
 ئەزمانی وی یی ژ بەر عەزابی گران بووی دگۆت : خودایی من ! تو خودانی  
 منی ، تو ئاڤاهی یەکی بو من ل نک خو د بەحەشتی دا ئاڤا بکە ، ومن  
 ژ فیرعهونی وکاری وی رزگار بکە . و خودی داخوازا وی ب جە ئینا ورحا  
 وی ستاند وئەو ژ ناڤ لەپڤن زەبانی یڤن فیرعهونی ئینادەر وسەر هاتی یا وی بو  
 خودان باوەران قە گیرا و کرە نموونەیی خو گۆریکرنی .

وجارەکا دی زی مروڤەکا خودی د گەل فی فیرعهونی ب هەڤرکی  
 چوو بوو :

کچا فیرعهونی خدامەک هەبوو هەر جار کاری وی دکر ، پوژەکی دەمی  
 خدامی سەری وی شە دکر ، شەیی وی ژ دەستان کەفت وی گۆت : ب ناڤی  
 خودی .. کچکی گۆتی : بابی منە خودی ؟ خدامی گۆتی : نە ! ئەللاھ خودایی  
 منە و خودایی بابی تەیه ، کچکی گۆت : دی بو تە بیژمە بابی خو ، وی  
 گۆت : بیژی ..

دەمی فیرعهونی ب مەسەلا وی زانی گەلەک تەنگاڤ بوو ، چاوا دی چی بت  
 دینی مووسای رپکا خو ل مالا من بینت ؟ دڤیت ئەو تەشتەکی وەسا بکەت  
 هەبەتا خو بکەتە د سەری خەلکی را دا کەسەکی دی چاڤ ل خدامی

نەكەت ، فیرعهونی برپار دا خدامی ب عیال فه بو وی بین ، چەند دەلیقهیهك بوون خدام هاته ئاماده كرن ، فیرعهونی پسپار ژئی كر ، وی راستی نهقهشارت وگوتی : من باوهری ب خودی ئینایه ، هندی هاتی خدام لیقه نهبوو ، فیرعهونی گوت : مهنجەله كا مهزن بین تژی زهیت بکهن وبدانه سەر ئاگره کی بوش ، پاشی وان ژنك ئینا ووان گوتی : یان دی لیقه بی یان ژی دی کورپی ته ل پیش چاقیین ته هاقیینه د مهنجەلی دا .. وی گوت : ئەز لیقه نابم ، وان کورپی وی هاقیته د مهنجەلی دا و د کافی دا گوشتی وی حەلیا ، پاشی عیاله کی وی یی دی ئینا وگوتی : دی لیقه بی یان فی ژی بهاقیینه د مهنجەلی دا ؟ وی گوت : ئەز لیقه نابم ، ئینا وان ئەو ژی هاقیته د مهنجەلی دا وسوت ، و ب فی رهنگی وان عیالی ژنکی هەمی سوت ، ودهمی دؤرا وی هاتی و بهری وی ژی بهاقیینه د مهنجەلی دا وی گوت ته فیرعهونی : داخوזהك ب تنی من ژ ته هیه .. وی گوت : بیژره ، ژنکی گوت : ئەگەر ته ئەز ژی کوشتم هەستیکین من وعیالی من پیکفه فهشیره !

خوگۆریکهرا ئیکى :

وحەتا نهئیتە هزرکرن کو ئومهتا ئیسلامی ژ فان نموونهیین خوگۆریکرنی یا بی باره ، کهرەم کەن د گەل فان نموونهیان :

مالهك هەبوو ژ سى مروقان پىك دهات : دهيك وباب وكورهك ، دهمی رۆناهی یا ئیسلامی بهلاف بووی وان هەر سیان دلین خو بو فه كرن وگههشتنه ناف ریزا مروقین خودی ، دوژمیین خودی گەلهك ب قى چەندی تهنگاف بوون ، رابوون كهرا خو هەمی دارپته سەر خەلكی قى مالا بچویك وههژار وكهیفخوش ، هیپشه كا درنده دا سەر مالی ، هەر ئيك ب لایه کی فه بر ، پاشی هەر سی ل جهه کی كۆم كرن ودهست ب عەزابدانا وان كر ، وهندی

عهزابه کا دژوار بوو هەر بیښ بښه ئیک ژ وان دلگرتی دبوو .. وعه دهتی پښغه مبهری بوو - سلاف لی بن - هەر رږژ جاره کی دا د بهر وی جهی را پت یی ئەف خیزانه لی دهاته عهزابدان ، دلی وی بو دحلیا وچو پښه نه دهات ، گافا دهاته راستا هەر سیان وئو د فی حالی دا ددیتن ب نک وان قه سهح دکر و دگوت : ( صبراً آل یاسر ، فإن موعدکم الجنة - ئەهی بنه مالا یاسری سه بری بکیشن ، ژفانی هه وه به حه شته ) . ئە گهر ئەو د دنیا یی دا هه وه بژاله کهن ، خودی ل به حه شتی دی هه وه گه هینته ئیک .. ئە گهر هه وه بقیث بهری خو بدنه خیزانه کا خه لکی به حه شتی بهری خو بدنه خیزانا یاسری : یاسری کوری عامری ، وژنکا وی سومه یایا کچا خه یی اگی ، و کوری وان عه مار .

بابی و کوری نو که دی هیلین و ده لیفه یی دی بو ده یکی خوش کهین ؛ دا بزاین کانی چا وایه ده می ژن بهر په رپښ خو گوری کرنی تو مار دکهت ..

فیرعه ونی فی ئوممه تی ( ئەبو وجه هلی ) قیا سه ر هاتی یا برایی خو فیرعه ونی که فن دو باره بکه ته قه ، وئو زی قه هره مانی یا خو ل سه ر سه ری ژنه کا بی ده سه هلات ب کار بینت ، فه رمان دا سومه ییا ل سه ر خیزی شاریای بیته دریژ کرن و ده ست وپی یښ وی ب عه ردی قه بښه گریدان ، شیان سه ر وچا فین وی ب ئاسنی سوړ کری داخ کهن و ب ئا فا که لاندی بسوژن ، به لی پا نه شیان دلی وی دا گیر بکه ن .. رږژه کی فیرعه ونی ئوممه تی گوتی : خه به ران بیژه مو حه مده دی و خودایی وی .

وی چو پښه نه هات ده ست وپی یښ وی دگریډای بوون ، له و ده فی خو تزی تف کر و سه ر وچا فین ئەبوو جه هلی پی ته ر کرن ، وئو گهر ده ستین وی هنگی دقه کری بان دویر نینه وی ده ستی خو دابا پاش وشه قه کا و ه سا تی و ه راندبا سه ری وی هژیابا دا به لکی عه قله ک هاتبایی ! ئەبوو جه هلی ده ست دا رمه کی

ول پيش چاڤين كورپى وي زهلامى وي دربهكى وهسا دانايى رچا وي بلندكره  
بهحهشتى ..

ونهفه ئيكه مين بهرپهري خوكوريكرنى بوو د ديروكا ئيسلامى دا ب دهستى  
ژنهكا خودان باوهر هاتى به تومار كرن ، وييكه مين مروقى ژ ئومه تا موحه مدهدى رچا  
خو پيشكيشى دينى خودى كرى سومهيا بوو . نهى خودانين بهر بخودانا نرم بو  
ژنى قى راستى يى باش بزان !

نمونه يين بزاره :

ژن زى - وهكى زهلامى - گاڤا بوو ئيك ژ مروقين خودى دنيا ب ههمى  
خوشى يين خو فنه شيت يى بهستى ل دلى وي بكهت ، يان ئيكا هند ژى چى  
كهت كو نهو كهسه كى دى ژبلى خودى بينت ..

گهلهك ژن هه نه نه دينين ژ بهر كييم باوهرى يا وان گاڤا مالخويى وان  
دمرت ، نهو ژ ههمى دلى خو هنر دكهن كو ئيدى خلاس دهرگهه پزقى  
ل وان هاته گرتن ، لهو دى بته لاف لاڤا وان ، بو فان توخه ژنان قى سهرهاتى يا  
كورت دى فه گيرين :

۱- ل سهر ده مى پيغه مبهري - سلاف لى بن - ده مى موسلمان ژ غه زايه كى  
زفرين ، ژنكه كا موسلمان چوو بهراهى يا لهشكهرى پيسارا زهلامى خو كر كانى  
يى ب سلامه ته يان نه ؟ گاڤا زانى يى شهيد بووى ، هندهك ژنكان - ههر وهكى  
بو جهر باندن - گوتى : نهفه مالخويى مالا ته چوو ، كى دى ته ب خودان  
كهت ؟

ژنكى گوتنه وان : ب خودى من نهو نه نياسى به ( رازق ) من نهو يى نياسى  
خورا . يه عنى : نهوى رزق ددا مه نه نهو بوو ، خودى بوو ، ونه گهر نهو مر  
وچوو خودى يى ماي ونامرت ﴿ وفي السماء رزقكم وما توعدون ، فورب

السماء والأرض إنه لحق مثلما أنكم تنطقون ﴿﴾ ، مَرُوقِينَ خودی باوهری یه کا موکم ههیه کو ئهوی رزقی ددهت ب تنی خودی یه ، ونه کهسی دی یه ، لهو ئهو قهت خه ما رزقی ناخون .

۲- ( حاته می ئه صه م ) نافه کی گه شه ل عه سمانی زوهدی ، ونیزیکه بیژین ئه و وزوه د دیرۆکا ئیسلامی دا دو په یقن بو ئیک رامانی .. ئه فی حاته می ساله کی کره دلی خو بچته هه جی ، وده می وی ئه ف داخوازا خو بو خه لکی مالا خو فه گیرای وان گوتی : چوونا هه جی ب هه یقان فه دکیشت وگافا تو چووی ئه م دی مینینه بی خودان ، تو دی مه بو کی هیلی ؟ کچه کا حاته می هه بوو ژ بابی خو فیری زوهدی بووبوو ، وی گوت : بهیلن بلا بچت ، رزقی مه د دهستی وی دا نینه .

حاته م چو ، هه چی تشتی د مال دا هه ی عه یالی وی خوار هه تا چو نه مای ، ئینا هه می یان گازنده ژ کچکی کرن وگوتی : ئه گهر تو نه بای بابو نه دچوو ، ئه فه ئه م ماینه برسی ، کی دی پاری یه کی نانی ده ته مه ؟

فان گوتین وان کچک ته نگاف کر ، ئینا وی ده ستین خو سه رئه قراز کرن وهوارین خو گه هاندنه خودی : یا ره بی ! تو من شه رمزار نه که ، تویی رزقی ددهی تو د هه وارا مه وه ره .

وی رۆژی میری باژیری د بهر خانیکی وان را بۆری ، گازی زه لاهه کی خو کر : کانئ هنده ک ئافی بو من ژ فی مالی بینه ئه زی تینیمه . پشتی ئاف بو ئینای ، میری پسار کر : ئه فه مالا کی یه ؟

هنده کان گوت : مالا حاته می ئه صه مه ، میری ناف وده نگین حاته می وزوه دای گوهر لی بووبوون ، قیا سه را حاته می بدهت ، وگافا قه ستا مالی کری زانی حاته می چوویه هه جی وکهس نه مایه چافی خو بده ته مالا وی ، ئینا

میری ئەو پارین زېړی یین فې ھەین ھەمی ھاڤیتنە بەر عەیلای حاتەمی وگوتە  
هەقالین خو : ھەچی یی ئەز بقیم دی وی کەت یا من کری ، وان زی چاف  
ل میری کر وزپړین خو دانانە وپړی وچوون .

کەیفە کا مەزن بو عەیلای حاتەمی چیبوو ، گاڤا کچا حاتەمی ئەف چەندە  
دیتی کرە گری ، دەیکا وی گوتی : تە خپەرە ؟ کچکی گوت : دادی ئەز  
ژ بەر ھندی یا دگرم ئەفە عەبدەک بوو بەری خو دا مە ئەم زەنگین بووین ، فیجا  
پا دی چاوا بت ئە گەر خودی بەری خو بدەتە مە ؟

۳- وسەرھاتی یا دەیک و بایین عەبدللاھی کورې موبارەکی :

موبارەک مروڤەکی ترک بوو ، قەدەری بو وی حەزکر بوو ئەو بیتە عەبدی  
مروڤەکی ھەمەدانی یی دەولەمەند ، ئەفی مروڤی بیستانەکی تیر داروبار وخودان  
بەرھەم ھەبوو ، لەو وی فەرمان ل عەبدی خو موبارەکی کربوو کو حەرەسی یی  
ل فی بیستانی بگرت .. رۆژەکی زەلامی ھەمەدانی چوو ناف بیستانی وگوتە  
عەبدی خو :

- ھنارەکا شرین بو من بینە .

ئەو چوو ھنارەک بو کر وئینا ، گاڤا خودانی ھنار شکاندی وتام کری یی دیت  
یا ترشە ، ئینا ب عیجزی فە گوتی :

- من گوتبوو تە ھنارەکا شرین بو من بینە نە یا ترش !

ئەو چوو ھنارەک ژ بنەکا دی کر وبو سەیدە خو ئینا ، پشتی سەیدە تام  
کری یی ئەو زی ترش دەرکەفت ، ئینا لی حەیتانەد وگوتی :

دیارە تو ترشی وشرینی ژیک جودا ناکە ی ؟ ئەزی دبیژمە تە ھنارەکا  
شرین .. ئەو چوو ھنارەکا دی ئینا ئەو زی ترش دەرکەفت ، عەقل د سەری  
خودانی نەما ، گوتی :



- تو نابيژييه من مهسه لا ته چيه ؟

موباره كي ب ئه ده به كي زيده هه گوتي :

- ل من نه گره ، ب راستي نه ز نزام كيژ بن يا شرينه و كيژ يا ترشه !

زه لامي باوه نه كر .. گوتي :

- ما ته تام نه كرى به هنانان ؟

وى گوت :

- نه خير .. ته نه زى دانايمه بهر بيستاني دا حه ره سى يى لى بگرم وته

ده ستويى نه دا يه من كو ژى بخوم .

خودانى بيستاني ژ گوتنا وى حيه تى ما ، وچه ند روزه كان زي ره فاني لى

كر دا بزان ت كانى گوتنا وى يا راسته يان نه ، وپشتى راستى يا گوتنا وى بو

خودانى بيستاني ئاشكه را بووى نه و د چاقين وى دا مه زن بوو ، وئيه ته ك كره

دلى خو .. روزه كي چوو ناف بيستاني و ل نك موباره كي روينشت و گوتي :

- من كچه كا هه گه له ك كه سان يا خواستى ، تو بيژى نه ز وى بده مه كي ؟

موباره كي گوتي :

- ل جاهليه تى بهرئ خه لكى ل مالبات و مال مه زنان بوو ، و جو هى يان

بهرئ وان ل زه نكيني يى بوو ، وفه لان بهرئ وان ل جوانى يى بوو ، و بهرئ قى

ئومه تى يى ل دينى .

زه لامي هه مه دانى زقرى مال و سوحه تا عه بدئ خو بو ژنكا خو قه گيړا ،

و گوتي :

- ژ موباره كي پيښه تر كه س ب كيړ كچا مه ناييت ..

ووی موبارهك ئازاكر وكچا خوڭ دايى ، وچونكى كۆمبونا وان بوڭ خودى بوونەبوو چو تىشتىن دى ، خودى بەرەكەت ھافىتە قى كۆمبونى و ( عبدللاھى كورې موبارەكى ) بەرھەمى قى دارا پىرۆز بوو ..

۴- و كانى چاوا مروفاينى يا خودى ئىكا ھند ژ خودانى چى دكەت كوئەو - د رىكا خودى دا - ب كەيف خوڭ ھافىتە د ئاگرى دا ، و ھسا ئەو خودانى وھ لى دكەت كو قىانا پىغەمبەرى ژى - سلاف لى بن - د سەر ھەر تىشتەكى را بىيت : ل رۆژا ئو خودى دەمى ئەو ب سەرى مۇسلمانان ھاتى يا ھاتى ، كافران كرە دەنگ كو وان پىغەمبەر - سلاف لى بن - يى كوشتى ، منافقان ئەف سوحبەتە گەھاندە مەدىنى ، ( ئەنەسى كورې مالكى ) دىيژت : رۆژا ئەم ژ شەرى ئو خودى زفرىن ژنكە كا ئەنصارى ھاتە بەراھى يا مە ؛ دا پسار مروفىن خوڭ بكت ، و گاڤا وى زانى كو باب و كور وبرا وزەلامى وى ھەمى يىن ھاتىنە شەھىدكرن وى گۆت : بىژنە من ھالى پىغەمبەرى چىھ ؟ ھندەكان گۆتى : يى باشە ئەفەيە د گەل مە .

وى گۆت : كانى نىشا من بدەن .. و گاڤا ھاتى يە راستا پىغەمبەرى - سلاف لى بن - گۆتى : ئەز ب داىباب ڤە گۆرى تە بم ئەى پىغەمبەرى خودى پىشتى تە ھەر موصىبەتە كا ھەبت يا سڤكە ، ھندى تو يى ساخ بى ئەز خەما تىشتەكى ناخۆم .

۵- ودقئىت ژ بىر نەكەين كو ھەر ل رۆژا ئو خودى دەمى تەنگافى ل سەر مۇسلمانان دژوار بووى ، و گەلەك خودان باوەر ھژباين وسەرپىن رىكال بەر بەرزە بووين ، و ھندەكا شىرپىن خوڭ دانايىن و گۆتىن : ما شەر كرنا مە بوچى يە مادەم پىغەمبەر - سلاف لى بن - ھاتە كوشتن ؟ ھنگى كتەكا كىم ژ خودان باوهران كو ب تېلېن دەستى دھاتنە ھژمارتن ل سىنگى شەرى بوون و ل دۆرىن

پيغهمبهرى بوو بوننه مهتاله كى پيلايى دا چو نه خوښى نه گهڼى ، ئيك ژوان (نوسه يابيا كچا كه عى نه نصارى) بوو ، له وال وى رږږى سيزده برين كه فتيه نه لىشى .. (نوسه يابى) ل مهيدانا شهرى كورى خو عهبدللاه ديت يى برينداره وخوين يا ژ برينا وى دزيت ، ب نك څه چوو برينا وى گريدا وگوتى رابه شهرى بكه !

٦- هند كچا عوتبهى له وال رږږا ئو خودى دهمى ديتى شكهستن كه فته ناف ريزين له شكهرى قوره شى يان پاشپاشكى رهځى وقيژى وهاوارين وى وهه قالين وى دگه هشتنه عه سماني ، پشتى مروځاينى يا خودى هلبژارتى وهاتى به د ئيسلامى دا د گهل له شكهرى موسلمانان چوو شهرى يهرموو كى ، گاڤا وى ديتى شهر دزوار بوو وكوشته كا مهزن كه فته ناف ريزين موسلمانان ، دارى خيځه تى هلكيشا وگوته هه قالين خو ژ څنكين موسلمانان له وين ل پشت له شكهرى : وهرن دا دهه وارا موسلمانان بچين .. ب ستوينا خيځه تى !

ژن وعيادهت وترسا ژ خودى :

مروځين خودى - وه كى گه له ك جاران مه گوتى - ههر تشته كى دنيايى دهمى نهو دينن بيهنا مرنى ژى سهح دكهن .. (يه زيدى رهققاشى) د بيزت : )) نه گهر ته بى خوش بت بهرى خو بدهيه خوښى يين دنيايى ، وهره دا بو ته بيزم : د گهل جهنازه كى دهر كه څه نه ها دنيا ههمى نهوه ، وههر گاڤ قهبره كى د گهل خو هلگره ، نه ئاخا وى ، هزرا وى .. )) .

١- (عهفيرا) ژنه كا خودى ناس بوو ، هند عيادهت دكر خه لكى نافي وى كربوو (عهفيرا عيادهت كهر) ، رږږه كى هنده ك مروځان گوتى : دوعايان بو مه ژ خودى بكه ، وى گوت : نه گهر گونه هكار لال بان پيرا هه وه ههر نه دشيا باخفت ، بهلى پا خودى خودانى قهنجى يان نه مرنى مه گونه هكاران

کریه کو دو عایان ژئی بکهین ، خودی جهی ههوه بکهته بهحهشت و مرنی قهت  
ژ بیرا ههوه نه بهت !

دیژن : جاره کی برازیه کی ( عه فیرایی ) ژ سه فهره کی زقیری ، هنده ک  
چوونه نک دا مزگینی یی بده نی ، وی کره گری ، وان ب مهنده هوشی قه  
گوتی : نه قرۆ رۆژا کهیف وخوشی یی یه فیجا نه قه چ گری یه ؟ وی گوت :  
نهز ب خودی کهمه هندی بیرا ئاخهره تی د دلی من دا ههبت کهیف جهی خو  
ل نک من نابینت ، هاتنا برازیی من بیرا من ل وی رۆژی ئینا ده می ئهم بو نک  
خودی دئیینه برن ، فیجا وی رۆژی یی ب کهیف ویی ب خهم ژیک جودا  
دین .

۲- ههر تشته کی هه ی بیرا وان ل مرنی دئیته قه ، لهو ب شهف ورۆژ  
ئهو لهزی ل خیران دکهن ، ( ریاحی قه یسی ) ئیک ژ وان مروقان بوو یین کو  
ب شهف ورۆژ عیاده تی خودی دکر ، جاره کی وی ژنه ک بو خو ئینا ..  
گوت : نهز دی وی جهر بینم کانئ ئه و چ ژنه ؟ ل شهف کی وی خو د خه و بر ،  
ل چاریکا ئیکی ژ شهف ژنک رابوو دهست ب نفیزان کر وگازی زهلامی خو  
کر ، گوتی : هلو نفیزان بکه ، وی گوت : باشه دی رابم ، وړانه بوو .. گاڤا  
بوویه نیفا شهفی جاره کا دی گازی کری ، وی گوتی : باشه ، وړانه بوو ،  
ل دویمای یا شهفی جاره کا دی ژئی خواست ئه و رابت عیاده تی بکهت ، بهلی  
ئه وړانه بوو ، ئینا وی ریاح هژ هژاند وگوتی : شهف بووری و عیاده تکه رین  
قهنجیکار جقاتین خو دانان وهیشتا تو بیی نفتستی یی ، ههوار نه قه کی بوو تو  
ل من کری یه بهلا ؟

۳- ( حه بیی عه جه می ) ژی ژنه ک هه بوو ب شهف بو کرنا عیاده تی ئه و  
هشیار دکر وگوتی : رابه ، شهف بووری ، وړیکه کا دویر یا ل بهرا ته هه ی ،

زاده كئى كيم ته يى هه ، و كاروانى يا بهرى مه يا را كرى وئهم يين  
هيا لين ..

۴ - رۆژه كئى ژنكه هاته مالا ئىمام ئه جمده دى و دو پسيار ژى كرن ، گۆتى :  
ئەز ژنكه كم تەشى دريسم ، هندهك جاران ب شەفئى چرايى من فەدمرت ئەز  
ل بهر تافه هەيئى تەفنى خۆ دريسم ، ئەرى رۆژا د دويش را دەمى ئەز تەفنى خۆ  
دەمه بازارى دا بفروشم ما ئەز بيژمه بكرى ئەفە ل بهر چرايى من يى چيكرى  
وئەفە ل بهر تافه هەيئى ؟

ئىمامى گۆتى : ئەگەر ل نك ته جوداهى يەك د ناقبەرا هەردو تەقنان دا هەبت  
دقيت بۆ ديار بكەى .

وى گۆت : ئەى ئىمام ! ئەگەر مەروفي نساخ بنالت ما ئەفە دى بته گازنده  
ژ خودى ؟

ئىمامى گۆت : هيشى يا من ئەوه ئەو بته گازنده بۆ خودى نه گازنده  
ژ خودى .. پشتى ئەو ژنك ژ مالا ئىمامى دەرکەفتى ئىمامى گۆته كورپى خۆ :  
من گوھ لى نهبوويه مەروفەك فان رەنگە پسياران بکەت ، كانى ب دويش فى  
ژنكى دا هەرە و بزانه كانى دى چته كيژ مالى ..

عەبدللاھى كورپى ئىمامى دييژت : ئەز ب دويش دا چووم من ديت ئەو چوو  
مالا ( بشر ئەلحافى ) من پسيارا وى كر ، گۆتن : ئەو خويشكا بشرى يە ،  
گاڤا ئەز زقريمە نك بابى خۆ و من گۆتى يى : ئەو خويشكا بشرى بوو ، وى  
گۆت : من دزانى ئەف ژنه دقيت خويشكا بشرى بت .. وئەفە ئەو بوو يا  
بشرى دگۆت : من زوهد يا بۆ خۆ ژى گرتى .<sup>(۱)</sup>

---

(۱) ئەف بابەتە مە ژ كتيبا خۆ ( د گەل مەروفين خودى ) وەرگرتى يە ؛ دا كو مفا ژى بيته  
ديتن .

## نه حکامین پاقری یی و بی نقیژی یی

ل دهسپیکي دقيت ژ بير نه کهين کو هندي ژنه - وه کی زهلامی - یا ( موکه اللهفه ) نهو ژی ل دویف شیان وپی چیبوونا خو کاری پیخه مهت زیندی کرنا راستی یا شریعه تی د دلان دا وهك پیگافهك ژ بو فقه گه راندنا حوكمی ئیسلامی وسه رفه رازی یا موسلمانان ، بهلکی پشکا مه زنتریا قی باری دكه فته سهر ملی ژنی ؛ چونکی نهوه یا کو دشیت ( لبنه یا ) سهره کی د ئافهی یی جفاکا ساخلم دا - کو ماله - درست ئافا بکهت ..

ژ بهر قی چهندي یا غه رب نینه کو ئیسلامی پوینته یه کی مه زن ب ژنی کربت ونهو ژی د دهلیفه یا ( عه قیدی و عباده تی وسلو وکی ) دا ل ریزا زهلامی دانابت ، وچونکی ئه ف ههر سی به ژ ژنی ژی - وه کی زهلامی - نائینه قه بویلکرن ئه گهر ل دویف مه نه جی کیتابی وسونه تی نه بن ، یا د جهی خو دا بوویه قورئان وسونه ت پشکه کا بهرچاف ژ ( دهقین ) خو بو فقهي ژنی تهرخان بکهن ، ویا فدر بوویه بو ژنا موسلمان هندي ژ نه حکامین دینی خو بزانت کو دینداری یا وی پی درست بیت ونه که فته چو خه له تیان .

وبابه تی ژ هه میان پتر په بوه ندی به کا ئیکسهر ب ژنی و عباده تی وی فقه هه ی ، بابه تی نه حکامین پاقری یی و بی نقیژی یی ؛ چونکی پشکه کا مه زن

ژ عیبادەتیی وی پەيوەندی ب فی بابەتی فەهیه .. و ژ بهر کو ئەف بابەتە ئیک ژ وان بابەتانه یین ژنا موسلمان شهرم دکەت زوی ب زوی پسیری ژئی بکەت و ل دویش بچت ، لەو دی بینی ئیک ژ وان بەرانبەر شان مەسلان حیبەتی رادوەست و نزانست دی چ کەت و د ئەنجام دا دکەفتە خەلەتیان ، فیجا پیخەمەت چارەسەری یا فی گرفتاری یی مە خواست فی بابەتی نامادە بکەین .

راستی یەکا فەر :

( شهرم ) ئیک ژ وان ئەخلاقانە یین ئیسلامی بەری موسلمانن . چ ژن بت چ میر - داینی ، وییغەمبەر - سلاف لی بن - د گۆتنەکا خو دا ئاشکەرا دکەت کو شهرم پارچەیه کە ژ باوەری یی<sup>(۱)</sup> ، مەعنا : باوەری یا مروفی موسلمان پیک نائیت ویا تمام نابت هندی ئەو یی بی شهرم بت . بەلی ئەگەر مەسلە داخواز کرنا زانینی وخو شارەزا کرنا د دینی دا بت دقیت مروف شهرمی بدانتە لایەکی ؛ چونکی ئەگەر مروفی شهرم بو خو کرە هیجەت بو خو نەشارەزا کرنا د دینی دا هنگی گەلەک ئەحکامین فقهی دی هەبن ئەو پی نزانست ، لەو دی کەفتە خەلەتی یی .

د گۆتنەکا خو دا دەیکا موسلمانان عائیشا - خودی ژئی رازی بت - دبیزت : « باشترین ژن ژنن ئەنصاریان بوون شهرمی ئەو ژ هندی پاشقە لی نەددان کو ئەو خو د دینی خو دا شارەزا بکەن »<sup>(۲)</sup> . یەعنی : هەر تەشتەکی ئەو هەوجە ببانی ژ کاری دینی خو دا ئین پسارای وی ژ پییغەمبەری - سلاف لی بن - کەن بیی کو شهرم وان ژ فی چەندی پاشقە لی بدەت ،

---

(۱) دەمی دبیزت : ﴿ الحياء شعبة من الإيمان ﴾ وهکی ( بوخاری وموسلم ) ژ ( ئەبوو هورەیرە ) فەدگوھیزن .

(۲) وهکی ئیمامی ( بوخاری ) ژئی فەدگوھیزت .

هەتا جارەكی - وەکی ( بوخاری ) ژ نەفسیا پیغەمبەری زەینەبا کچا ( أم سلمه ) یی قەدگۆهیزت - ( أم سلیم ) - ئەنصاری ھاتە مالا پیغەمبەری - سلاڤ لی بن - پسارەك ژئ کر ، وھندی ئەو پسار یا ب شەرم بوو عائیشای و ( أم سلمه ) یی دەستین خوۆ ب سەر وچاقین قەنان .

و د ھەدیسەکا دی دا عائیشا دیبژت : « جارەکی ژنكەك ھاتە نك پیغەمبەری - سلاڤ لی بن - و پسارەکا ژنكان ژئ کر ، پیغەمبەری - سلاڤ لی بن - ب کورتی بەرسقا وی دا ، ژنکی گۆتی : چاوا ؟ ( یەعنی وی دقیا بەرسقی ب فرەھی بزانت ) پیغەمبەری گۆتتا خوۆ دوبارە کر ، جارەکا دی ژنکی گۆتی : چاوا ؟ ئینا پیغەمبەری - سلاڤ لی بن - گۆتی : ( سبحان الله ) وگۆتتا خوۆ جارەکا دی گۆتە قە ، عائیشا دیبژت : ئینا من ئەو ژنك ویقە بر و من مەسەلە ب فرەھی بوۆ وی گۆت » (۱) .

ژ قان ھەدیسان دئیە زانین کو ژنکین صەحابی یان بی شەرم پسارین خوۆ یین دینی ژ پیغەمبەری - سلاڤ لی بن - دکرن ؛ چونکی وان باش دزانی شەرم بوۆ ئا موسلمان نابتە ھیجەت کو ئەو ئەحکامین دینی خوۆ نەزانت وعیبادەتی وی بی خەلەت بت . ئەقە راستی یەكە دقیت ئەم بەری ھەر تشتەکی ل بەر چاقین خوۆ بدانین دەمی ئەم بەحسی وان ئەحکامین فقھی دکەین یین پەیوەندی ب ژنکی قە ھەین .

ئەف بابەتە :

ل سەر بناخەیی قی راستی یا بوۆری زاناین ئومەتی و فقھزانین ( موحتەھد ) ھەر ژ بەری وەرە پویتە یەکی مەزن یی دایە بابەتی ( ئەحکامین پاقری بی و بی نقيزی بی ) ل نك ژنا موسلمان ، وگەلەك نفیسین وکتیب ل دۆر داناینە ؛ دا

(۱) بوخاری قی ھەدیسی قەدگۆهیزت .



ژنکین موسلمان لى بزقړن وئەحکامین شهرى یین دورست بو خو ژى بزنان .. بهلى چونكى ئەف نفیسینین وان ب زمانى عهرهینه ومن نه بهیستی به كهسه كى تشتهك ب كوردی ل دور قى بابەتى نفیسی بت ، وچونكى هژماره كا نه یا كیم ژ ژنکین مه نهشین ل فان کتیبان بزقړن و ب دورستى تى بگههن مه خواست كورتى به كى ژ قى بابەتى ب كوردی بنفیسین وبدانینه بهر دهستى خویشکین خو یین موسلمان دا ئەو مفای بو خو ژى وهربگرن .<sup>(۱)</sup>

ژن وداخوازکړنا علمى شهرى :

داخوازکړنا علمى شهرى تشته كه ئیسلامى ل سهر مروقى موسلمان فەركری به چ ژن بت چ میړ ؛ چونكى مهخسه د بزانینا علمى شهرى ئەوه مروقى وى علمى د ژینا خو یا رۆژانه دا ب كار بینت ، وکانى چاوا زهلام یى ( موکهللهفه ) دینى خو بزانت و د ژینا خو دا ب كار بینت ، ههر وهسا ژنا موسلمان ژى یا ( موکهللهفه ) ئەحکامین دینى خو بزانت ونیشا خویشکین خو یین نهزان ژى بدهت ، وئهو ب قى واجبه كى دینى ژ سهر خو رادكهت وچه ندى پشكداری یى د بهلافكرنا شریعه تى دا دكهت . ومروقى ئەگەر بهرى خو بدهته لایى ( تهكلیفی ) د شریعه تى دا دى بینت ئیسلامى یه كسانى به كا تمام د ناچه را ژن ومیړى دا كری به ، ونیشان ل سهر قى چه ندى ئایه تا ( ۱۹۵ ) یه ژ سووره تا ( آل عمران ) ئەوا خودایى مهزن تیدا ئەمر دكهت :

﴿ فاستجاب لَهُمْ رَبُّهُمْ أَنِّي لَا أَضِيعُ عَمَلًا عَامِلٍ مِنْكُمْ مِنْ ذَكَرٍ أَوْ أُنْثَى بَعْضُكُمْ مِنْ بَعْضٍ - ئینا خودى دوعا وان قه بویل كر و د بهرسقا وان هات كو هندی ئەزم

---

(۱) ئەف بابەته د بنیات دا ( موحاضرهك ) بوو مه ل سالا ( ۱۹۹۵ ) ى د كاسپته كى دا تۆمار كړبوو ، وحهمد بوو خودى مفایه كى باش ژى هاته دیتن .

ئەز كاري كەسەككى ژ ھەو ھەرزە ناكەم، چ يى نىر بت چ يى مى، ھوين  
د براينى يا دينى وقەبويلكرنا كريان و جزادانى دا ۋەكى يەكن ﴿ .

مەننا ژن ومير ھەردو د تەكليفى و پى رابوونا ب واجباتان دا ۋەكى  
ئىكن ، لەو ژ ھەر دووان دئىختە خواستن ئەو خو د ئەحكامين دينى دا شارەزا  
بەكن ، و ئەحكامين ژ ھەمىيان فەرتر بو ژنا موسلمان كو بزانت - ۋەكى مە  
گوتى - ئەحكامين پاڤزىيىنە ( أحكام الطهارة ) .

ژن و ( تەكليف ) :

د شريعةتى دا تەكليف ژنى زى ۋەكى يا زەلامى ب بالغوونى دەست پى  
دكەت ، ۋەندى ژن يا بالغ نەبت ب كاريئانائەحكامين شەرى ل سەر وى  
واجب نابت ، وپسار ل فيرى ئەفەيە : ئەرى بالغوونا ژنى كەنگى وچاوا دەست  
پى دكەت ؟

بو بەرسف دى بىژين : ھنگى ژن بالغ دبت دەمى ئەو بو جارا ئىكى خوينى  
دبينت ، ئەو خوينى پىشتى ھنگى ئەو ھەيقانە و ب رەنگەكى عەدەتى دبينت .  
ۋچونكى ھاتنا فى خوينى تىشتەكى طەبىعىيە ونە ژ بەر چو ئىش و نساخىيانە ،  
ۋ ھەر ھەيف دوبارە دبت ب عەرەبى دىژنە فى عەدەتى : ( العادة الشهرية )  
و ژ بەر كو دەمى ژن دكەفتە فى ژفانى ئەو ژ كرنا نقيژان دئيتە عەفيكرن كورد  
دىژنە فى دەمى : دەمى بى نقيژىيى .

ۋ ھىژاى گوتىيە كو بارا پتر ژ دىكان ئەفرو ب ھىجەتا ھندى كو شەرمە  
ئەو فى سوحبەتى د گەل كچا خو يا جحيل بكەت ئەو سەربورا خو يا ھەيقانە  
د گەل فى عەدەتى - زىدە بارى زانينين خو د فى مەجالى دا - بو وى نافەگيرت  
لەو كچ دەمى بو جارا ئىكى خوينى دبينت و دكەفتە فى عەدەتى حىبەتى دمينت

ونزانت کانئ دی چ کت ، و ژ نهجامئ قئ نهزانیئ ئەو دی کەفته هژماره کا خەلەتی یین وەسا یین قوسویری یی دئیخه عیبادەتی وی .

چەند پسیارەك :

ئەف خوینا ژن ب دیتنا وی بالغ دبت چیه ؟ ویا چاوايه ؟ وکەنگی دئیته دیتن ؟ و دەمی دیتنا وی چەند فەد کیششت ؟ ئەفە چەند پسیارە کین فەرن دقیت ژن یا پی زانا بت ؛ دا نه کەفته چو خەلەتی یان ، و ل قییری ئەم ب کورتی بەرسقئ ل سەر بدەین .

ل دۆر پسیارا ئیکئ : ئەف خوینا ژن دینت وپی بالغ دبت چیه ؟ دی بیژین : ( حەبض ) - وەکی مە گۆتی - ئەو خوینە یان ژن ب رەنگە کئ طەبیعی دینت ، یەعنی : هاتنا وی خوینی تشتە کئ سورشتی یە ونه ژ بەر چو نساخی یان یان بوونا بچوکی یە ، و حەتا ئەف خوینە بیته هژمارتن ( خوینا عادەئ ) دقیت ( سەیه لان ) - وەکی ب عەرەبی دبیزن - تیدا هەبت ، یەعنی : دقیت خوینە کا رۆن بت و ژ مالبچوکی بیت و دەر کەفته ژ دەر فە .

و ل دۆر رەنگی قئ خوینی کانئ یی چاوايه ؟

هەر چار مەزەه ب ل وی باوەرینه کو رەنگی عەدەتی یی خوینا حەبضی یی رەشه ، و دەلیلئ وان ل سەر قئ چەندئ ئەو حەدیسە دا یا ( فاطمة بنت أبي حبیش ) ژ پیغەمبەری - سلاف لی بن - فەد گوھیزت کو تیدا هاتی یە : ﴿ إِذَا كَانَ دَمُ الْحَيْضِ فَإِنَّهُ دَمُ أَسْوَد يَعْرِفُ إِذَا كَانَ ذَلِكَ فَأَمْسِكِي عَنِ الصَّلَاةِ فَإِذَا كَانَ الْآخِرُ فَتَوَضَّئِي وَصَلِي ﴾ <sup>(۱)</sup> یەعنی : ئەو خوین یا رەشه وژنک دنیا سن ونه وەکی هەر خوینە کا دی یە ، و ژ بەر قئ حەدیسئ ھندەك فقھزان دبیزن : ئەگەر

(۱) ئەبوو داوود ونەسائی قئ حەدیسئ فەد گوھیزن .

خوین یا رەش نەبت نائیتە ھۆمارتن خوینا ھەییسی ، بەلی یا دورست ئەو ھە  
ئەگەر خوین یا سۆر بت ئەو ژى خوینا عادە ھە .

وخوین - ئەگەر یا رەش یان یا سۆر نەبت - ھەتا بیتە ھۆمارتن خوینا  
عادە ھە دقیت ل رۆژین عادە ھە بیتە دیتن ، ژ خو ئەگەر ئەو ھە ل رۆژین عادە ھە  
بیتە دیتن ئەو خوین یا عادە ھە نابت ، یەعنی : ئەگەر ژن خوینە کا زەر یان یا  
شیل یان ھەر ب ھەر رەنگە کى دى ژبلی رەشى وسۆرى بیئت بەلی ھە ل وان  
رۆژان یین عادە ھە ھەیف لی دقیت ، ئەو خوین خوینا ھەییسی نابت .

وچونکی بیتە کا ھە یا طەبیعی ژ قى خوینی دقیت ئایەتا قورئانی ناھى وى  
کرە ( اذى ) دەمى ئەمرکری : ﴿ ويسألونك عن الخيض ، قل هو اذى .. ﴾  
[ البقرة : ۲۲۲ ] وپەشقا ( اذى ) د زمانى عەرەبان دا بۆ ھەخۆشى وئیشا سفل  
دقیتە ب کارئینان .

وئەگەر پسار بیتە کرن : ئەرى ژن کەنگى بۆ جارائىكى قى عادە ھە دیتن ؟  
د بەرسقى دا دى بیژین : بارا پتر ژ فقھزانان دیژن : د ژى یى ھە سالى یى  
دا ھەتا سیژدە سالى یى - ومەخسەد بى سالىن قەمەرینە - کچ بۆ جارائىكى  
عادە ھە دیتن ، وھەر جارە کا کچە کا ھیشتا ھەبوو ھە ھە سالى دیت ، ئەو  
خوین خوینا عادە ھە نابت . ودقیت ژ بىر ھەکەین کو سەقايى وى جەھى کچ لی  
دژیت کارتیکرن ل سەر قى مەسەلى ھە ھە ، جە ئەگەر یى گەرم بت کچ زووتر  
دگەھت ، دبت ل ھە سالى یى بالغ بیت ، وئەگەر جە ژ لایى سەقاي ھە یى  
ناھجى بت وەکی دەقەرین مە کچ ل دۆرین سیژدە سالى یى بالغ دبت .

ويا زانایە کو ژن ئەگەر ب ناھ سالى ھە چوو وپىروبو ئەف عادە ل نك  
نامینت وئیدی ئەو خوینی نابینت ، وئەف ژى یە ئەو یى دیژن : ( سن الیاس -

ژیی بی هیفیوونئ ) ؛ چونکی ژن پشستی وی ژی ژ بجویکبوونئ بی هیفی دبت ، وئف ژیه کهنکی دهست بی دکت ؟

هندهك زانا دبژن : ل پینجی سالیی ، وهنده کیس دی دبژن : ل پینجی وپینج سالیی ، ودبت ل نك هندهك ژنكان ئەف ژیه پاشقهتر بچت وحهتا نیزیکی هفتی سالیی بچت ، وهر چاوا بت ئەگەر ژ پینجی سالیی پیفهتر ژنی خوین نه دیت مهعنا وی ئەوه ئەو ژ یا ژ عوزران كهفتی ، وهندی ئەو خوینی بییت - ئەگەر ههتا دویمای یا عهمری خو ژی - ئەو دی قی خوینی حسیب كهت خوینا عادهی ؛ چونکی چو دهلیل نههاتینه كو دویمای بو عادهی ههیه ، وئفه مهسهله كه ب عورف وعدهتی ژنی قه ههیه .

وپسیارا دی ئەفهیه : ئهری ئەف خوینه یا خودانا خو دئیخته بی نقیژیی ههر جار هاتنا وی چهند رۆژان قه دکیشت ؟

د بهرسقا قی پساری ژی دا چهند گۆتهك ههنه ، فقهزانین شافعیان دبژن : کیمتیرین دهم ژن خوینی تیدا بییت شهفهك ورۆژه كه ، ودریژترین دهم پازده رۆژن ، یهعنی : ئەگەر ژنی ژ بیست وچار سهعتان کیمتیر خوین دیت وخوین راوهستیا ئەو خوین نه یا عادهیه ، وئگەر ژ پازده رۆژان پتر دیت ژ رۆژا پازدی پیهل ژ عادهی نابت .. ئەفه ل نك فقهزانین شافعیان .

و ل نك زانایین مهزههبی حهنهفی : کیمتیرین دهم سی شهف سی رۆژن ، ودریژترین دهم دهه رۆژن .

وئمام مالک دبژت : چو توخویدان بو کیمتیرین ودریژترین دهمی بو عادهی نین .

وفقهزانین مهزههبی حهنبهلی دبژن : د مهسهلا دهمی عادهی دا دقیت ئەم ل عورفی ژنكان بزقرین ، کانی عهدهتی ژنكان ل وی جهی یی چاوايه ؛ چونکی

جه ژ جهی یی فەر قه ، وهر ژنکهك ب دهمی عادى خو پتر یا زانیسه .. وئەف  
 بۆچوونه یا دورستره ؛ چونكى هەر ژنكهكى عادى خو یی تايهت ههیه ،  
 وئەو دزانت كانى هەر ههیف چهند رۆژان ئەو خوینی دبینت ، وعادى بارا  
 پتر ژ ژنكان شهش ههتا هفت رۆژان فەدکیشت .

ونیشانا خلاسیونا عادهی ئەو رهنگی خوینی فەبیت ههتا سپی دبت ،  
 هنگی عاده ب دویمای دئیت وخوشویشتن ل سەر ژنى واجب دبت ، وئەو  
 دکهفته د دهمی پاقری یی دا .

و ل دۆر دهمی پاقری یی یی کو دکهفته نافهرا دو عادان دا كانى چهند  
 رۆژه ؟

فقهزان دبیزن : پشتی ژن پاقر دبت دقیت ژ پازده رۆژان کیمتر پاقر  
 نهمینت ، فقهزانیان حهنبهلیان تی نهبن ئەو دبیزن : دقیت ئەو سیزده رۆژان  
 وپتر بمینت ، فیجا ئەگەر ژنهك ژ عادهی دهر كهفت و بهری سیزده رۆژ - یان  
 پازده رۆژ ل دویف بۆچوونا دی - د سهر را ببۆرن خوینی ببینت ، ئەو  
 خوین خوینا حەبضی نابت ، بهلكی دی حسیب بت ( ئستحاضه ) .

وئەگەر هات وژنهكى د نافهرا رۆژین عادى خو دا دهمهكى پاقری یی دیت ،  
 ئەو دهم ژى ل نك فقهزانیان شافعی و حهنبهلیان ژ عادهی دئیت هژمارتن ، بۆ  
 نموونه : ئەگەر عادى ژنكهكى هفت رۆژ بن ، سى رۆژان خوینی ببینت  
 ورۆژا چارى وپینجى وشهشى چو خوینی نهبینت ، ورۆژا هفتى خوینی  
 ببینتهفه ، ئەو هەر سى رۆژین وى خوین تیدا نه دیتی ژ عادهی حسیب دبن ،  
 وئەگەر وى نهزانی كانى بهری رۆژا هفتى دی خوینی ببینتهفه یان نه ، ئەو دی  
 سهرى خو شووت و ( چوونا نشینی - جماع ) تی نهبت هەر تشتهكى بۆ ژنكا  
 پاقر دورست بت بۆ وى ژى دورسته ، ژ خو ئەگەر بهری رۆژا هفتى وى خوین

دیتہ فہ ہنگی ئەو دەمی پاقری یی وی دیتی دی ژ عادی حسیب بت ، و ئەو  
 نفیژ ورۆژی یین وی کرین و گرتین بو وی حسیب نابن .  
 و ل نك فقهزانین مالکی و حەنبەلی یان : ئەو دەمی پاقری یی یی دكە فته  
 د ناڤهرا رۆژین عادی دا ژ عادی نائیته هژمارتن ، لەو دڤین ژن خو بشووت  
 و وه کی ژنکا پاقر عبادەتی بکەت ، و ئەگەر هات و بهری رۆژین عادی وی یین  
 عەدەتی ب دویمای یین وی خوین دیتە فە ئەو خوین دی حسیب بت خوینا  
 عادی ، و ئەو رۆژی و نفیژین وی ل وان رۆژین پاقری یی گرتین و کرین دی  
 ددورست بن .

عاده .. و دو رهنگین ژنکان :

ژ لای ( تەنظیما ) عادی ژنکی فە ژن ئیک ژ دووانه :

۱ - یان عادی وی یی ( تەنظیمکری ) یه و ئەو دزانت هەر هەیف ئەو هەندە  
 رۆژان خوینی دینت پاشی پاقر دبت ، و ئەفە ئەو یا ب عەرەبی دیژنی :  
 ( المعتادة ) .

۲ - یان ژ عادی وی نه یی ( تەنظیمکری ) یه ، هەر هەیف  
 ب رەنگەکی یه و کیم وزیدەیی ب رەنگەکی نه یی ریک و پیک دكە فنی ،  
 و ئەفە ئەو یا ب عەرەبی دیژنی : ( المتحيرة ) .

و هەر ئیک ژ فان ئە حکامین خو یین تایبەت هەنە ، ل قیری ئەم دی  
 ب بهر فرەهی ل سەر ناخفین .

أ - ژنکا ( موعتاد ) :

ژنکا ( موعتاد ) - وه کی مه گۆتی - ئەو یا دزانت هەر هەیف چەند رۆژان  
 عادی وی فە دکیشت ؛ چونکی وی هەمی هەیفان عادی ب ریک و پیک  
 هەیه ، و ئەف ژنکە دبت ئەو بت یان خوینا عادی ژ خوینا دی جودا بکەت

وهنگى دېيىڭى : ( المعتادة المميزة ) ودېت ئەو نەبت يا خوينى عادهى ژ خوينى دى  
جودا بىكەت دېيىڭى : ( المعتادة غير المميزة ) ، ودېت ھندەك جاران ( خەلەل )  
بىكەتتە عادى قى ژىكا ( موعتاد ) ژى ، ووەكى ھەمى ھەيخان نەبت ، وئەو  
خەلەل ئىك ژ سى حالەتان بت :

۱ - يان ئەو ژ رۇژىن خو يىن عەدەتى پتر خوينى بىيىت .

۲ - يان ئەو ژ رۇژىن خو كىمتر خوينى بىيىت .

۳ - يان پىشتى عادى وى خلاس دېت ئەو خوينى بىيىتتەقە .

### پىشكا نىكىس :

ئەگەر عادى ژىكەكى شەش رۇژىن ، ووەسا چى بىت جارەكى ژ شەش  
رۇژان پتر ئەو خوينى بىيىت ، بەلى ب وى شەرتى ئەو رۇژىن ئەو خوينى تىدا  
دېيىت ھەمى ژ درىژترىن دەمى عادى درىژتر لى نەئىن<sup>(۱)</sup> ، ل نك ھەمى  
فقھزانان ئەو رۇژىن ھەمى ژ عادى حىيىب دېن . وئەگەر ژ درىژترىن دەمى  
عادى درىژتر لى ھات ، يەنى : ژ دەھ رۇژان يان پازدە رۇژان پتر وى خوين  
دېت ، ئەقە دى ئىك ژ دووان بت :

- ئەگەر وى خوينى عادى ژ يا دى جودا كر ، رۇژىن ئەو خوينى عادى  
دېيىت دى حىيىب بن ( حەيىز ) ، ورۇژىن دى دى حىيىب بن ( ئىستىحاضە ) .  
- ئەگەر وى خوينى عادى ويا دى ژىك جودا نەكر ، ئەو رۇژىن خو يىن  
عەدەتى دى حىيىب كەت ( حەيىز ) ويىن دى دى بنە ( ئىستىحاضە ) .

---

(۱) بۇرى د گەل مە كو درىژترىن دەمى عادى ل نك ھندەك فقھزانان دەھ رۇژىن ، و ل نك  
ھندەكان پازدە رۇژىن .



### پشكا دووون :

ئەگەر ژنكە كا ( موعتاد ) كەفتە عادەى و جاره كى بەرى رۆژىن وى تمام بن ئەو پاقز بىت ، يەنى : ھەر جار ئەو شەش رۆژان خوينى بىنت و جاره كى سى رۆژان ب تى ئەو خوينى بىنت .. ( ئەف مەسەلە بەرى نو كە مە ئاخفتن ل دۆر كرى يە ل بن نافىرا چەند پسىارەك ، لەو ئەم ل فىرى دوبارە ناكەينەفە ) .

### پشكا سىيى :

ئەگەر ژنكە كا ( موعتاد ) كەفتە عادەى و عادى وى وەكى ھەر جار بوو ، پاشى پشتى پاقز بووى و بەرى دەمى پاقزى يا وى يى عەدەتى خلاس بووى جاره كا دى وى خوين دىت ، و ئەو خوينە عادەى ويا دى ژىك جودا بكەت :  
- ئەگەر وى زانى ئەف خوينە خوينە عادەيە ھنگى ئەو دى وى حسيب كەت عادە ، و ئەگەر وەكى خوينە عادەى نەبت دى حسيب كەت ( ئستحاضە ) .

- و ئەگەر وى خوينە عادەى ويا دى ب رەنگى ژىك جودا نەكر ، ئەو خوينە وى دىتى يەفە دى حسيب بت عادە حەتا دگەھتە درىژترىن دەمى عادەى ( كو دەھ رۆژن ل نك ھىندەكان ، وپازدە رۆژن ل نك ھىندەكەن دى ، و حسيب دى ژ رۆژا ئىكى يا عادى وى بت ) و ئەو دەمى پاقزى يى يى كەفتى يە دانافبەرى دا دى ژ عادەى ئىتە ھژمارتن .

- و ئەگەر عادى وى خلاس وچەند رۆژەكان پاقز بوو و عادى وى دگەل رۆژىن پاقزى يى و حەتا رۆژا خوين تىدا دىتى يەفە ژ درىژترىن دەمى عادەى ( كو دەھ رۆژن يان پازدە رۆژن ) درىژتر لى ھات ، و ئەو رۆژىن ئەو تىدا پاقز بووى ژ سىزدە رۆژان ( يان ژ پازدە رۆژان ل دوىف گۆتەكى ) كىمتر بن ئەو خوينە ئەو دىنت حسيب نابت عادە ، و ئەگەر دەمى پاقزى يى ژ سىزدە ( يان پازدە رۆژان ) كىمتر نەبت ، و دىتنا وى بۆ خوينى ژ كىمترىن دەمى عادەى ( ئەوى

بهری نوکه مه گۆتی کانئ چهنده ) كيمتر نهبت دئ حسيب بت عاده ،  
ونه گهر كيمتر بت دئ حسيب بت ( ئستحاضه ) .

ب - ژنكا ( موته حه پيره ) :

ونهفه ئهو ژنكه يا عادئ وئ نه يئ ( ته نظيمكري ) بت ، يه عني : عادئ وئ  
ههر هه يفه كي ب رهنگه كي يه و كيم وزيده يي ب رهنگه كي نه يئ رپك و پيك  
دكه فني ، و نهفه ئيك ژ دووانه :

- يان دشيت جوداهي يئ بيخته نافهرا خوين عاده ي و خوين دى ،  
چ ب رهنگي بت ، چ ب بينئ ، وهنگي وئ چو گرفتاري نابن .

- يان ژى نه شيت خوين عاده ي ژ خوين دى جودا بكهت ، و نهفه يه يا كو  
حيه تي رادوه ست و نرانت دئ چ كهت ، لهو وئ هه وجه يي ب ئاشكه را كرنا  
هندهك ئه حكامان هه يه ، و ل فيري ئهم دئ ب كورتي ئه حكامين وئ بهرچاڤ  
كهين .

- نه گهر في ژني بو دهمه كي كيمتر ژ كيمتريي دهمي عاده ي <sup>(1)</sup> خوين  
ديت ، ئهو خوين حسيب نابت خوين عاده ي ، بهلكي خوين ( ئستحاضئ )  
يه ، و حوكمي وئ دئ حوكمي ژنكا ( موسته حاضه ) بت .

- و نه گهر ئهو دهمي ژن خويني لي ديينت دهمه كي نافنجي بت د نافهرا  
كيمتريي و دريژتريي دهمي عاده ي دا ، و لهو هند مابته پاڤر هندی ههر جار  
د نافهرا دو عادان دا دمينت ، ئهو خوين دئ خوين عاده ي بت .

- و نه گهر وئ بو دهمه كي پتر ژ دريژتريي دهمي عاده ي خوين ديت ، شەش  
حه فت رۆژين ئيكي ئهو دئ حسيب كهت عاده و رۆژين دى دئ حسيب بن

---

(1) بهري نوکه مه به حسي كيمتريي و دريژتريي دهمي عاده ي كريبو ، و گۆتيين فقهزانان  
ل دۆر في مه سه لي فه گيرابون .

( ئستحاضه ) وهكى هندهك فقهزان دىيژن ، وهنده كين دى دىيژن : پازده رۆژ دى حسيب بن عاده ، ويپن دى دى ( ئستحاضه ) بن .

وئەف ژنا ( موته حىير ) ئەگەر پاڤژ بوو پاشى پشتى دهمەكئى كيمتر ژوى دهمى هەر جار دكهفته د ناههرا دو عادن دا خوين ديتەفه ، ئەو خوين دى حسيب بت ( ئستحاضه ) ، وئەگەر ئەو دهمى ئەو تيدا پاڤژ بووى هند تئى هەبت هندی دهمى هەر جار دكهفته د ناههرا دو عادن دا ، ئەو دى حسيب بت خوين عادهى ، وئيك ژ فان هەر سئى حالهتپن بۆرى دى ل سەر ئينه ب جهنيان .

ئەحكامپن خودانا عادهى :

شريعةئى ئيسلامى هندەك ئەحكامپن تايهت بۆ وئى ژنى داناپنه ئەوا دكهفته د بئى نقيژىيى دا ، وتشته كئى فەرە ل سەر ژنا موسلمان كو ئەو خو د فان ئەحكامان دا شارهزا بكەت ؛ دا عيادهتئى وئى يئى دورست بت ، قيچا ژ وان ئەحكامان :

١- يپن پەيوهەندى ب كرنا نقيژئى فەهين : حەرامە بۆ ژنا خودان عاده نقيژئى بكەت ، وپشتى ئەو پاڤژ ژى دبت ئەو فان نقيژان قەزا ناكەت ، وئەفە رەحمەكە خودئى ب ژنى برى وبار سقكرنەكە بۆ وئى .

ومەسلە كا گرنگ هەپە گەلەك ژن هەنە خەمسارىيى تيدا دكەن لەو پيتقىيە ل قيرئى ئيشارەتئى بدەينى : دهمى ژن ژ بئى نقيژىيى خلاس دبت ( ژ عادهى يان ژ چلكان ) دقيت ئيكسەر خو بشووت و دەست ب كرنا نقيژان بكەت ، وئەو دهمى ژن تيدا پاڤژ دبت ئەو نقيژا دوى دهمى دا دئيتە كرن ل سەر وئى واجب دبت ، ئەگەر هات وئەو قيچا گەهشت خو بشووت وركاعەتا ئيكئى ژ وئى نقيژئى بكەت ، لەو دقيت ئەو ژ قەستا خو موژيل نەكەت حەتا دهمى وئى

نقیژئی دجت ، ئەگەر وی خو موژیل کر هتا دەمی وی نقیژئی دجت دقیت ئەو وی نقیژئی قەزا بکەت .. گەلەك جاران ژنەك د نابقهرا دو بانگان دا دی پاقر بت بەلی خو ناشووت هتا بانگی دی ددەت ، وەزر دكەت ئەو نقیژا بەری ئەو خو بشووت ل سەر نینه ، وئەو ب خو نه وەسایه ئەو نقیژ ژى ل سەر وی واجب دبت ؛ چونكى ب ( موجهرەد ) پاقربوونی ، ( نه كو ب خوشويشتی ) نقیژ ل سەر ژنی واجب دبنهفه .

۲- یین پەيوەندی ب رۆژیی قەهەین : گرتنا رۆژیی ژى بو ژنا بی نقیژ کارەکی حەرەمه ، بەلی جوداهی د نابقهرا نقیژئی ورۆژیی دا ئەفەیه : ئەگەر ژن پاقر بوو نقیژین بۆری قەزا ناکەت ، بەلی دقیت ئەو وان رۆژییان قەزا بکەت یین وی خوارین .

وئەو رۆژا دورست بت ژن تیدا یا ب رۆژی بت دقیت هەر ژ بانگی سپیدی هتا یی مەغەرب یا پاقر بت ، یەعنی : ئەگەر بو دەلیفەیه کا کورت ژى پشتی بانگی سپیدی ئەو خوینی ببینت ، یان بەری بانگی مەغەرب ب دەلیفەیه کا کورت ، ئەو رۆژی دی کەفت ودقیت ئەو وی قەزا بکەت ، بو نموونه : ئەگەر ژنەکی ئنیەتا رۆژیی ئینا وسپیدە بوو وپشتی هنگی ب بیست خەبەرەکا - بەری نقیژا خو یا سپیدی بکەت - ئەو کەفتە عادەى چى نابت ئەو وی رۆژی یا ب رۆژی بت <sup>(۱)</sup> ، وئەگەر وی رۆژییا خو گرت و بەری مەغەرب ب دەمەکی کورت وی خوین دیت ، ئەو رۆژی دی کەفت ودقیت پشتی هنگی قەزا بکەت .

---

(۱) وئەگەر ئەو گەهشت بت نقیژئی بکەت و ژ خەمساری نه کربت دقیت ئەو - پشتی پاقر دبت - نقیژا وی سپیدەیی قەزا بکەت .

وئەو رۆژىيىن ژن ژ بەر عادەى دخۆت - ژ رۆژىيىن رەمەزانى - وى حەقى  
 ھەى پىشتى رەمەزانى وحەتا رەمەزانا سالا دى دىيىت ئەو قەزا بکەت ، يەنى :  
 شەرت نىنە ئەو پىشتى رەمەزانى ئىکسەر وان قەزا بکەت .. بەلى ئەگەر وى  
 - ژ قەستا - رۆژىيىن خو قەزا نە کرن حەتا رەمەزانا دى ب سەر دا دىيىت ،  
 ھنگى ئەو دى يا گونەھکار بت ، وپىشتى وى رەمەزانى دىيىت ئەو ھەر وان  
 رۆژىيان قەزا بکەت ، وھندەك فقھزان دىيىن : د گەل قەزا کرنى دىيىت ئەو  
 كفارەتى ژى بدەت ( پىش ھەر رۆژەكى قە خوارنى بدەتە كەسەكى پىشتى ) ،  
 بەلى مەسەلا دانا كفارەتى چو دەلیل ل سەر نىن .

۳- يىن پەيوەندى ب كرنا حەجى قە ھەين : ژنى ئەگەر قەستا حەجى كر  
 وكەفتە د عادەى دا ، ھەمى ئەھكامىن حەجى ئەو دى ب جە ئىنت ب تنى  
 طەواف تى نەبت ؛ چونكى طەواف د موکەفتى قە دىيىتە کرن ، وبۇ ژنا بى نقيىز  
 دورست نىنە بچتە د چو مزگەفتان قە .

۴- پەيوەندىيا جنسى د ناڤەرا ژن وميران دا : ئەقە ژى كارەكى حەرامە ،  
 وپەيوەندىيا تمام چى نابت ، وەكى د قورئانى ب خو دا ھاتى ، وئەگەر ژن  
 ژ عادەى خلاس بوو دىيىت ئەو سەرى خو بشووت پاشى دى بو وى دورست بت  
 پەيوەندىيا جنسى د گەل زەلامى بکەت ، وئەگەر ئاف نەبوو ئەو خو پى  
 بشووت ، يان ژى ئاف ھەبوو بەلى ژ بەر نەخۆشى يەكى نەشيا ب كار بينت  
 ھنگى ئەو دى ( تەيەممومى ) گرت ودى بو زەلامى حەلال بت .

۵- خواندن و دەستكرنا قورئانى : ل دۆر خواندن و دەستكرنا قورئانى بو ژنا  
 خودان عادە - ويا چلكدار ژى - زانايان دو بوچوون ھەنە :  
 يا نيىكى : چى نابت بو وى ئەو قورئانى بخوينت يان دەست بکەتى .

يا دوھون : دورسته بۆۈي ئو قورئانئى بخوينت ودهست بكهتئى ژى ،  
ئوئف بۆچوونه دورستتره ؛ چونكى چو دهللين دورست ل سهر نه دورستئىي  
نين .

ئوئگهر ئو قورئانئى بخوينت بيى دهست بكهتئى ، گهلەك زانا ديئژن :  
ئوئف چەندە يا دورسته .

۶- مانا د مزگهفتئى قه : چئى نابت ، بهلى ئوئگهر هات وتئى بۆرى بيى لئى  
راوہستت ئوئف چئى دبت .

۷- حوكمئى قئى خوينئى : خوينا عادەى - ويا چلكان ژى - يا پيس وبئى  
نقىئژە ، ئوئگهر ما ب جلكى قه ، چ كيم بت چ گهلەك بت ، دقئيت ئو جلڪ  
ژئى بيئته شويشتن ، و ل فيرئى دقئيت بيئژين : هئدەك ژن هەنە هزر دكەن چئى  
گاڤا ئو ژ عادەى دەر كەفتن دقئيت ئو وى جلڪئى ل بەر خو بشوون ، ئوئگهر  
خوئىي پاقژ ژى بت ، ئوئف هزرە يا خەلەتە وزەجەتە كا بيى مەعنايە ئو بۆ خو چئى  
دكەن .

۹- بەردانا ژنكى د دەمئى عادەى وچلكان دا : كارەكئى خەلەتە وھەر  
چەندە ژن ژ زەلامئى دچت ژى بهلى زەلام ب قئى كارى گونەھكار دبت ،  
ودبيئژنە قئى رەنگئى بەردانئى : ( الطلاق البدعي ) ، وزەلامئى ئوئگهر بقئيت ژنا خو  
بەردەت دقئيت خو لئى بگرت حەتا پاقژ دبت وبەرى بچتە نك ژ نوى بەردەت .

ئىستىحاضە ۋە ئەھكامىيىن ۋى :

ئىستىحاضە ئەۋە : ژ بەر نساخىيەكى ژن نە ل دەمى عادى خۇيى ھەيۋانە ،  
ۋە نە ل دەمى چىلگەدارىيى ، بەردەوام خوينى بىيىت ، ۋە پىترىن جاران رەنگى قى  
خوينى يى ب سەر زەرى قەيە ، ۋە بى ئىشان ۋە سوزىن دىيىت .  
ۋە دىتتا قى خوينى چو پەيۋەندى ب عەمرى قە نىنە ، يەنى : دىت كىچ بەرى  
بالغىۋونى قى خوينى بىت ، ۋە دىت ئەۋ پىرەژنا ژ عادان خىلاس بوۋى ژى بىيىت .  
بۇ قى ژنى ژى ھىندەك ئەھكامىيىن تايىبەت د شىرەعتى دا ھەنە دىقەت ئەۋ يا يى  
ئاگەھدار بىت ، ژ ۋان ئەھكامان :

۱- ھوكمى قى ژنكى ھوكمى ژنكا پاقۇزە ، ۋە مەتەلا ۋى ۋەكى مەتەلا ۋى  
مروۋقىيە يى دەسنقىژا زراف خۇ تى نەگرت .

۲- ئەۋ تىشتىن بۇ ژنكا دىعادى دا د ھەرام ، ۋەكى نىقىژى ۋە رۇژىيى ..  
ۋەتد ، بۇ قى ژنكى د ھەرام نىيىن ، لەۋ ئەۋ دى نىقىژىن خۇ دورىست كەت  
ۋە رۇژىيىن خۇ ژى گرت .

۳- بۇ ھەر نىقىژە كا فەرىض دى دەسنقىژەكى شىۋوت ، ۋە دىقەت ئەۋ ھىنگى  
دەسنقىژى بشىۋوت دەمى رادىتە نىقىژى .

۴- دورىستە بۇ زەلامى ۋى پەيۋەندى يا جىنى د گەل بىكەت .

ئىستىحاضە .. ۋە سى رەنگىن ژنكان :

ژنا ( مۇستەھاضە ) ئىك ژ سىيانە :

يا نىكىن : دىت ژنەك ھەبەت عادى ۋى يى ( تەنظىمكىرى ) بىت ، ۋە ھەر  
ھەيۋ ئەۋ چەند رۇژەكىن دەسنقىشانكىرى خوينى بىيىت ، پاشى ۋە سا چى بىت  
ھەيۋەكى ئەۋ ھىندەك رۇژىن زىدەتر ژ ھەر جار خوينى بىيىت ، ئەف رۇژىن زىدە  
دى حىسب بن ئىستىحاضە ، لەۋ ئەف ژنە دىقەت پىشتى خىلاسبونا عادى ۋى يى

هەيڤانە سەرى خۆ بشووت و ژ وپىرى وېڤە دەست ب کرنا نفیژى وگرتنا  
رۆژىيان بکەت ، وپشتى هنگى ئەگەر خوينا ئستحاضى راوەستيا ئەو سەرى  
خۆ ناشووتەڤه ..

**يا دووڤى :** ئەگەر وى بەردەوام خوین دیت ونەزانى رۆژين وى يين عادەى  
چەندن ؛ چونكى وى چو عادين دەسنیشانکرى نین ، بەلى ب رەنگى خوینى  
شيا ( حەيىز ) ى و ( ئستحاض ) ى ژيەك جودا بکەت ، هنگى وى چو  
گرفتارى نابن ؛ چونكى ئەو دى ل دويف زانينا خۆ هەردو حالەتان ژيەك  
نیاست .

**يا سىيى :** وەكى يا دووىيە خوینى بەردەوام دىينت وچو عادين  
دەسنیشانکرى نین ، و ب رەنگى خوینى ژى ئەو ( حەيىز ) ى و ( ئستحاض )  
ى ژيەك جودا ناکەت ، ئەڤە دى ب عادى ژنکان يى بەلاڤتر کو شەش  
حەفت رۆژن ، يان ژى دى ل دويف عادى مروفەکا خۆ يا نيزيەك وەكى دەيىكى  
يان خويشكى يان خالەتى چت ، وئەو رۆژين زیندە ژفى هژمارى دى حسيب  
بن ئستحاضه .

#### چلکدارى ( النفاس ) :

ژنا چلکدار ئەوہ يا ل دەمى بجويکبوونى وپشتى هنگى خوینى دىينت ،  
وہەر چەندە ئەم ب کوردى ديژينە فى حالەتى : چلک ؛ چونكى پترىيا ژنکان  
چل رۆژان خوینى دىين ، بەلى شەرت نینە ژن چل رۆژان خوینى دىينت ،  
وئەحکامين ژنکا چلکدار يين کو نوکە دى ئيشارەت دەينى ب ديتنا خوینى ڤە  
دگريداينە نەکو ب چل رۆژان ڤە وەكى ھندەك ھزر دکەن .

ژنى گاڤا بجويەک بوو وخوين دیت دى يا چلکدار بت ، وئىسلامى ھندەك  
حوکمين تايبەت بو ڤان رەنگە ژنان دانابنە ، پيتڤى بە ل سەر ژنى يا پى ئاگەھدار



بت ، ودا ئاخفتنا مه يا ئاشكهره بت ئەم دى ڤى مەسەلى ل سەر چەند خالەكان  
لېكفە كەين :

۱- شەرت نېنە چلك چل رۆژ بن ، وچى گاڤا خوين راپوھستيا چلك  
ب دويمامهى دئىن وژن پاڤژ دبت ، لەو دڤيٽ ئەو خو بشوت و عيادەتى  
ب دورستى بکەت .

۲- ژنا چلكدار ئەگەر ژ چل رۆژان زېندەتر خوين ديت ، دى بەرى خو دەتە  
وان رۆژىن ژ چلان دزېندەتر ئەگەر ئەو رۆژ ئەوبن يېن هەر جار عادى وى  
تېدا دەت ئەو رۆژ دى حسيب بن ژ عادەى ، ئەگەر نە ئەو رۆژ بن ، ژ رۆژا  
چلى وىڤەتر دى حسيب بن ئستحاضە .

۳- ژنا چلكدار ئەگەر پاڤژ بوو پاشى خوين ديتەڤە دى بەرى خو دەتى ئەگەر  
هژمارا وان رۆژىن ئەو تېدا پاڤژ بووى گەهشتېنە پازدە رۆژان ، خوينا ئەو ژ نوى  
دېنت دى حسيب بت خوينا عادەى ، ژ خو ئەگەر ئەو رۆژ ژ پازدە رۆژان  
دکيټر بن خوينا ئەو ژ نوى دېنت ژى دى حسيب خوينا چلكان ، وئەو  
رۆژىن ئەو تېدا پاڤژ بووى ژى ژ چلكان حسيب دبن .. ئەڤە ب وى شەرتى  
ئەگەر ئەڤ پاڤژى و خوين ديتنە بکەڤتە د چل رۆژان دا .

۴- ئەگەر ژنكى ب رېكا ( عەمەلىيى ) بچويك بوو ، يەعنى : دختوران  
زكى وى ڤەكر و بچويك ژى ئينادەر ، ووى وەكى ژنكا چلكدار خوين نەدیت ،  
چلك بو وى حسيب نابت ، و حسيبا وى دى حسيبا مروڤى بريندار بت .

۵- ژنى ئەگەر بچويك ژ بەر چوو ووى خوين ديت دى بەرى خو دەتى  
ئەگەر تشتى ژ بەر چووى رەنگى مروڤان گرت بت ، ئەو خوينا پشتى هنگى ئەو  
دېنت دى خوينا چلكان بت ، وئەگەر تشتى ژ بەر چووى هيشتا خولكى مروڤان  
نەگرت بت ( خوينەكا هشك بت يان پارچەيهكا گوشتى بت ) ، دى بەرى خو

دەتتى ئەگەر ئەو رېۋ ئەوين يېن ھەر جار ئەو تېدا دكەفتە عادەى ، ئەو خوين دى  
خوينا عادەى بت ، ئەگەر نە ئەو رېۋز بن ، ئەو خوين دى حسيب بت  
ئستحاضە .

۶- ئەو ئەحكاميىن فقھى يېن بەرى نوکە بۇ خودانا عادەى مە گۆتىن ژنا  
چلکدار ژى يا تېدا پشکدارە .

---

ئەو ژىدەرېن مفا ژى ھاتىيە ديتن بۇ نفيسينا فى بابەتى :

۱- جداول أحكام الطهارة للنساء ، الدكتور طارق السويدان ، چاپا ئېكى يا  
سالا ۱۴۱۴ كۆچى ۱۹۹۴ زايىنى .

۲- الطهارة عند المرأة ، جاسم بن محمد الياسين ، چاپا پېنجى يا سالا ۱۴۰۹  
كۆچى ۱۹۸۹ زايىنى .

۳- فتاوى العلماء للنساء ، عبد العزيز بن باز ومحمد صالح بن العثيمين ، چاپا  
سالا ۱۹۹۱ زايىنى .

۴- فقه السنة ، سيد سابق ، چاپا سالا ۱۴۱۶ كۆچى ۱۹۹۵ زايىنى .

۵- فقه المرأة المسلمة ، الدكتور محمد الصادق عفيفي ، چاپا ئېكى يا سالا  
۱۴۰۶ كۆچى ۱۹۸۶ زايىنى .

۶- المفصل في أحكام المرأة والبيت المسلم ، الدكتور عبد الكريم زيدان ،  
چاپا دووى يا سالا ۱۴۱۵ كۆچى ۱۹۹۴ زايىنى .

## ناقھارۆك

بابەت

بەرىپەپ

- پېشكۆتن ۵
- بەرىخۆدانا نزم بۆ ژنى بۆچى ؟ ۷
- ئىسلام ومافىن ژنى ۲۳
- سەرەدەرى يا ئىسلام د گەل خورستى يا ژنى ۴۶
- حىجاب بۆچى وچاوا ؟ ۶۲
- ئەو ژنىن مروفائىنى يا خودى ھلىژارتى ۸۸
- ئەحكامىن پاقرى وبى نقىزى ۱۰۳